

衢本郡齋讀書志考辨跋 顧千里思適齋集卷十五

衢本郡齋讀書志二十卷姚應績編世所罕見乾隆末年我友瞿君木夫收得舊鈔本予從之寫其副藏諸篋中未嘗示人其木夫本旋經黃丕烈借去迨嘉慶己卯為汪君閻原付梓乃有嘉興李富孫跋謂以予所鈔屬伊校不審黃李孰為此言也梓成印行爰發向所鈔一讀覺小學類中有不可通者再四尋繹方知當畫分六段自第二段以下皆鈔本錯簡也第一段起爾雅一第至方言六第第二段起說文解字一第至經典釋文三第第三段起干祿字書四第十至臨池妙訣九第十第四段起右未詳撰人一云云上接臨池妙訣三卷至類篇四第廿第五段起集韻五第廿至一行之下合之為第二十

唐氏字說解第六段起右皇朝唐邦撰云云上接唐氏字說解

弟世之為至切韻指元論四聲等第圖第九世而卷終焉依此移轉

庶幾行所無事而部居時代各得其所否則可尋之跡遽泯矣

然而成事不說也今年木夫枉過敝廬見示衡志考辨一冊論

袁本之失明衡本之善精細詳備誠不可不與本書並行者也

因憶管見附著於尾既以奉質仍望教我



昭德先生郡齋讀書志序

杜艸從張京兆之子學問王粲為蔡中郎所奇皆盡得其家書故艸以多聞稱而粲以博物顯下逮國朝宋宣獻公亦得畢文簡楊文莊家書故所藏之富與秘閣等而常山公以瞻博聞於時夫世之書多矣顧非一人之力所能聚設令篤好而能聚之亦將老至而耄且及豈暇讀哉然則二三子所以能博聞者蓋自少時已得先達所藏故也公武家自文元公來以翰墨為業者七世故家多書至於是正之功世無與讓焉然自中原無事時已有火厄及兵戈之後尺素不存也公武仕宦連蹇久益窮空雖心志未衰

而無書可讀每恨之南陽公天資好書自知興元府至領四
川特運使常以俸之半傳錄時巴蜀獨不被兵人間多有異
本聞之未嘗不力求必得而後已歷二十年所有甚富既
罷載以舟即廬山之下居焉宿與公武厚一日貽書曰某
老且死有平生所藏書甚秘惜之顧子孫稚弱不自樹立
若其心愛名則為貴者所奪若其心好利則為富者所售
恐不能保也今舉以付子他日其間有好學者歸焉不然
則子自取之公武惕然從其命書凡五十篋合吾家舊藏
除其複重得二萬四千五百卷有奇今三榮僻左少事日
夕躬以朱黃讎校舛悞每終篇輒撮其大旨論之豈敢効

二三子之博聞所期者不墜家聲而已書則固自若也倘
遇其子孫之賢者當如約紹興二十一年元日昭德晁公
武序

昭德先生郡齋讀書志目錄

第一卷

經類總論

書類

第二卷

詩類

樂類

第三卷

春秋類



易類



門人姚應績編



禮類

孝經類

第四卷

論語類

經解類

小學類

第五卷

史類總論

正史類

編年類

第六卷

實錄類

雜史類

第七卷

偽史類

史評類

職官類

第八卷

儀注類

刑法類

地理類

第九卷

傳記類

譜牒類

書目類

第十卷

子類總論

儒家類

第十一卷

道家類
名家類

法家類
墨家類

縱橫家類

第十二卷

雜家類

農家類

第十三卷

小說類

天文類

星曆類

第十四卷

五行類

兵家類

類書類

第十五卷

藝術類

醫書類

第十六卷

神仙類

釋書類

第十七卷

集類總論

楚辭類

別集類上

第十八卷

別集類中

第十九卷

別集類下

第二十卷

摭集類

文說類

昭德先生郡齋讀書志目錄終



昭德先生郡齋讀書志卷之一



門人姚應績編



自漢武帝之後雖世有治亂無不知崇尚典籍劉歆始著七略總錄群書一曰輯略二曰六藝略三曰諸子略四曰詩賦略五曰兵書略六曰術數略七曰方技略至荀勗更著新簿分為四部一曰甲部紀六藝及小學等書二曰乙部有古今諸子家及兵書術數三曰丙部有史記及故事四曰丁部有詩賦圖讚勗之簿蓋合兵書術數方技於諸子自春秋類摘出文記別而為一六藝諸子詩賦皆仍歆舊其後歷代所編書目如王儉阮孝緒之徒咸從歆例謝

靈運任昉之徒咸從勗例唐之分經史子集藏於四庫是亦祖述勗而加詳焉歐陽公謂其始於開元誤矣今公武所錄書史集居其半若依七略則多寡不均故亦分之為四焉

經之類凡十其一日易二曰書三曰詩四曰禮五曰樂六曰春秋七曰孝經八曰論語九曰經解十曰小學合二百五十五部計三千二百四十四卷孔氏之教別而為六藝數十萬言其義理之富至於不可勝原然其要片言可斷曰修身而已矣脩身之道內之則本於正心誠意致知格物外之則推於齊家治國平天下內外兼盡無施而不宜

學者若以此而觀六藝猶坐璇璣以窺七政之運無不合者不然則悖繆乖離無足怪也漢承秦後六藝皆出於灰燼之餘學者顛門名家故易有田氏焦氏費氏詩有魯詩齊詩韓詩春秋有鄒邾左丘明公羊高穀梁赤禮樂有大戴小戴之殊書有古文今文之異各尊其師說而伐其異己者黨枯骸護蠹簡至於忘父子君臣之分爭辯不少屈其弊甚矣迨至晉魏之後此弊雖衰而學者徒剽賊六藝之文飾其詞章以諱世取寵而不復有明道之意無以議為及唐之中葉海內又安士稍知崇尚經術而去聖愈遠異端並興學書者則以今文易古文而頗改其詞學春秋

者則合三傳之同異而雜舉其義不本所承決以胸臆以迄於今釋老申韓之說雜然滿於六經之中雖與漢儒之學不同而其失一也凡此者豈有他哉皆不能操脩身之道反刻意於章句是以迨二千載之間悖謬乖離殊塗而同歸至此其極悲夫今所錄漢唐以來之書甚備觀者其慎擇焉論語孝經自班固以來皆附經類夫論語羣言之首孝經百行之宗皆六經之要其附於經固不可易又藝文志有小學類四庫書目有經解類蓋有補於經而無所繫屬故皆附於經今亦從之

易經

王弼周易十卷

右上下經魏尚書郎王弼輔嗣注繫辭說卦雜卦序卦弼之門人韓康伯註又載弼所作略例通十卷易自商瞿受於孔子六傳至田何而大興為施讎孟喜梁丘賀其後焦贛費直始顯而傳受皆不明由是分為三家漢末田焦之學微絕而費氏獨存其學無章句惟以彖象文言等十篇解上下經凡以彖象文言等參八卦中者皆祖費氏東京荀劉馬鄭皆傳其學王弼最後出或用鄭說則弼亦本費氏也歐陽公見此遂謂孔子古經已亡按劉向以中古文易經校施孟梁丘經或脫去無咎悔亡惟費氏經與古文

同然則古經何嘗亡哉

石經周易十卷周易指略例一卷

右偽蜀廣政辛亥孫逢吉書廣政孟昶年號也說卦乾健也以下有韓康伯注略例有唐四門助教邢璣注此與國子監本不全者也以蜀中印本校邢璣注略例不同者又百餘字詳其意義似石經誤而無他本訂正姑兩存焉

周易正義十四卷

右唐國子祭酒孔穎達與顏師古司馬才章王恭馬嘉運趙乾叶王談_子志寧等同撰蘇德融趙弘智覆審序稱江南義疏有十餘家辭尚虛誕皆所不取唯王弼之學獨冠

古今以弼為本米諸說附益之

周易甘棠正義三十卷

右梁任正一撰以孔穎達為本甘棠云者正一嘗為陝州司馬故名其書

易乾鑿度二卷

右舊題蒼頡修古籍文鄭氏注按唐四庫書目有鄭玄注書詩緯及有宋均注易緯而無此書其中多有不可曉者獨九宮之法頗明昔通儒謂緯書偽起哀平光武既以讖立故篤信之陋儒阿世學者甚衆鄭玄何休以之通經曹褒以之定禮歷代革命之際莫不引讖為符瑞故桓譚張

衡之徒皆深嫉之自苻堅之後其學殆絕使其尚存猶不定保况此又非真也

坤鑿度二卷

右題曰庖羲氏先文軒轅氏演古籀文蒼頡脩按隋唐志及崇文總目皆無之至元祐田氏書目始載焉當是國朝人依托為之

周易緯稽覽圖二卷周易緯是類謀一卷周易緯辯終脩一卷周易緯乾元序制記一卷周易緯坤靈圖一卷易通驗卦一卷

右漢鄭玄注按隋志有鄭氏注易緯八卷唐志有宋均注

易緯九卷李氏本注與隋志同卷數與唐志同家本蓋出李氏獨不載乾鑿度二卷而有乾元叙制一卷按後漢注七緯名亦無乾元叙制

卜子夏易十卷

右舊題卜子夏傳唐藝文志子夏書已亡今此書約王弼注為之者止雜卦景迂云張弧偽作

焦氏易林十六卷

右漢天水焦贛延壽傳易於孟喜行事見儒林傳中此其所著書也費直題其前曰六十四卦變又有唐渝王序所書每卦變六十四總四十九十六首皆為韻語與左氏傳

載鳳凰於飛和鳴鏘之漢書所載大橫庚之予為天王之語絕相類豈古之卜者各有此等書耶

京房易傳四卷

右漢藝文志易京氏凡三種八十九篇隋經籍志有京氏章句十卷又有占候十種七十三卷唐藝文志有京氏章句十卷而占候存者五種二十三卷今其章句亡矣乃略見於僧一行及李鼎祚之書今傳者曰京氏積筭易傳三卷雜占條例法一卷名與古不同所謂積筭易傳疑隋唐志之錯卦是也雜占條例法者疑隋唐志之逆刺占灾異是也景迂嘗曰是書兆乾坤之二象以成八卦之凡八變

而六十有四於其往來升降之際以觀消息盈虛於天地之元而酬酢乎萬物之表者炳然在目也大抵辨三易運五行正四時謹二十四氣悉七十二候而位五星降二十八宿其進退以幾而為一卦之主者謂之世奇耦相與據一以超二而為主之相者謂之應世之所位而陰陽之肆者謂之飛陰陽肇乎所配乾與坤震與巽坎與離艮與兌而終不脫乎本以飛其卦之位乃伏其宮之位以隱蹟佐神明者謂之伏起乎世而周乎内外參乎本數以紀月者謂之建終之始之極乎數而不可窮以紀日者謂之積含於中而以四為用一卦係四卦者謂之互乾建甲子于初坤建甲午于上八卦之初初一世之五位乃分而為五世之位其上乃生一世之初

五世之士乃為遊魂之世五世之初乃為歸魂之世而歸魂之初乃生後卦之初其建剛日則節氣柔日則中氣其數虛則有二十有八盈則三十有六蓋其可言者如此夫象遺乎意遺乎言則錯綜其用惟變所適苟非彰往而察來微顯而闡幽者曷足以與此易學自商瞿至孟喜授受甚明房受之喜而瞿牧自生者不肯京氏曰京非孟氏學也劉向亦疑京託之孟氏予不知當時為何說也今以當時之書驗之蓋有孟氏京房十一篇災異孟氏京房十六篇同為一家之學則其源委孰可誣哉

閔子明易傳一卷

右魏閔朗撰子明朗字也元魏大和末王虬言於孝文孝文召見之著成筮論數十篇唐趙蕤云恨書亡半隨文詮解才十一篇而已李邕輒始著之目云王通贊易蓋宗此也

李氏集解十卷

古唐李鼎祚集解經皆避唐諱又取序卦各冠逐卦之首所集有子夏孟喜京房馬融荀爽鄭康成劉表何晏宋衷虞翻陸績于寶王肅王輔嗣姚信王廙張璠向秀王凱同侯果蜀才翟玄韓康伯劉瓛何妥崔憬沈麟士盧氏崔覲孔穎達三十餘家又引九家易乾鑿度義所謂蜀才者人

多不知按顏之推云范長生也其序云自卜商之後傳註
百家唯王鄭相沿顏行於代鄭則多參天象王乃全釋人
事易之道豈偏滯於天人哉而天象難尋人事易習折楊
黃華學徒多從之今集諸家刊輔嗣之野文輔康成之逸
象以貽同好蓋宗鄭學者也隋書經籍志所錄易類六十
九部公武今所有五部而已閔朗易不載於目乾鑿度自
是緯書焦贛易林又屬卜筮子夏書或云張弼偽為然則
隋志所錄捨王弼書皆未得見也獨鼎祚所集諸家之說
時可見其大旨唐錄稱鼎祚書十七卷今所有止十卷而
始末皆全無所亡失豈後人併之耶

周易口訣義七卷

右唐史證撰抄註疏以便講習田氏乃以為魏鄭公撰誤
也

周易微指三卷

右唐陸希聲撰希聲仕至右拾遺大順中棄官居陽羨自
號居陽道叟著傳十卷別撰易圖一指說一釋變一微旨
一通十卷此微旨也皆設問答崇文日止有二篇

明^周易舉正三卷

右唐郭京撰京嘗任蘇州司戶序稱京家藏王弼韓康伯
手札周易本及石經校正一百三十五處二百七十三字

蓋以繇象相證有闕漏處可推而知託云得韓王手札與石經耳如渙之繇利涉大川下有利貞字而彖辭無之則增入漸之繇女歸吉下無也字而彖辭有之則削去他皆此類

元包十卷

右唐衛元嵩撰蘇源明傳李江注因八卦世變為六十四卦之次又著運著說源二篇統言卦體不列爻位自云周易元包一也

周易開玄闕一卷

右唐蘇鸞撰鸞自序云五代祖晉官至吏部侍郎學兼天

人嘗製八卦論為世所傳遭亂遺墜而編簡尚有存者鸞乃略演其旨於此

周易流演五卷

右唐成玄英撰錯綜六十四卦演九宮以直年月日推國家之吉凶玄英道士也故道藏錄之或云釋仁英撰未知孰是

周易啓源十卷

右蔡廣成撰李邕云唐人田偉置於王昭素之下今從李說有德恒伯言德膚德翰四目皆作問對凡三十六篇

易軌一卷

右偽蜀蒲軋貫撰專言流演其序云可以知否泰之源察
延但之數蓋數學也按劉道原十國紀年軋貫作虔觀今
兩字皆誤

易論三十三卷

右皇朝王昭素撰昭素居酸枣太祖時嘗召令講易其書
以注疏異同互相詰難蔽以己意昭素隱居求志行義甚
高史臣以王烈管寧比之

證墜簡一卷

右皇朝天禧中毗陵從事建溪范諤昌撰其書酷類郭京
舉正如震卦彖辭內云脫不喪七也四字程正叔取之漸

卦上六疑陸字誤胡翼之取之自謂其學出於湓浦李處
約廬山許堅意著豈果有師承故程胡有所取焉

陸秉意學十卷

右皇朝陸秉撰秉字端夫舊名東寶元二年以此書奏御
勅書嘉獎秉嘗通判蜀州首篇論易之名頗采參同契之
說

胡先生易傳一十卷

右皇朝胡瑗撰瑗字翼之泰州人通經術樂律教人有法
在湖州從其學者常數百人成材而脩朝廷器使者不可
勝數此解甚詳蓋門人倪阮天隱所纂非其自著故序首稱

先生曰

邵古周易解五卷

右皇朝邵古天叟撰古雍之父也世本范陽治平初卒於洛年七十九其學先正音文云

代淵易論二十卷

右皇朝代淵撰國史藝文志有其目

周易述聞一卷隱訣一卷補解一卷精微三卷

右皇朝皇甫泌撰又有紀師說辨道通為八卷

邵康節皇極經世十二卷

右皇朝邵雍撰雍字堯夫謚康節隱居博學尤精於易世

謂其能窮作易之本原前知來物其始學之時睡不施枕者至三十年此書以元經會以會經連以運經世起於堯即位之二十一年甲辰終於周顯德六年己未編年紀興亡治亂之事以符其學後有繫述叙篇其子伯溫解

邵康節觀物篇六卷

右邵雍之歿其門人記其平生之言合二卷雖以次筆授不能無小失然足以發明成書者為多故以外篇名之或分為六卷

劉長民易十五卷

右皇朝劉牧長民撰仁宗時言數者皆宗之慶曆初吳秘

獻其書於朝優詔獎之田况為序

鈞隱圖三卷

右劉牧撰皆易之數也凡五十五圖并遺事九有歐陽永叔序而其文殊不類

鄭揚庭周易傳十三卷

右皇朝鄭夬揚庭撰姚嗣宗謂劉牧之學受之吳秘秘受之夬夬又作明數明象明傳道明次例明範五篇卽雍言夬竊其學於王豫沈括亦言夬之學似雍云

徐庸易蘊一卷

右皇朝徐庸撰庸以春秋凡例易亦有之故著書九篇號

意蘊凡例摠論其學祖劉牧陸秉云

徂徠先生周易五卷

右皇朝石介守道撰景迂云易古文十二篇先儒謂費直專以彖象文言參解易文以彖象文言雜入卦中者自費氏始孔穎達云王輔嗣又分爻之象辭各附當爻則費氏初變古制時猶若今乾卦彖象繫卦之末歟古經始變於費氏卒大亂於王弼惜哉今學者曾不之知也石守道亦曰孔子作彖象於六爻之前小象係系爻之下惟乾悉屬之於後者讓也嗚呼他人尚何責哉家本不見此文豈介後覺其誤改之歟

王逢易傳十卷

右皇朝王逢撰逢嘗為國子直講其學宗王弼

溫公易說一卷

右皇朝司馬光君實撰雜解易義無證次未成書也

周易聖斷七卷

右皇朝鮮於侁子駿撰本之劉牧王弼而時辨其非且云
衆言淆亂折諸聖新故名其篇曰聖斷

宋咸易訓三卷

右皇朝宋咸撰咸自序云予既以補注易奏御而男億請
餘義凡百餘篇端因以易訓名之蓋言不敢以傳世特教

其子而已頗論陸希聲劉牧鮮於侁得失云

周易古經二卷

右皇朝呂大防徵仲編其序云彖象所以解經始各為一
書王弼專治彖象以為注乃分於卦爻之下學者於是始
不見完經而文辭次第貫穿之意亦缺然不屬因按古文
而正之凡十二篇別無解釋

東坡易傳十一卷

右皇朝蘇軾子瞻撰自言其學出於其父洵且謂卦不可
爻別而觀之其論卦必先求其所齊之端則六爻之義未
有不貫者未嘗鑿而通也東坡其自號也

橫渠易說十卷

右皇朝張載子厚撰載居橫渠故以名書其解甚略繫詞
差詳

程氏易十卷

右皇朝程頤正叔撰朱震言頤之學出於周敦頤敦頤得
之於穆修亦本於陳搏與邵雍之學本同然考正叔之解
不及象數頗與胡翼之相類景迂云胡武平周茂叔同師
潤州雀林寺僧壽涯其後武平傳其學於家茂叔則授二
程與震之說不同

呂氏易章句十卷

右皇朝呂大臨與叔撰其解甚略有統論數篇

乾生歸一圖二卷

右皇朝石汝礪撰先辨卦爻象之別後列數圖頗雜以
釋老之說

王介甫易義二十卷龔原注易二十卷耿南仲注易
二十卷

右皇朝王安石介甫撰介甫三經義皆頌學宮獨易解自
謂少作未善不專以取士故紹聖後復有龔原耿南仲注
易三書偕行於場屋

張弼易十卷

右皇朝張弼興化軍人章惇荐於朝賜號葆光處士紹聖二年黃裳等再荐之詔以為福州司戶本州教授其易學頗宗鄭氏

周易義海一百卷

右皇朝房審權撰集鄭玄至王安石凡百家摘取其專明人事者為一編或諸家說有異同輒加評議附之篇末

晁以道古易十二卷

右從父詹事公撰以諸家易及許慎說文等九十五書是正其文字且依漢田何本分易經上下并十翼通為十二篇以矯費氏王弼之失謂劉向嘗以中古文易經校施孟

梁丘經至蜀李謨又嘗著古文易遂名之曰古易公諱某字以道昔班固自序其父祖事皆著名表種字其叔父曰絲人皆不次以為非今錄先世及諸父所著若不識姓名字則後莫知其誰非史之比故不敢効孟堅况非面斥輒援袁種舊例云餘皆倣此

晁以道太極傳六卷因說一卷太極外傳一卷

右從父詹事公撰其學本之邵堯夫自公初學京房後遇楊賢寶得其傳初著商瞿傳亡之建炎中再作此書時年七十一

朱子彖易集傳十一卷易圖三卷叢說一卷

右皇朝朱震子彝撰自謂其學以程頤為宗和會邵雍張載之論合鄭玄王弼之學為一二云其書多采先儒之說以成故曰集傳然頗舛誤

王湜易學一卷

右皇朝王湜同州人早潛心於邵康節之學其序曰康節有云理有未見不可強求使通故愚於觀物篇云所得既推其所不疑又存其所可疑亦以先生之言自慎不敢輕其去取故也

河圖解二卷

右皇朝康平撰凡五十二篇

先天易鈔太極寶局二卷

右皇朝牛師德撰自云傳邵雍之學於司馬溫公其說近於術數未知其信然否

兼山易解二卷

右郭忠孝撰忠孝字立之河南人頗明象數自謂得李挺之卦變論於陳子惠因亟讀有得焉靖康中持憲閔右死於難故其書散落大半

書類

尚書十三卷

右本古文孔安國傳五十九篇安國取序一篇分諸篇之

首更定五十八篇晉之亂歐陽夏侯尚書並亡晉梅頤始
得此傳闕舜典一篇乃以王肅注足成上之齊建武中吳
姚方輿得之於大桁比王注多二十八字唐孝明不喜古
文以今文易之又頗改其辭如舊無頗今改無坡之類是
也按安國既定古文會有巫蠱事不復以聞藏於私家而
已是以鄭康成注禮記常昭注國語杜預註左氏趙岐注
孟子遇引今尚書所有之文皆曰逸書蓋未嘗見古文故
也然嘗以禮記校說命孟子校泰誓大義雖不遠而文不
盡同意者安國以隸古定時失之耳

石經尚書十三卷

右偽蜀周德自書經文有祥字皆闕其畫而亦闕民字之
類蓋孟氏未叛唐時所刊也以監本校之禹貢雲土夢作
人倒土夢字盤庚若網在綱皆作綱字按沈括筆談云雲
土夢作人太宗時得古本因改正以綱為網未知孰是

尚書正義二十卷

右唐孔穎達等撰因梁費甝疏廣之唐儒學傳稱穎達與
顏師古司馬才章王恭王琰撰五經義訓百餘篇號義贊
詔改為正義云雖包貫異家為詳博然其中不無謬冗焉
馬嘉運較正其失永徽中於志寧張行成高季輔就加增
損始布天下藝文志云穎達與李子雲王德韶等撰朱長

才蘇德融隋德素王士雄趙弘智審覆長孫無忌李勣等二十四人刊定唐史志傳記事多參差此為尤甚所記撰著人姓氏類達外往不同

古文尚書十三卷

右漢孔安國以隸古定五十九篇之書蓋以隸寫籀故謂之隸古其書自漢迄唐行於學官明皇不喜古文改從今文由是古文遂絕陸德明獨存其二於釋文而已皇朝呂大防得本於宋次道王仲至家以校陸氏釋文雖小有異同而大體相類觀其作字奇古非字書傳會穿鑿者所能到學者考之可以知制字之本也

尚書大傳三卷

右秦伏生勝撰鄭康成注勝至漢孝文時年且百歲歐陽生張生從學焉音聲猶有訛誤先後猶有差舛重以篆隸之殊不能無失勝終之後數子各論所聞以己意弥縫其闕而別作章句又特撰大義因經屬指名之曰傳後劉向校書得而上之

尚書解十四卷

右皇朝顧臨蔣之奇姚闢孔武仲劉敞王會之周範蘇子才朱正夫吳攸所撰後人集之為一編然非定全書也

胡翼之洪範解一卷

右皇朝胡瑗翼之標皆其門人所錄無詮次首尾

張晦之洪範解一卷

右皇朝張景晦之撰景當景祐三年為房州參軍著論七篇

王氏洪範傳一卷

右皇朝王安石介甫撰安石以劉向董仲舒伏生明災異為蔽而思別著此傳以庶徵所謂若者不當訓順當訓如人君之五事如天之兩暘寒燠風而已大意言天人不相干雖有變異不足畏也

楊元素書九意一卷

右皇朝楊繪元素撰其序云詩書春秋同出於史而仲尼或刪或修莫不有筆法焉詩春秋先儒皆言之書獨無其法耶故作斷堯虞書夏書禪讓稽古商書周書費誓泰誓意九篇

蘇明允洪範論圖一卷

右皇朝蘇洵明允撰三論皆援經擊傳序末以歸本二圖一以指歆向之謬一以形其意或云非洵作

孫莘老尚書解十三卷

右皇朝孫覺莘老撰覺仕元祐至謂康王以喪服見諸侯為非禮蘇氏之說蓋本於此

新經尚書十三卷

右皇朝王雱撰雱安石之子也熙寧六年命呂惠卿兼修撰國子監經義王雱兼同修撰王安石提舉而雱董是經頒於學官用以取士士或少違異輒不中程由是獨行於世者六十年而天下學者喜攻其短自開黨禁綱之世人羞鮮稱焉書義辨疑一卷

右皇朝楊時中立撰其書專攻王雱之失時仕至禮部侍郎

東坡書傳十三卷

右皇朝蘇軾子瞻撰熙寧以後專用王氏之說進退多士

此書駁異其說為多又以胤征為羿篡位時事康王之誥為失禮引左氏為證與諸儒之說不同

顏吳范司馬無逸說命解三卷

右皇朝吳安詩范祖禹司馬康元祐中侍講筵顏復說書崇政殿日所進講說也

伊川書說一卷

右皇朝程頤正叔之門人記其師所談四十餘篇

洪範會傳一卷

右皇朝孫諤撰諤元祐中博士其說多本先儒頗攻王氏之失

書傳十三卷

右皇朝呂大臨與叔撰

注

商之才汪本作固之才校後

按固字原本瞿鈔本表本俱誤作商今據通考改正

以平城宏信軍刻佳釋以仍作商字蓋謂王商也

卜

昭德先生郡齋讀書志卷之一終

昭德先生郡齋讀書志卷之二

門人姚應績編

詩類

毛詩故訓傳二十卷

右古詩三千餘篇孔子刪取其三百十一篇為經後亡其六漢興分為三申公作訓詁號魯詩轅固生作傳號齊詩韓嬰作傳號韓詩皆列學宮官最後毛公詩出自謂子夏所傳公趙人為河間獻王博士五傳至東京馬賈二鄭皆授其學魏晉間魯齊詩遂廢而韓詩僅存毛公詩獨行至今謂其解經最密其序蕭統以為卜子夏所作韓愈嘗以三

事疑其非王介甫獨謂詩人所自製按東漢儒林傳曰衛宏作毛詩序善得風雅之旨隋經籍志曰先儒相承謂毛詩序子夏所創毛公及衛宏所潤益愈之言蓋本於此韓詩序朱萑曰傷夫也漢廣曰悅人也序若詩人所自製毛詩猶韓詩也不應不同若是况文意繁雜其出二人手甚明不知介甫何以言之殆臆論歟漢鄭康成箋

石經毛詩二十卷

右偽蜀張紹文書與禮記同時刻石

毛詩正義四十卷

右唐孔穎達等撰據劉炫劉焯疏為本刪其所繁而增其

所簡云自晉室東遷學有南北之異南學簡約得其英華北學深博窮其枝葉至穎達始著義疏混南北之異雖未必盡得聖人之意而刑名度数亦已詳矣自茲以後大而郊社宗廟細而冠昏喪祭其儀法莫不本此元豐以來廢而不行甚無謂也

韓詩外傳十卷

右漢韓嬰撰嬰燕人其書漢志本十篇內傳四外傳六隋止存外傳析十篇其及經蓋寡而遺說徃々見於他書如逶迤郁夷之類其義與毛詩不同此書稱外傳雖非其解經之深者音然文辭清婉有先秦風

詩譜一卷

右漢鄭玄康成撰歐陽永叔補其缺遂成全書

毛詩州木鳥獸禽魚疏

右吳陸璣撰或題曰陸璣非也璣仕至烏程令

歐陽詩本義十五卷

右皇朝歐陽修永叔撰歐公解詩毛鄭之說已善者因之不改至於質諸先聖則悖理攷於人情則不可行然後易之故所得比諸儒最多但平日不信符命嘗著書以周易河圖洛書為妖妄今又以生民玄鳥之詩為恠說蘇子瞻曰帝王之興其受命之符卓然見於詩書者多矣河圖洛

書玄鳥生民之詩豈可謂之誣也哉恨學者推之太詳流入讖緯而後之君子亦矯枉過正舉從而廢之以為王莽公孫述之流緣此作亂使漢不失德莽述何自起而歸罪三代受命之符亦過矣

新經毛詩義二十卷

右皇朝熙寧中置經義局撰三經義皆本王安石說毛詩先命王雱訓其辭復命安石訓其義書成以賜太學布之天下以取士云

蘇氏詩解二十卷

右皇朝蘇轍子由撰其說以毛詩序為衛宏作非孔氏之

舊止存其首一言餘皆刪去按司馬遷曰周道缺而閔賈作揚雄曰周康之時頌聲作乎下閔賈作乎上與今毛詩序之義絕不同則知序非孔氏之舊明矣雖然若去序不觀則詩之詞有溟滓而不可知者不得不存其首之一言也

伊川詩說二卷

右皇朝程頤正叔門人記其師所談之經也

毛詩辨疑一卷

右皇朝楊時中立撰

陳氏詩解二十卷

右皇朝陳少南撰

禮類

周禮十二卷

右鄭玄注漢武帝時河間獻王開獻書之路得周官有五篇失冬官一篇乃募以千金不得取考工記以補其闕至孝成時劉歆校理秘書始得序列著於錄略為衆儒排棄歆獨以為周公致太平之迹永平時杜子春初能通其讀鄭衆鄭興亦嘗傳乎玄皆引之以參釋異同云大夫者興也司徒者衆也

石經周禮十二卷

右偽蜀孫朋古書以監本是正其注或羨或脫或不同至千數

儀禮十七卷

右鄭氏注西漢諸儒得古文禮凡五十六篇高堂生博士禮十七篇為儀禮喪服傳一卷子夏所為其說曰周禮為本聖人體之儀禮為末聖人履之為本則重者在前故宗伯序五禮以吉凶賓軍嘉為次為末則輕者在前故儀禮先冠昏後喪祭唐韓愈謂文王周公法制粗在於是恨不及其時進退揖讓於其間云

禮記二十卷

右漢戴聖纂鄭康成注即所謂小戴者也此書乃孔子歿後七十子之徒所共錄中庸孔伋作緇衣公孫尼子作王制漢文帝時博士作河間獻王集而上之劉向校定二百五十篇大戴既刪八十五篇小戴又刪四十六篇馬融傳其學又附月令明堂義合四十九篇

石經禮記二十卷

右偽蜀張紹文所書不載年月經文不闕唐諱當是孟知祥僭位之後也首之以月令題云御刪定蓋明皇也林甫等注蓋李林甫也其餘篇第仍舊議者謂經禮三百曲禮三千毋不敬一言足以蔽之故先儒以為首孝明肆情變

亂甚無謂也其罪大矣

大戴禮記十三卷

右西漢戴德纂亦河間王所獻百三十一篇劉向校定又得明堂陰陽記三十三篇德刪其煩重為八十五篇今書止四十篇其篇目自三十九篇始無四十三四十四四十五六十一四篇有西七十四蓋因舊缺錄之每卷稱今卷第幾題曰九江太守戴德撰按九江太守聖也德為信都王太傅蓋後人悞題

三禮義宗三十卷

右梁崔靈思撰靈思武城人少篤學尤精禮傳仕魏歸梁

為博士甚拙朴及解析經理盡極精致正始之後不尚經術咸事虛談公卿士大夫蓋取文具而已而靈思經明行修製義宗詩易春秋百餘卷終桂州刺史此書在唐一百五十篇今存者一百二十七篇凡兩戴王鄭異同皆援引古誼商略其可否為禮學之最

周禮疏十二卷

右唐賈公彥撰公彥汝州人永徽中仕至大學博士稱著此書四十卷今併為十二卷世稱其發揮鄭學最為詳明

儀禮疏五十卷

右唐賈公彥撰齊黃慶隋李孟哲各有疏義公彥刪二疏

為此書國朝嘗詔邢昺是正之

禮記疏七十卷

右唐孔穎達等貞觀中奉詔撰其序稱大小二戴共氏而分門王鄭西家同經而異注爰從晉宋逮於周隋傳禮業者江左尤盛其為義疏者甚多唯皇甫侃熊安生見於世然皇甫為勝今據以為本其有不備以熊氏補焉

禮記外傳四卷

右唐成伯璵撰義例兩卷五十篇名數兩卷六十九篇雖以禮記為目通以三禮言之劉明素序張幼倫注

唐月令一卷

右唐明皇帝刪定李林甫等注序謂呂氏定以孟春日在營室不知氣逐閏移節隨斗建於是重有刪定俾林甫同陳希烈等八人為之解國朝景祐初改從舊文由是別行

三禮圖二十卷

右聶崇儀義周世宗時被旨纂輯以鄭康成阮諶等六家圖刊定皇朝建隆二年奏之賜紫綬犀帶獎其志學實儼為之序有云周世宗暨今皇帝恢堯舜之典則總夏商之禮文命崇儀著此書不以世代迂改有所抑揚近古云

開寶通禮二百卷

右皇朝劉溫叟等撰開寶中詔溫叟同李昉盧多遜扈蒙

揚昭儉賈黃中和峴陳諤損益開元禮為之附益以國朝新制

太常因草禮一百卷

右皇朝姚闢蘇洵撰嘉祐中歐陽修言禮院文書放軼請禮官編修六年用張洵奏以命闢洵至治平二年乃成詔賜以名李清臣云開寶已後三輯禮書推其要歸嘉祐尤悉然繁簡失中訛缺不補豈有拘而不得騁乎何擅釀之甚也

明道中庸解一卷

右皇朝程顥撰陳瓘得之江濤得之曾天隱天隱得之

傅才孺才孺云李丙所藏明道者顥之私謚

芸閣禮記解四卷

右皇朝呂大臨與叔撰與叔師事程正叔禮學甚精博中庸大學尤所致意也

編禮三卷

右呂大臨與叔編以士喪禮為本取三禮附之自死始至祥練各以類分其施於後學甚悉惠尚恨所編者五禮中特凶禮而已

新經周禮義二十二卷

右皇朝王安石介甫撰熙寧中設經義局介甫自為周官

義十餘萬言不解考工記按秦火之後周禮比他經最後
出論者不一獨劉歆稱為周公致太平之迹鄭氏則曰周
公復辟後以此較成王使居維維邑治天下林孝存謂之黷
亂不驗之書何休亦云六國陰謀之說昔北宮錡問孟子
周室班爵祿之制孟子以為諸侯惡其害已滅去其籍則
自孟子時已無周禮矣况經秦火乎孝存休非之良有以
也不知劉鄭何所據而言然又自違異不同王莽嘗取而
行之歛財聚貨瀆禮禮煩民冗辟辟詭異離去人情遠甚施於
文則可觀措於事則難行凡莽之馴致大亂者皆以此厥
後唯蘇綽王通善之諸儒未嘗有言者至於介甫以其書

理財者居半愛之如行青苗之類皆稽焉所以自釋其義
者蓋以其所創新法盡傳著之務塞異議者之口後其党
蔡卞蔡京紹述介甫期盡行之園土方田皆是也周姬姓
故其女曰王姬舍其同姓其臣如宋齊之女亦不曰姬而
各氏其姓曰子氏曰姜氏趙嬴姓京乃令帝女稱帝姬噫
至於姓亦從焉何其甚也久之禍難並起與莽無異殆書
所謂與亂同事者歟

郊廟禮文三十一卷

右皇朝楊完撰元豐初以郊廟禮文悞舛詔陳襄李清臣
王存黃履何洵直孫諤楊完就太常事檢討歷代沿革以

詔考其得失又命陸佃張璪詳定後以前後嘗進禮文獨令完編類五年成書奏御其書雖援據廣博而雜出於衆手前後屢見繁猥為甚云

周禮義辯疑一卷

右皇朝楊時中立撰

晁以道中庸篇一卷

右從父詹事公撰近世學者以中庸為二字雖程正叔亦然故說是書皆穿鑿而二之於是本諸胡先生司馬溫公程明道張橫渠王肅鄭玄作是傳焉

游氏中庸解一卷

右皇朝游酢定夫撰酢亦程正叔門人

楊中立中庸解一卷

右皇朝楊時中立撰時載程正叔之言曰不偏之謂中不易之謂庸盖亦猶王氏之說也

周公謚法一卷

右其序曰維周公旦太公望相聞相嗣王發建功於牧野及終將葬乃制謚計一百九十餘條云七謚隋志附於論語類中今遷於此

春秋謚法一卷

右與周公謚法相類而小有異同

沈賀謚法四卷

右梁沈約撰凡七百九十四條賀琛又加婦人謚二百三十八條

嘉祐謚法三卷

右皇朝蘇洵明允撰洵嘉祐中被詔編定周公春秋廣謚沈約賀琛扈蒙六家謚法於是講求六家外採今文尚書汲冢師春蔡邕獨斷凡古人論謚之書收其所長加以新意得一百六十八謚三百一十一條芟去者百九十有八又為論四篇以叙其去取之意

集謚摠錄一卷

右皇朝孫緯撰春明退朝錄嘗集類國朝謚幾二百人緝任宗正寺丞日因宋氏之舊纂元豐以後遂得三百餘人自宗室宰相以下分為九等其序略云有爵位已高當得謚而未聞者若范疇呂餘慶韓崇訓王博文姜遵王沔是也

太常禮書一百五十卷

右皇朝陳祥道用之撰祥道元祐初以佐宣義左即仕太常博士解禮之名物且繪其象甚精博朝廷聞之給札繕寫奏御今世傳止五十卷予愛之而恨其缺少得是本於叙州通判盧彭年家其象且以五采飾之於是始見其全書

云

樂類

樂府雜錄一卷

右唐段安節撰記唐開國以來雅鄭之樂并其事始古之為國者先治身故以禮樂之用為本後世為國者先治人故以禮樂之用為末先王欲明之德於天下深推其本必先修身而修身之要在乎正心誠意故禮以制其外樂以養其內內之不貞之心無自而萌外之不義之事無由而蹈一身既修而天下治矣是以禮樂之用不可須臾離也後世則不然設法造令務以整治天下自適其暴戾恣睢

之心謂躬行率人為迂濶不可用若海內平定好名之主然後取禮之威儀樂之節奏以文飾其治而已則其所謂禮樂者實何益於治亂成敗之數故曰後世為國者先治人以禮樂之用為末禮文在外為易見歷代猶不能廢至於樂之用在內微密要眇非常情所能知故自漢以來指樂為虛器雜以鄭衛夷狄之音雖或用於一時旋即放失無復存者况其書哉今裒集數種姑以補書目之闕焉尔

聲律要訣十卷

右唐上黨郡司馬田疇撰疇序謂一切樂器依律呂之聲皆須本月真響若但執累黍之文則律呂陰陽不復諧矣

故據經史參校短長為此書云

羯鼓錄一卷

右唐南卓撰羯鼓本夷樂列於九部明皇始好之故開元天寶中盛行卓所述多當時之曲

琵琶故事一卷

右未詳何人所纂

教坊記一卷

右唐崔令欽撰開元中教坊特盛欽記之率鄙俗事非有益於正樂也

皇祐樂記三卷

右皇朝胡瑗等撰皇祐二年下詔曰國初循用王朴樂太祖患其聲高令和峴減下一律然猶未全命瑗同阮逸等二十餘人再定四年樂成奏之上御紫宸殿觀焉此其說也

補亡樂書三卷

右皇朝房庶撰古律既亡後世議樂者縱黍為之則尺長律管容黍為有餘王朴是也橫黍為之則尺短律管容黍為不足胡瑗是也故庶欲先以一十二百黍納之於律管中黍盡乃得九十分為黃鐘之長其說大要以律生尺耳范蜀公本之以製雅樂

范蜀公樂書一卷

右皇朝范鎮景仁撰景仁論樂宗房庶潛心四十餘年出私財鑄樂器元祐中奏御

五音會元圖

右未知何人所撰謂樂各有譜但取算策譜為圖以七音十二律使俗易曉

樂府詩集一百卷

右皇朝郭茂倩編次取古今樂府分十二門郊廟歌詞十二燕射歌辭三鼓吹曲辭五橫吹曲辭五相和歌詞十八清商曲詞八舞曲歌辭五琴曲歌詞四雜曲歌辭十八近

代曲辭四雜謠歌詞七新樂府詞十一通為百卷包括傳記詞曲畧無遺軼

右樂府十卷并樂府古題要解二卷

右唐吳兢纂雜采漢魏以來古樂府詞凡十卷又於傳記洎諸家文集中采樂府所起本義以釋解古題云

玉臺新咏十卷

右陳徐陵纂唐李康成云昔陵在梁世父子俱事東朝特見優遇時承華好文雅尚宮體故采西漢以來詞人所著樂府艷詩以備諷覽

玉臺後集十卷

右唐李康成采梁蕭子範迄唐張赴二百九人所著樂府歌詩六百七十首以續陵編序謂名登前集者今並不錄唯庾信徐陵仕周陳既為異代理不可遺云

大晟樂府雅樂圖一卷

右本朝政和中建大晟府起黃鐘於上躬之中指棄塞古今諸儒異同之辨此其譜也

琴筌十卷

右本朝荀苟以道撰記造琴法彈琴訣并譜

昭德先生群齋讀書志卷之二終

昭德先生郡齋讀書志卷之三

門人姚應績編

春秋類

春秋正經十二卷

右以左氏經為本其與公穀不同者注於下

春秋左氏傳三十卷

右晉杜預元凱集劉子駿賈景伯父子許惠卿穎子嚴之注分經之年與傳之年相附故題曰春秋經傳集解其發明甚多古今稱之然其弊則棄經信傳如成公十三年麻隧之戰傳載秦敗績而經不書以為晉直秦曲則韓從書

戰時公在師復不須告克獲有功亦無所諱於左傳之例皆不合不曰傳之謬而猥稱經文闕漏其尤甚者至如此

石經左氏傳三十卷

右不題所書人姓氏亦無年月按文不闕唐諱及國朝諱而闕祥字當是孟知祥僭位後刻石也

春秋公羊傳十二卷

右戴宏序云子夏傳之公羊高高傳其子平平傳其子地地傳其子敢敢傳其子壽至漢景帝時壽乃與弟子胡毋子都著以竹帛其後傳董仲舒以公羊顯於朝又四傳至何休為經傳集詁其書遂大傳鄭玄曰公羊善於識休之

注引識最多

石經公羊傳十二卷

右宋^皇朝田况皇祐初知成都日刻石國史藝文志云偽蜀刻五經備注傳為世所稱以此言觀之不應無公穀豈初有之後散毀邪

春秋穀梁傳十二卷

右范甯註應劭風俗通稱穀^梁谷赤子夏弟子糜信則以為秦孝公同時人阮孝緒則以為名倣字元始皆未詳也自孫卿五傳至蔡千秋漢宣帝好之遂盛行於世自漢魏以來為之註解者有尹更始唐固糜信孔演江熙等十數家

而范甯家^皆以為膚淺於是即其長子參中子雍小子凱從弟邵及門生故吏商略名例博采諸儒同異之說成其父注之志嘗謂三傳之學穀梁所得最多諸家之解范甯之論最善甯字武子晉人

石經穀梁傳十二卷

右其後不載年月及所書人姓氏按文不闕唐及偽蜀諱而闕恒字以故知刻石當在真宗以後意者亦是田况也

春秋繁露十七卷

右漢董仲舒撰史稱仲舒說春秋事得失聞舉玉^杯林繁露清明竹林之屬數十篇十餘萬言皆傳於後世今溢而為

八十二篇又通名繁露皆未詳隋唐卷目與今同但多訛舛

春秋釋例十五卷

右晉杜預撰凡四十部集左傳諸例及地名譜第歷數皆顯其同異從而釋之發明尤多昔人稱預為左氏忠臣而預自以為有傳癖觀此尤信

左氏膏肓九卷

右漢何休撰休始答賈逵事因記左氏之短鄭康成嘗著歲膏肓後人附之逐章之下

春秋正義三十六卷

右唐孔穎達撰自杜預專治左氏學其後沈文何蘇寬劉炫皆有義疏而炫性矜伐雅好非毀規杜氏之失一百五十餘事義特淺近然比諸家猶有可觀今書據以為本而沈氏補其闕焉

春秋公羊疏三十卷

右不著撰人李獻民云徐彥撰亦不詳何代人也崇文總目謂其援證淺局出於近世以何氏三科九旨為宗本其說曰何氏之意三科九旨正是一事爾總而言之謂之三科析而言之謂之九旨新周故宋以春秋當新王此一科三旨也所見異辭所聞異辭所傳聞異辭此二科六旨也

內其國而外諸夏內諸夏而外夷狄此三科九旨也

春秋穀梁疏十二卷

右唐楊士勛撰士勛官至國子四門助教

盧仝春秋摘微四卷

右唐盧仝撰其解經不用傳然旨意甚疎韓愈謂讀春秋三傳束高閣獨抱遺經究終始蓋實錄也祖無擇得之於金陵崇文總目所不載

春秋微旨六卷春秋辨疑一卷

右唐陸淳伯同撰淳吳人纂三傳不同擇其善者質以啖助趙匡之說助字叔佐閩人匡字伯修天水人微旨自為

序公武嘗學春秋閱古今諸儒之說多矣大抵啖趙以前學者皆顯門名家苟有不通寧言經誤其失也固陋啖趙以後學者喜援經繫傳其或未明則憑私臆決其失也穿鑿均之失聖人之旨而穿鑿者之害為甚

春秋纂例十卷

右唐陸淳撰其序云啖氏製統例分別疏通會其義趙氏損益多所發揮今纂而合之凡四十篇

春秋折衷論三十卷

右唐陳岳撰以左氏傳為上公羊傳為中穀梁傳為下比其異同而折衷之岳唐末從鍾傳辟為江西從事

春秋經杜六卷

右皇朝孫覺撰其學亦出於啖趙凡四十餘門論議頗嚴春秋尊王發微十二卷

右皇朝孫明復撰史臣言明復治春秋不取傳註其言簡而義詳著諸大夫功罪以考時之盛衰而推見治亂之迹故得經之意為多常挾則譏之曰明復為春秋猶商鞅之法棄灰於道者有刑步過六尺者有誅謂其失於刻也胡安國亦以挾之言為然

春秋集傳十五卷

右皇朝王汾撰集三傳解經之文汾字聖源大名人好春

秋所至以春秋斷事此書 仁宗朝嘗奏御詔直昭文館
後官至天章閣待制

春秋演聖統例二十卷

右宋^皇朝丁副撰田偉書自副作嗣未知孰誤其序云經有
例法一家所至較然重輕杜預釋例專左氏而未該唐陸
淳纂例雖舉經而未備纖悉絳羅而咸在者其惟此書乎
春秋權衡十七卷春秋意林二卷春秋劉氏傳十五
卷

右宋^皇朝劉敞原父撰權衡論三傳之失意林叙其解經之
旨劉氏傳其所解經也如栢無王季友卒晉命用郊之類

皆古人所未言

黎氏春秋經解十二卷

右宋^皇朝黎錞希聲撰錞蜀人歐陽公之客名其書為經解
者言以經解經也其後又為統論附焉

橫渠春秋說一卷

右宋^皇朝張載子厚撰為門人雜說春秋其書未成

穎濱春秋集傳十二卷

右蘇轍子由撰大意以世人多師孫^明復不復信史故盡棄
三傳全以左氏為本至其不能通者始取二傳啖趙自熙
寧謫居高安至元符初十數年矣暇日輒有改定卜居龍

川而書始成

劉質夫春秋五卷

右宋^皇朝劉絢質夫撰絢學於二程之門伯淳嘗語人曰他人之學敏則有矣未易保也斯人之至吾無疑焉正叔亦曰游吾門者多矣而信之篤得之多行之果守之固若^子者幾希有李參序

得法忘例論三十卷

右皇朝馮正符所撰熙寧八年何郟取其書奏之而久之不報意者王安石不喜春秋故也其書例最詳悉務通經旨不事浮辭正符頗與鄧綰陳亨甫交私後坐口語被斥

繹聖傳十二卷

右宋^皇朝任伯雨德翁所撰解經不甚通例如解桓十三年二月公會紀侯鄭伯己巳及齊侯宋公衛侯燕人戰齊師宋師衛師燕師敗績取穀梁之說戰稱人敗績稱師重衆之說殊不知齊人伐衛衛人及齊人戰衛人敗績何獨不重衆也

王氏春秋十二卷

右宋^皇朝王當撰當眉山人嘗為春秋列國諸臣傳十萬餘言今又釋春秋真可謂有志矣

馮氏春秋通解十二卷

右宋^皇朝馮山字允南^撰普州人澥之父也

春秋指南十卷

右吳園先生張根知常撰以征伐會盟年經而國緯汪藻為之序

胡氏春秋傳三十卷

右宋^皇朝胡安國被旨撰安國師程頤其傳春秋事按左氏義取公穀之精者採孟子莊周董仲舒王通邵堯夫程明道張橫渠程正叔之說以潤色之其序略曰近世推隆王氏新說按為國是獨於春秋貢舉不以取士庠序不以設官經筵不以進讀斷國論者無以折衷天下不知所適人

欲日長天理日消其效使夷狄亂華莫之過也

春秋新讒十一卷

右宋^皇朝余安行撰采左氏公羊穀梁及孫復四家書參以己意為之

四家春秋集解二十五卷

右或人集皇朝師協石季長王棐景先之解為一編具載本文

春秋外傳國語二十一卷

右魯左丘明撰吳常^昭弘嗣集鄭衆賈逵虞翻唐固四家說成此解宋朝宋庠為補音三卷班固藝文志有國語二

十一篇隋志云二十二卷唐志云二十一卷今書篇次與漢志同蓋歷代儒者析簡併篇互有損益不足疑也要之藝文志審矣陸淳謂與左傳文體不論定非一人所為蓋未必然范甯云左氏富而豔韓愈云左氏浮夸今觀此書信乎其富豔且浮夸也非左氏而誰柳宗元稱越語尤奇峻豈特越哉自楚以下類如此

非國語二卷

右唐柳宗元子厚撰序云左氏國語其文深閎傑異而其說多誣淫懼學者溺其文采而淪於是非本諸理作非國語上卷三十一篇下卷三十六篇

春秋名號歸一圖二卷

右偽蜀馮繼先撰左氏所書人不但稱其名或宗字或號或爵謚多互見學者苦之繼先皆取以繫之名下云

春秋列國諸臣傳五十一卷

右宋朝王當撰類左氏所載列國諸臣事効司馬遷為之傳凡一百三十有四人繫之以贊云

帝王歷紀譜三卷

右題曰秦相荀卿撰載周末列國世家故一名春秋公子血脉圖頗多踈略決非荀卿所著且卿未嘗相秦豈世別有一荀卿邪

春秋機括一卷

右宋^皇朝沈括存中撰春秋譜也

春秋世系一卷

右不著撰人姓名譜左氏諸國君臣世系獨秦無世臣

春秋會義二十六卷

右皇祐間進士杜諤集釋例繁露規過膏肓先儒同異篇指掌碎玉折衷指掌議纂例辨疑微旨摘微通例胡氏論箋義摠論尊王發微本旨辨要旨要集議索隱新義經杜三十餘家成一書其後仍斷以己意雖其說不皆得聖人之旨然使後人博觀古今異同之說則於聖人之旨或有

得焉

孝經類

唐明王^皇注孝經一卷

右漢初顏芝之子貞獻於朝千八百七十二字唐玄宗註序稱取王肅劉^邵邵虞翻常昭劉炫陸澄六家說約孔鄭舊義為之何休稱子曰吾志在春秋行在孝經信斯言也則孝經乃孔子自著者也今其首章云仲尼居曾子侍則非孔子所著明矣詳其文義當是曾子弟子所為書也柳宗元謂論語載弟子必以字獨曾參不然蓋曾氏之徒樂正子春子思^相與為之耳余於孝經亦云

孝經正義三卷

右宋^皇朝邢昺等撰世傳孝經疏外餘家尚多咸平中昺集諸說為此書

王介甫孝經解一卷

右宋^皇朝王安石介甫撰經云當不義則子不可不諍於父而孟子猥曰父子之間不責善夫豈然哉今介甫因謂當不義則諍之非責善也噫不為不義即善也阿其所好以巧慧侮聖人之言至此君子疾夫佞者有以也

溫公古文孝經指解一卷

右古文二十二章與尚書同出於壁中蓋孔惠所藏者與

顏芝十八章大較相似而析出三章又有閨門一章不同者四百^有餘字劉向校書以十八章為定故世不大傳獨有孔安國注今亡然諸家說不安處古文字讀皆異推此言之未必非真也宋^皇朝司馬文正公為之指解并音

范淳夫古文孝經說一卷

右宋^皇朝范祖禹^謫撰元祐中侍經幄時所上

昭德先生郡齋讀書志卷第三終

昭德先生郡齋讀書志卷第四

門人姚應績編

論語類

何晏注論語十卷

右魏何晏集解其序自云據魯論包咸周氏孔安國馬融鄭康成陳群王肅周生烈八家之說與孫邕鄭同曹羲荀顗集諸家訓解為之按漢時論語凡有三而齊論有問王知道兩篇詳其名當是必論內聖之道外王之業未必非夫子之最致意者不知何說而張禹獨遺之禹身不知王鳳之邪正其不知此固宜然勢位足以軒輊一世使斯文

遂喪惜哉鄭同名觸先公諱司馬遷父名談以趙談子為
同子故公武亦云後倣此

石經論語十卷

右偽蜀張德鈞書闕唐諱立石當在孟知祥未叛之前其
文脫兩字誤一字又述而第七舉一隅下有而示之三字
三人行必有我師焉上又有我字衛靈公第十五敬其事
而後其食作後食其祿與李鷲本不同者此也

皇侃論語疏十卷

右梁皇侃撰古今論語之注多矣何晏集七家復采古論
語注為集解行於世侃今又引衛瓘繆播樂肇郭象蔡謨

袁宏江惇蔡奚李充孫綽周懷范甯王珉凡十三家之說
成此書其序稱江熙所集世謂其引事雖時近詭異而援
證精博為後學所宗云

論語正義十卷

右皇朝邢昺等撰先是梁皇侃採衛瓘蔡謨十三家說為
疏昺等因之成此書

韓李論語筆解十卷

右唐韓愈退之李翱習之撰前有秘書丞勃序云韓李相
與講論共成此書按唐人通經者寡獨兩公名冠一代蓋
以此然四庫邯鄲書目皆無之獨田氏書目有韓愈論語

十卷筆解西卷此書題曰筆解而十卷亦不同

王令論語十卷

右皇朝王令逢原元撰解堯曰篇云四海不困窮則天祿不永終矣王安石書新義取之

王介甫論語解十卷王元澤口義十卷陳用之論語十卷

右皇朝王安石介甫撰并其子雱口義其徒陳用之解紹聖後皆行於場屋或曰用之書乃鄒浩所著託之用之云

東坡論語解十卷

右宋^皇朝蘇軾子瞻撰子瞻沒後義有未安者其弟子由嘗

辨正之凡二十有七章

伊川論語說十卷

右皇朝程頤正叔之門人記其師所解論語也不為文辭直以俚語記之

范氏論語說十卷

右皇朝范祖禹醇夫撰亦元祐中所進數稱引劉敞程頤之說云

謝顯道論語解十卷

右皇朝謝顯道撰少嘗師事程正叔

呂與叔論語解十卷

右皇朝呂大臨與叔撰與叔雖程正叔之徒解經不盡用其師說

汪氏論語直解十卷

右皇朝汪革撰革字信民撫州人紹聖中試禮部為天下第一嘗語人曰吾鄉有二宰相一為天下之福一為天下之禍蓋指晏元猷王荊公也即此可見其解經淵源所自云

景迂論語講義十卷

右從父詹事公撰多取古儒之說以正近世之失

楊氏注論語十卷

右皇朝楊時中立撰伊川門下士也

尹氏論語義十卷

右皇朝尹焞彥明撰彥明亦程氏門人紹興中自布衣召為崇政殿說書被旨訓解多采純夫之說

孔子家語十卷

右魏王肅序注凡四十四篇劉向校錄止二十七篇後肅得此於孔子二十四世孫猛家

經解類

白虎通德論十卷

右後漢章帝會群臣於白虎殿講論五經同異班固奉詔

纂隋志通解群經者系之論語類又別載七緯唐志有讖
緯經解二目崇文錄以緯書各附經末今讖書蓋鮮而雜
解七經繫之論語為未安故從崇文錄併讖緯而經解之
目從唐志云

蔡邕獨斷二卷

右漢左中郎將蔡邕纂雜記自古國家制度及漢朝故事
王莽無髮蓋見於此公武得孫蜀州道夫本乃閣下所藏

六說五卷

右唐劉迅撰迅著書以擬六經此乃其叙篇惟易闕而不
言故止五卷云

匡繆正俗八卷

右唐顏籀師古撰以世俗之言多謬誤質諸經史刊而正
之永徽中其子揚庭上之

演聖通論四十九卷

右皇朝胡旦撰論六經傳注得失易十六卷書七卷詩十
卷禮記十六卷而春秋論別行天聖中嘗獻於朝博辨精
詳學者宗焉

七經小傳五卷

右皇朝劉敞原甫撰其所謂七經者毛詩尚書公羊周禮
儀禮禮記論語也元祐史官謂慶曆前學者尚文辭多守

章句注疏之學至敞始異諸儒之說後王安石修經義蓋本於敞公武觀原父說伊尹相湯伐桀升自阬之類經義多勦取之史官之言良不誣也

三墳書七卷

右皇朝張商英撰天覺得之於北陽民家墳皆古文而傳乃隸書所謂三墳者山氣形也按七畧不載三墳隋志亦無之世皆以為天覺偽撰蓋以比李筌陰符經云

小學類

尔雅三卷

右世傳釋詁周公書也仲尼子夏叔孫通梁文增補之晉

郭璞著注文字之學凡有三其一体制謂點畫有縱衡曲直之殊其二訓詁謂稱謂有古今雅俗之異其三音韻謂呼吸有清濁高下之不同論體制之書說文之類是也論訓詁之書尔雅方言之類是也論音韻之書沈約四聲譜及西域反切之學是也三者雖各名一家其實皆小學之類而藝文志獨以尔雅附孝經類經籍志又以附論語類皆非是今依四庫書目置於小學之首

尔雅音略三卷

右偽蜀毋昭裔撰尔雅舊有釋智騫及陸卽釋文昭裔以一字有兩音有或音後生疑於呼吁讀今釋其文義最明者

為定

尔雅疏十卷

右舊有孫炎高璉疏宋朝以其淺略命邢昺杜鎬等別著此書

小尔雅一卷

右孔氏古文也見於孔鮒書

急就章一卷

右漢史游撰唐顏師古注游元章時為黃門令書凡三十二章雜記姓名諸物五官等字以教童蒙急就者謂字之難知者緩急可就而求焉自昔善小學者多書此故有皇

象鐘繇衛夫人王羲之所書傳於世

方言十三卷

右漢揚雄子雲撰晉郭璞注雄齋素油問上計李廉異語悉集之題其首曰輜軒使者絕代語釋別國方言子傳本於蜀中後用國子監刊行本校之多所是正其疑者兩存之然監本以翟為秋侯以更為更引傳糊其口於四方作糊予口未必盡得也

干祿字書一卷

右唐顏元孫纂以經史所用為正世所行為俗三者之間為通凡三体

林氏小說三卷

右唐林漢罕撰凡五百四十一字其說頗與許慎不同而互有得失邵必緣進禮記石經陞對仁宗顧問罕之書如何必曰雖有所長而微好恠說歸字從惟堆從止從帚以堆為聲罕去從追於聲焉為近此長於許氏矣說文哭從四四後獄省空罕乃云象犬嗥此恠也有石刻在成都公武嘗從數友就觀之其解字殊可駭笑者不疑好恠之論誠然

翰林禁經八卷

右唐李陽冰撰論書害勢筆法所禁故以名書

佩觿三卷

右宋皇朝郭忠恕撰上篇論古今傳記小學異同極為詳博

墨藪十卷

右高陽許歸與編未詳何代人李氏書目止五卷而梁武評書王逸少筆勢論皆別出

臨池妙訣三卷

右宋皇朝唐紹撰紹聖以來用字說程試諸生解者甚衆紹集成此書頗注其用事所出書一時稱之紹知邛州日奏御

陸氏蟬雅二十卷

右宋皇朝陸佃農師撰書載虫魚鳥獸艸木名物喜採俗說然佃王安石客也而其學不專主王氏亦似特立者

字說偏旁音釋一卷字說疊解脩檢一卷

右不見撰人姓名

復古編三卷

右宋皇朝張有謙守中撰有謙守自幼喜小篆年六十成此書三千言據古說文以為正其典點畫之微轉側從橫高下曲直毫髮有差則形聲頓異自陽冰前後名人格以古文徃之而失其精且博如此

鐘鼎篆韻七卷

右宋皇朝薛尚功集元祐中呂大臨所載僅數百字政和中王楚所傳亦不過數千字今是書所錄凡一萬一百二十有

五

法帖釋文十卷

右淳化法帖既已焚板元祐中有劉次莊者模刻之石復取帖中艸書世所病讀者為釋文行於世

考古圖十卷

右宋皇朝呂大臨與叔撰哀諸家所藏三代秦漢尊彝鼎敦之屬繪之於幅而辨論形制文字

鐘鼎款識二十卷

右宋皇朝薛尚功編考古博古圖之類然尤為詳脩

博古圖二十卷

右宋^{皇朝}王楚集三代秦漢彝器繪其形範辨其款識增多呂氏考古十倍矣

切韻指玄論三卷四聲等第圖一卷

右宋^{皇朝}王宗道撰論切韻之學切韻者上字為切下字為韻其學本出西域今其法類本韻字各歸於母幫滂並明非敷奉微唇音也端透定泥知微澄娘齒音也見溪群疑喉音也照穿休審禪精清從心邪舌音也曉匣影喻牙音也來日半齒半舌也凡三十六分為五音天下之聲總於是矣切歸本母韻歸本等者謂之音和常也本等聲盡泥入別等者謂之類格變也中國自齊梁以前此學未傳至沈

約以後始以之為文章至於近時始有專門者矣

集韻十卷

右宋^{皇朝}丁度等撰度與李淑宋祁鄭戩王洙賈昌朝同定字五萬三千五百二十五比舊增二萬七千三百三十一

周越書苑十五卷

右宋^{皇朝}周越撰越以善書名世天聖八年四月成此書奏御故其序稱臣越臣兄起於柳公權書又云臣兄間稱名而不臣似未精討論也

唐藏經音義四卷

右未詳撰人分四聲以類相從蜀中印本也

英公字源一卷

右宋^{皇朝}釋夢英撰夢英通篆籀之學書偏旁五百三十九字郭忠恕云按說文字源惟有五百四十部子字合收在子部今日錄妄有更改又集解中誤收去部在注中今點檢偏旁少晶恣至龜弦五字故知林氏虛誕誤後進其小說可焚夢英因書此以正之柴禹錫為立石

字說二十卷

右宋^{皇朝}王安石介甫撰蔡卞論介甫晚年閑居金陵以天地萬物之理著為此書與易相表裏而元祐中言者指其糅雜釋老穿鑿破碎聾瞽學者特禁絕之

唐氏字說解一百二十卷

右未詳撰人後有江南李煜述書

群經音辨七卷

右宋^{皇朝}賈昌朝撰先是大臣稽古不遇秦漢引經義議政蓋自昌朝始此書以古文^今多通借音詁乃辨正之凡五門

古文四聲五卷

右宋^{皇朝}夏竦撰博采古文奇字分四聲編次以便檢尋

禮部韻略五卷

右宋^{皇朝}丁度等撰元祐中孫諤蘇軾再加詳定

龍龕手鏡三卷

右契丹僧行均撰凡二萬六千四百三十字注十六萬三千一百餘字僧智光為之序後題云統和十五年丁酉按紀年通譜邪律隆緒嘗改元統和丁酉至道三年也沈存中言契丹書禁甚嚴傳入中國者法皆死熙寧中有人自虜中得此書入傅欽之家蒲傳正帥浙西取以刻板其末舊題云重熙二年序蒲公削去之今本乃云統和非重熙豈存中不見舊題妄記之耶

類篇四十九卷

右皇朝景祐中丁度受詔修類篇至熙寧中司馬光始奏書文三萬一千三百一十九重音三萬一千八百四十六

以說文為本

說文解字三十卷

右漢許慎纂李陽冰刊定偽唐徐鉉再是正之又增加其闕字

說文解字韻譜十卷

右南唐徐鍇撰鍇以許慎學絕取其字分譜四聲殊便檢閱然不具載其解為可恨頗有意再編之

博雅十卷

右隋曹憲撰魏張揖嘗採蒼雅遺文為書名曰廣雅憲因揖之說附以音解避煬帝諱更之為博云後有張揖表憲

後事唐太宗嘗讀書有奇難事輒遣使問憲：具為音注
援驗詳復帝嘆賞之

玉篇三十卷

右梁顧野王撰唐孫彊又嘗增字僧神珙反紐為細圖附於後
廣韻五卷

右隋陸法言撰其後唐孫愐加字凡四萬二千三百八十
三前有法言長孫訥孫愐三序

智永千字文一卷

右梁周興嗣撰釋智永所書

經典釋文三十卷

右唐陸德明撰德明名元訓即以字行釋易書詩并三禮三
傳孝經論語爾雅老莊頗載古文及諸家同異德明蓋博
極群書也

昭德先生群齋讀書志卷之四終

昭德先生群齋讀書志卷之五

門人姚應績編

史之類十有三其一曰正史二曰編年三曰實錄四曰雜史五曰偽史六曰史評七曰職官八曰儀注九曰刑法十曰地里十一曰傳記十二曰譜牒十三曰目錄合二百八十三部七千三百八十八卷後世述史者其體有三編年者以事繫日月而總之於年蓋本於左丘明紀傳者分記君臣行事之終始蓋本於司馬遷實錄者其名起於蕭梁至唐而盛雜取西者之法而為之以備史官採擇而已初無制作之意不足道也若編年紀傳則各有所長殆未易

以優劣論雖然編年所載於一國治亂之事為詳紀傳所載於一人善惡之迹為詳用此言之編年似優又其來最古而人皆以紀傳便於披閱獨行於世號為正史不亦異乎舊以職官儀注等凡史氏有取者皆附之史今從焉

正史類

史記一百三十卷

右漢太史令司馬遷續其父談書創為義例起黃帝迄漢武獲麟之歲撰成十二紀以序帝王十年表以貫歲月八書以紀政事三十世家以叙公侯七十列傳以志士庶上下三千餘載凡為五十二萬六千五百言遷沒後缺景武

紀禮樂律書三王世家漢興以來將相年表日者龜策傳
靳蒯列傳等十篇元成間褚少孫追補及益以武帝後事
辭旨殘鄙不及遷書遠甚遷書舊有裴駟為之解云班固
嘗譏遷論大道則先黃老而後六經序遊俠則退處士而
進姦雄述偵殖則崇勢利而羞貧賤後世愛遷者多以此
論為不然謂遷特感當世之所失憤其身之所遭寓之於
書有所激而為此言耳非其心所謂誠然也當武帝之世
表章儒術而罷黜百家宜乎大治而窮奢極侈海內彫弊
反不若文景尚黃老時人主恭儉天下饒給此其所以先
黃老而後六經也武帝用法刻深群臣一言忤旨輒下吏

誅而當刑得以貨免遷之遭李陵之禍家貧無財賄自贖
交游莫救卒陷腐刑其進存游俠退處士而推姦者蓋遷嘆時無朱家之倫
不能脫已於禍故曰士窮窘得委命此非人所謂賢豪者
邪其羞貧賤者述貨積業勢利而蓋自傷特以貧故不能自免於刑戮故曰
千金之子不死於市非空言也固不察其心而驟譏之過
矣

前漢書一百卷

右後漢玄武司馬班固續司馬遷史記撰十二帝紀八年
表十本志七十列傳起高祖終於王莽之誅二百三十年九
凡八十餘萬字固既瘦死書頗散亂章帝令其妹曹世叔

妻昭就東觀緝校內八表天文志皆其所補也唐太宗子
承乾令顏師古考衆說為之註范曄譏固飾主闕蓋亦不
然其贊多微文顧讀者弗察耳劉知幾又詆其古今人物
表無益於漢史此論誠然但非固之罪也至謂受金鬻筆
固雖諂附匪人亦何至是欤然識者以固書皆因司馬遷
王商楊雄歆向歆舊文潤色成之故其文章首尾皆善而中間
頗冗瑣良由商之才視數子微劣耳固之自叙稱述者豈
亦謂有所本歟

後漢書九十卷志三十卷

右宋范曄撰十帝紀八十列傳唐高宗令章懷太子賢與

劉勰言革希元作註初擘令謝儼撰志未成而擘伏誅儼
悉蠟以覆車梁世劉昭得舊本因補註三十卷觀擘與甥
姪書叙其作書之意稱自古體大而思精未有如此者又
謂諸序論筆勢放縱寔天下之奇作往不減過秦論常
以此擬班氏非但不愧之而已其自負如此然世多譏擘
創為皇后紀及采風俗通中王喬抱朴子中左慈等詭譎
事列之於傳又贊詞佻巧失史之体云

三國志六十五卷

右晉陳壽撰魏四紀二十六列傳蜀十五列傳吳二十列
傳宋文帝嫌其略命裴松之補注博採群說分入書中其

多過本書數倍王通數稱壽書今細觀之寔高簡有法如
不言曹操本生而載夏侯惇及淵於諸曹傳中則見嵩本
夏侯氏之子也高貴卿公書卒而載司馬昭之奏則見公
之不得其死也他皆類是但以魏為紀而稱漢吳曰傳又
改漢曰蜀世頗譏其失至於謂其銜諸葛孔明髡父而為
貶詞求丁氏之米不獲不立儀廩傳之類亦未必然也

晉書一百三十卷

右唐房喬等撰貞觀中以何法盛等十八家晉史未善詔
喬與褚遂良許敬宗再加撰次乃掇臧榮緒書增損之後
又命李淳風李義府李延壽等十三人分掌著述敬播等

四人考正類例西晉四帝五十四年東晉十一帝一百二
年又胡代^蜀羗鮮卑割據中原為五涼四燕三秦二趙夏蜀
十六國共成帝紀十志二十列傳七十載記三十例出於
播天文律歷淳風專之喬以宣武紀陸機王羲之傳論上
所自為故曰制旨又總題御撰焉按歷代之史惟晉叢冗
最甚可以無譏至於取沈約誕誣之說采語林世說幽明
錄搜神記詭異謬妄之言亦不可不辨

宋書一百卷

右梁沈約撰十本紀三十志六十列傳齊永明中約奉詔
為是書以何承天書為本旁採徐爰之說頗為精詳但本
志兼載魏晉失於限斷又王劭謂其喜造竒說以誣前代
如瑯琊王妃通小吏牛氏生中宗孝武於路太后處寢息
時人多有異議之類是也後梁武帝知而不以為非嘉祐
中以宋齊梁陳魏北齊周書舛謬亡缺始詔館職讎校曾
鞏等以秘閣所藏多誤不足憑以是正請詔天下藏書之
家悉上異本久之始集治平中鞏校定南齊梁陳三書上
之劉恕等上後魏書王安國上周書政和中始皆畢頌之
學宮民間傳者尚少未幾遭靖康丙午之亂中原淪陷此
書幾亡紹興十四年井憲孟為四川漕始檄諸州學宮求
當日所頒本時四川五十餘州皆不被兵書頗有在者然

往亡缺不全收合補綴獨少後魏書十許卷最後得字
文季蒙家本偶有所少者於是七史遂全因命眉山刊行
焉

南齊書五十九卷

右梁蕭子顯撰八紀十一志四十列傳初江淹已作十志
沈約又有紀子顯自表別修然天文但紀灾祥州郡不著
戶口祥瑞多載圖讖表云天文事秘戶口不知不敢私載
曾子固謂子顯于斯史喜自馳騁其更改破析刻彫藻績
之變尤多而文比七史最下云

梁書五十六卷

右唐姚思廉撰六本紀五十列傳唐自貞觀三年詔思廉
同魏徵撰思廉者梁史官察之子推其父意採謝吳等所
記以成此書徵惟著摠論而已

陳書三十六卷

右唐姚思廉撰六本紀三十列傳其父察在陳嘗刪撰梁
陳事未成陳亡隋文帝問之察以所論載每一篇成輒奏
之未訖而沒察且死屬思廉繼其業貞觀中與梁書同上
之其書世亦罕傳多脫誤

後魏書一百三十卷

右北齊魏收撰初魏史官崔浩既誅太和後始有李彪崔

鴻等書魏末山偉綦雋更主國書二十餘年事迹蕩然萬不紀一文宣時始詔收撰次成十二紀十志九十二列傳上之悉焚舊書多諂諛不平受尔朱榮子金故減其惡風有怨者多沒其善黨北朝貶江左時人疾之號為穢史劉知幾謂其生絕胤嗣死逢剖斲皆陰慝所致後隋文命顏之推等別修唐貞觀中陳叔達亦作五代史皆不傳獨收書在皇宋朝命劉恕等核正

北齊書五十卷

右唐李百藥撰本紀八列傳四十二百藥父德林在齊嘗撰著紀傳貞觀初詔分修諸史百藥因父書續成以獻諸

史稱帝號百藥避唐朝名諱不書世祖世宗之類

周書五十卷

右唐令狐德棻等撰本紀八列傳四十二貞觀中德棻請撰次而詔德棻與陳叔達唐儉成之先是蘇綽秉周政軍國詞令多推尚書牛弘為史尤務清言德棻因之以成是書故多非寔錄仁宗時出太清樓本合史館秘閣本又募天下獻書而取夏竦李巽家本下館閣是正其文字其後林希王安國上之

隋書八十五卷

右唐魏徵等撰本紀五列傳五十五長孫無忌等撰志三十

初詔顏師古孔穎達修述徵摠其事序論皆徵自作後又詔于志寧李淳風常安仁李延壽同修五代史志無忌上之詔編第八隋書人亦號五代史志天文律曆五行三志淳風獨作

唐書二百卷

右石晉劉昫張昭遠等撰因常述舊史增損以成繁略不均校之寔錄多所漏闕又是非失寔其甚至以韓愈文章為大紕繆故仁宗時刪改蓋亦不得已焉

新唐書二百二十五卷

右皇朝嘉祐中曾公亮等被詔刪定歐陽修撰紀志宋祁

撰列傳舊書約一百九十萬新書約一百七十四萬而其
中增表故書成上於朝自言曰其事則增於前其文則省
於舊也而議者頗為謂永叔學春秋每務褒貶子京通小學
惟刻意文章采雜說既多往々牴牾有失寔之嘆焉

五代史一百五十卷

右皇朝朝薛居正等撰開寶中詔修梁唐晉漢周書盧多遜扈
蒙張澹李昉劉兼李穆李九齡同修居正監修

五代史記七十五卷

右皇朝歐陽修永叔以薛居正史繁猥失寔重加修定藏
於家永叔沒後朝廷聞之取以付國子監刊行國史稱其

可以繼班固劉向人不以為過特恨其晉出帝論以為因濮園議而發云

三朝國史一百五十卷

右皇朝國史紀一十卷志六十卷列傳八十卷呂夷簡等撰初景德中詔王旦先文元揚億等九人撰太祖太宗兩朝史至天聖五年詔夷簡宋綬劉筠陳堯佐王舉正李淑黃鑑謝絳馮元加入真宗朝史王曾監修曾罷夷簡代八年書成計七百餘傳比之三朝寔錄增者大半事覈文贍褒貶得宜百世之所考信云

兩朝國史一百二十卷

右宋仁宗英宗兩朝國史也王珪等撰元豐五年六月甲寅奏御監修王珪史官蒲宗孟李清臣王存趙彥若曾肇賜銀絹有差蘇頌黃履林希蔡卞劉奉世以他職罷去吳充宋敏求前死皆有錫賚紀五卷志四十五卷比之寔錄事迹頗多但非寇準而是丁謂託之神宗詔旨

編年類

荀悅漢紀三十卷

右漢荀悅撰班固作漢書起高祖終於孝平王莽之誅十二世二百四十二年為紀表志傳凡八十餘萬言獻帝以其文繁詔悅舉要撮摠通比其事列繫年月為紀三十篇

凡八萬三千四百三十二字辭約事諛時稱嘉史

袁宏漢紀三十卷

右晉袁宏彥伯撰宏在晉末為一時文宗性強直雖為桓溫禮遇每不阿屈以東京史籍不倫謝承司馬彪之徒錯謬同異無所取正惟張璠紀差詳因參摭記傳以損益之比諸家號為精密

唐曆四十卷

右唐柳芳撰初肅宗詔芳綴緝吳兢書其叙天寶後事不倫上元中芳謫黔中會高力士同貶因從力士質開元天寶及禁中事識其本末時舊史已送官不可追刊乃推衍

義類做編年法作此書起隋義寧元年迄大曆十三年或譏其不立褒貶義例而詳於制度然景迂生亟稱之以為通鑑多取焉

河洛行年記十卷

右唐劉仁軌撰記唐初李密王世充事起大業十三年二月迄武德四年七月秦王擒竇建德第九卷述大業都城第十卷載宮館園囿且云煬帝遷都之詔稱務從節儉觀其宮室極綺麗云

大唐創業起居注三卷

右唐溫大雅撰紀高祖建義至受隋禪用師符讖受命典

冊事

通曆十卷

右唐馬摠撰纂太古十七氏中古五帝三王及刪取秦漢三國晉十六國宋齊梁陳元魏北齊後周隋世紀興滅述其君賢否取虞世南略論分繫於末以見義焉

續通曆十卷

右荆南孫光憲撰輯唐洎五代事以續馬摠曆參以黃巢李茂貞劉守光阿保機吳唐閩廣胡越西蜀事迹太祖朝詔毀其書以所紀多非寔也

帝王鏡略一卷

右唐劉軻撰自開闢迄唐初帝王世次綴以四言以訓童蒙偽蜀馮鑑續之至唐末

五代通錄六十五卷

右宋^{皇朝}范質撰五代寔錄共三百六十卷質刪其煩文摭其要言以成是書自乾化壬申至梁亾十二年間簡牘散亾亦採當時制勅碑碣以補其闕

運曆圖六卷

右宋^{皇朝}龔穎撰起於秦昭王滅周之歲乙巳止於國朝雍禧丁亥以歷代興亡大事附見其下四年獻於朝優詔獎之歐陽公嘗據之考正集古目錄稱其精博按晉史張軌世

襲涼州但稱愍帝建興年號其間惟張祚纂竊改建興四
十二年為和平元年始奉穆帝升平之朔始末不聞有改
元事惟穎書載張寔改元曰永安張茂改元曰永元張重
華曰永樂曰和平張元靚曰太始張天錫曰太清張大豫
曰鳳凰不知穎何所據而言然或云出崔鴻十六國春秋
鴻書久不傳於世莫得而考焉

紀年通譜十二卷

右皇朝宋庠字公序撰自漢文帝後元戊寅至周恭帝顯
德庚申為九篇以宋朝建隆之元至慶曆辛巳為一篇皆
曰統元以甲子貫之有五號曰正閏偽賊蠻夷以王莽十

九年繫孺子更始以接建文武東魏十七年附西魏豫王六
年天后十五年繫中宗緒神龍朱梁十六年通濟陰天祐
續同光榘晉恭帝禪宋之歲對魏明元泰常五年尊北降
南始主正朔乃通譜之斷意也別二篇舉字為類各以部
分曰類元慶曆中上之優詔褒焉公武按三國志魏景初
元年丁巳當蜀建興十五年次年戊午蜀改元延熙訖二
十年歲次丁丑明年改元景耀今通譜載蜀建興之號止
於丙辰凡十四年延熙改元在丁巳且復增至二十一年
豈別有所據耶歐陽公集古目錄以東魏造石像記證通
譜武定七年非戊辰蓋自元象以後遞差一歲公序聞之

以為宜易遂著其事於譜前意者編簡浩博不免時有舛誤也

編年通載十五卷

右宋^{皇朝}張衡撰衡觀四部書至古今纂輯運曆書十餘家皆淺陋植釀無足紬繹乃編歷代年號貫以甲子始於帝堯訖於國朝治平丁未質之經史資以傳記百家之書聖賢勲德姦雄篡竊及蠻夷盜賊凡繫於存亡綱紀之大者無不詳錄總三千四百年且刊正謬誤如史記載舜年虞書不同漢紀載魏受漢禪與魏志受禪壇碑各異之類熙寧七年^表裘獻之

稽古錄二十卷

右宋^{皇朝}司馬光君寔撰編起自三皇止宋朝英宗治平末至周共和庚申始為編年

編年紀事十一卷

右宋^{皇朝}劉攽因司馬溫公所撰編次

資治通鑑二百九十四卷目錄三十卷考異三十卷

右宋^{皇朝}治平中司馬光奉詔編集歷代君臣事迹許自辟官屬借以館閣書籍在外聽以書局自隨至元豐七年九月十七年始奏御上起戰國下終五代凡一千三百六十二年又畧舉事日年經國緯以脩檢閱別為目錄參考同異

俾歸一途別為考異各一編公自謂精力盡於此書神宗
賜名資治通鑑御製序以冠其首且以為賢於荀悅云公
武心好是書學之有年矣見其大抵不采後偉卓異之事
如屈原懷沙自沉四皓羽翼儲君嚴光足加帝腹姚崇十
事開說之類皆削去不錄然後知公忠信有餘蓋陋子長
之愛奇也

通鑑舉要曆八十卷

右宋^{皇朝}司馬光撰通鑑奏御之明日輔臣亟讀觀焉神宗出
而示之每編始末識以睿思殿寶章蓋尊寵其書如此公
尚惠本書浩大

資治通鑑外紀十卷

右皇宋^朝劉恕撰司馬光作通鑑託始於周威烈王命韓趙
魏為諸侯下訖五代恕嘗語光曷不起上古或堯舜光答
以事包春秋不可又以經不可續不敢始於獲麟恕意謂
闕漏因撰此書起三皇五帝止周共和載其世次而已起
共和庚申至威烈王二十二年丁丑四百三十八年為一
編號曰外紀猶國語稱春秋外傳也

寶曆歌一卷

右未詳撰人以開闢太古迄於周世宗正統帝王世次謚
號成七言韻語一通

曆代紀元賦一卷

右宋楊脩撰次漢至五代正統年號為賦一首又別為宋
頌四章



通鑑節文六十卷

右題宋溫公自抄纂通鑑之要然寔非也

昭德先生郡齋讀書志卷之五終



昭德先生郡齋讀書志卷之六



門人姚應績編

宴錄類

唐高祖宴錄二十卷

右唐房玄齡等撰太宗詔玄齡與許敬宗敬播同修起創
業盡武德九年貞觀十二年書成

唐太宗宴錄四十卷

右唐許敬宗等撰起即位盡貞觀二十三年初貞觀十七
年房玄齡許敬宗敬播撰今上宴錄止十四年成二十卷
永徽五年無忌與史臣續十五年後盡昭陵事合四十卷

其後敬宗改定

唐高宗宴錄三十卷

右唐劉知幾等撰起即位盡永淳二年九二十九年初令孤德榮許敬宗等撰錄止顯慶三年成二十卷上之後知幾與吳兢續成

唐則天宴錄二十卷

右唐吳兢撰初神龍二年詔武三思魏元忠祝欽明徐彥伯柳同崔融岑羲徐堅撰錄三十卷開元四年兢與知幾刊修成此書上之起嗣聖改元甲申臨期止長安四年甲辰傳位凡二十一年

唐中宗宴錄二十卷

右唐吳兢撰起神龍元年復位盡景龍四年凡六年

唐睿宗宴錄十卷

右唐劉知幾撰知幾與吳兢先修太上皇宴錄起初誕止傳位凡四年後續修益止山陵

唐玄宗宴錄一百卷

右唐元載等撰起即位盡上元三年凡五十年安史之亂玄宗起居注亡大曆中史官令狐峘稟掇詔策備一朝之遺闕開元天寶間君臣事多漏略

唐肅宗宴錄三十卷

右唐元載等撰起即位盡後元年凡六年

唐代宗宴錄四十卷

右唐令狐峘撰初詔峘撰錄未成書貶官卒元和二年子丕上之當時名臣如房瑄不立傳直抗如顏真卿畧而不載時譏漏畧起寶應元年壬寅止大曆十四年己未凡十七年

唐德宗宴錄五十卷

右唐裴珣等撰起即位盡貞元二十一年凡二十五年元和二年詔蔣乂樊紳林寶常處厚獨孤郁同修五年珣上之

唐順宗宴錄五卷

右唐韓愈撰起貞元二十一年乙酉正月止永貞元年丙戌八月初韓愈撰錄禁中事為切直關官不喜訾其非宴文宗時詔路隨刊正隨建言眾議以刊修非是李閔宗牛僧儒謂史官李漢蔣係皆愈之婿不可參撰俾臣下筆臣謂不然且愈之所書非己自出元和以來相循逮今漢等以嫌無害公誼請條其甚謬誤者付史官刊定詔擿去元和永貞間故事為失宴餘不復改

唐憲宗宴錄四十卷

右唐路隨等撰起即位盡元和十五年初穆宗長慶元年

詔監修國史杜元穎與史官常處厚路隨沈傳師鄭澣宇文藉等修元和宴錄未及成書太和四年隨與蘇景喬陳夷行李漢蔣係續成上之統例取捨皆與之

唐穆宗宴錄二十卷

右唐路隨等撰起即位盡長慶四年據文宗宴錄大和四年隨與蘇景喬等上憲宗宴錄後有王彥威楊漢公蘇滌裴休並為史官云

唐敬宗宴錄十卷

右唐李讓夷等撰起長慶四年甲辰即位止寶曆二年丁未凡三年武宗會昌中詔史官陳商鄭亞同修讓夷監修

書成上之

唐文宗宴錄四十卷

右魏謩等撰起即位盡開成五年凡十四年宣宗大中八年史官蔣偕牛叢王諷盧告同修

唐武宗宴錄一卷

右唐常保衡等撰武宗以後宴錄皆亡今存止會昌元年正月二月國朝宋敏求次道嘗補宣宗宴錄三十卷懿宗宴錄三十卷僖宗宴錄二十卷昭宗宴錄三十卷哀帝宴錄八卷通百二十八卷世服其博聞

建康宴錄二十卷

右唐許嵩撰如自吳起漢興平元年終於陳末禎明三年南朝六代四十帝四百年間君臣行事及土地山川城池宮苑制置興壞用存古跡其有異事則注之以益見聞按南朝四百年除西晉平吳之年并吳首事之年三百三十一年而已吳大帝在武昌七年梁元帝都江陵三年其寔在建康宮三百二十一年也十父按嵩自叙此書云使周覽而不繁約而無失然自順帝已後復為紀傳而廢編年其間重複一事相牴牾者甚衆至於名號稱謂又絕無法蓋亦煩而多失矣

蜀高祖寔錄三十卷

右偽蜀李昊撰高祖者孟知祥也昊相知祥子昶時被命撰起唐咸通甲午終於偽明德元年甲午凡六十一年

太祖寔錄五十卷

右皇朝沈倫撰太平興國三年詔李昉扈蒙李穆郭贄宋白董淳趙隣幾同修倫總其事更歷二載書成起創業迄山陵凡十七年淳化中王禹偁作篋中記叙云太祖神聖文武曠世無倫自受命之後功德日新皆禹偁所聞見今為史臣多有諱忌而不書又上近取寔錄入禁中親筆削之禹偁恐歲月寢久遺落不傳因編次十餘事按禹偁所言雖未可盡信然咸平祥符間亦以所書漏落一再命儒

臣重修多所增益故有三本傳於世

重修太祖宴錄五十卷

右皇朝李沆等撰咸平中真宗以前錄漏畧詔錢若水王禹偁李宗諤梁顥趙安仁重加刊修呂端監修端罷沆代二年書成奏御沆表云前錄天造之始國姓之源發揮無取削平諸國僭主偽臣頗云事迹今之所正率由典章又益諸臣傳一百四人按書太宗不奪市及杜太后遺言與司馬溫公所書不同多類此

太宗宴錄八十卷

右皇朝錢若水等撰至道三年命若水監修不隸史局若

水即引柴成務宋度吳淑楊億為佐咸平元年書成上於朝起即位至道三年丁酉三月凡二十年初太宗有馴犬常在乘輿側及崩犬輒不食李至嘗作歌紀其事以遺若水其斷章曰白麟赤鴈君勿書勸君書此懲浮俗而若水不為載呂端雖為監修而未嘗蒞局書成不置端名至挾其事以為專美若水援唐朝故事若此者甚衆時議不能奪世又傳億子娶張洎女而不終故洎傳多醜辭嗚呼若水及億天下稱賢尚不能免於流議若此信乎執史筆者之難也

真宗宴錄一百五十卷

右皇朝王欽若等撰起藩邸止乾興元年壬戌二月九二十六年乾興元年詔李維晏殊孫奭宋綬陳堯佐王舉正李淑同修馮拯監修拯卒欽若代天聖三年書成奏御

仁宗宴錄二百卷

右皇朝韓琦等撰起藩邸盡嘉祐八年三月九四十二年嘉祐八年十二月詔韓琦提舉王珪賈黯范鎮修撰宋敏求呂夏卿韓維檢討治平中又命陳薦陳繹同編修熙寧二年奏御

英宗宴錄三十卷

右皇朝曾公亮等撰起藩邸盡治平四年正月九四年熙

寧元年正月詔公亮提舉呂公著韓維修撰孫覺曾鞏檢討三月又以錢藻檢討四月又以王安石吳充為修撰二年七月書成上之

神宗宴錄二百卷

右皇朝曾布等撰起藩邸止元豐八年三月凡十九年

神宗朱墨史二百卷

右皇朝元祐元年詔修神宗宴錄鄧温伯陸佃修撰林希曾肇檢討蔡確提舉確罷司馬光代光薨呂公著代公著薨大防代六年奏御趙彥若范祖禹黃庭堅後亦與編修書成賞勞皆遷官一等紹聖中諫官翟思言元祐間呂大

汪本作美實

覆校舊鈔本
通致惡

此亦蔡卞二字均照表本改

此亦照舊

四本

應

用墨書添入者用朱書其刪去者用黃抹已而將舊錄焚毀宣和或得其本於禁中遂傳於民間號朱墨史云

哲宗前錄一百卷哲宗後錄九十四卷

右皇朝蔡京撰前錄起藩邸盡元祐七年十二月後錄起紹聖元年正月盡元符三年正月共十三年京之意以宣仁垂簾時政非出於上故分前後錄蓋誣之也

大上神宗哲宗取滿二字均空格

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

曰神宗哲宗兩朝史錄事多失實非所以傳信於後世當重別修定著唐鑑范祖禹有子名冲者已有召命可促來令兼史事臣勝非奏曰神宗史因添入王安石日錄哲宗史經蔡京蔡卞之手議論多不公今蒙聖諭命官刪定以昭彰二帝盛德天下幸甚十八日丙申新除宗正少卿兼直史館范冲辭免恩命勝非奏曰冲謂史館專修神宗哲宗史錄而其父祖禹元祐間任諫官後坐章疏議論責死崩表而神宗宴錄又經祖禹之手今疏重修則凡出京卞之意及其增添者不無刪改倘使冲與其事恐其黨未能厭服上曰以私意增添不知當否勝

非曰皆非公論上曰然則刪之何害紛々浮議不足惜也
勝非曰范冲不得以此為辭今聖斷不私冲亦安敢有請
上復愀然謂勝非等曰此事豈朕敢有私頃歲昭慈聖獻
皇后誕辰因置酒宮中從容語及前朝事昭慈謂朕曰吾
老矣幸相聚於此他時身後吾復何患然有一事當為官
家言之吾逮事宣仁聖烈皇后求之古今母后之賢未見
其比因奸臣快其私憤肆加謗誣有玷盛德建炎初雖下
詔辨明而史錄所載未經刪改豈足傳信後世吾意在天

修史二字 汪本通攷考 此按袁本增

十一
一聖

諭及此天下幸甚臣等仰惟 神宗 哲宗兩朝宴錄以
太上皇帝聖意先定爰命宰臣悉令刪修故具載聖語於
篇末云

徽廟宴錄二十卷

右皇宋程俱撰先是汪藻編庚辰以來詔旨頗繁雜俱刪
輯成此書且附以靖康建炎時事

元帝美良以來詔旨三卷

詔旨三卷 汪本通考同 此按袁本及四卷 宜知

邵氏辨証一卷

右皇宋邵伯溫撰辨蔡卞章惇邢恕誣罔宣仁欲廢哲宗

立徐卽事

雜史類

汲冢書十卷

右晉太康中汲郡與穆天子傳同得晉孔晁注蓋孔子刪採之餘凡七十篇古者天子諸侯皆有史官唯書法信實者行於世秦漢罷黜封建獨天子之史存然史官或怯而阿世貪而曲筆虛美隱要不足考信則儒學處士必私有記述以伸其志將來賴之以證史官之失其弘益大矣以司馬遷之博聞猶採數家之言以成其書況其下者乎亦有聞見單淺記錄失實冒臆偏私褒貶弗公以誤後世者

在觀者慎擇之而已矣

吳越春秋十二卷

右後漢趙曄撰吳起太伯盡夫差越起無餘盡勾踐內吳外越本末咸備

南史八十卷北史一百卷

右唐李延壽撰延壽父太師嘗謂宋齊逮周隋分隔南北南謂北為索虜北謂南為島夷欲改正擬吳越春秋編年未就而卒延壽後預修晉隋書因究悉舊事更依馬遷體摠叙八代北起魏盡隋二百四十二年南起宋盡陳百七十年為二史刪煩補闕過本史遠甚至今學者止觀其書

沈約魏收等所撰皆不行獨闕本志而隋書有之故隋書亦傳於世

西京雜記二卷

右晉葛洪撰初序言洪家有劉子駿漢書百卷乃當時欲撰史錄事而未得締思無前後之次雜記而已後學者始甲乙之終癸為十卷以其書校班史殆全取劉書耳所餘二萬許言乃抄撮之析二篇以裨二書之闕猶存甲乙衰次江左人或以吳均依託為之

五代新說二卷

右唐張洵詢古撰以梁陳北齊周隋君臣雜事分三十門纂

次

高氏小史一百二十卷

右唐高峻撰以司馬遷史至陳隋書附以唐寔錄纂其要分十例為六十卷後其子迥析而倍之

南部煙花錄一卷

右唐顏師古撰載隋煬帝時宮中秘事僧志徹得之於官閣筍筆中一名大業拾遺記

大業雜記十卷

右唐杜寶撰起隋仁壽四年煬帝嗣位止越王侗皇太三年王世充降唐事

貞觀政要十卷

右唐吳兢撰兢以唐之極治貞觀為最故採時政之可備勸戒者上之於朝凡四十篇

大唐新語十三卷

右唐劉肅撰輯唐故事起武德至大曆分為三十類

明皇雜錄二卷

右唐鄭處誨撰記孝明時雜事別錄一卷題補闕所載十二事

開元傳信記一卷

右唐鄭榮撰紀開元天寶傳聞之事故曰傳信

國史補二卷

右唐李肇撰起開元止長慶間事初劉餗記元魏迄唐開元事名曰國朝傳記故肇續之

幸蜀記三卷

右唐李匡文宋巨周宋居白撰初匡文記盡孝明崩巨周記止於歸長安叙事互有詳畧居白合二記以宋為本折李為注取二序冠篇復掇遺事增廣焉

次柳氏舊聞一卷

右唐李德裕撰上元中史臣柳芳與高力士同竄黔中為

乃編次汪奉作為端次

按通攷下高力士三字當在為芳言上為端次作乃編次攷問作旧引
○覆按本書序云編次其事號曰問高力士則柳芳本書號曰問高力士
元發通攷因此存不誤

子冕貞元初俱為尚書郎嘗道力士之說吉甫每為其子德裕言歲祀既久遺稿不傳但記十七事後文宗訪力士事於德裕德裕遂編次上之多同明皇雜錄

開成承詔錄二卷

右唐李石撰石與鄭覃李固言相文宗錄當時延英奏對事開成乃其時年號

兩朝獻替記三卷

右唐李德裕撰德裕相文宗武宗錄當時奏對議論

開元并平源記一卷

右唐吳兢載姚崇以十事要明皇

金鑿密記一卷

右唐韓偓撰偓天復元年為翰林學士從昭宗西幸朱溫圍岐三年偓因密記其謀議及所見聞事止於貶濮州司馬予嘗謂偓有君子之道四焉唐之末南北分明而忘其君偓崔胤門生獨能棄家從上一也其時搢紳無不交通內外以躡取爵位偓獨能力辭相位二也不肯草索貽範起復麻三也不肯致拜於朱溫四也詩曰風雨如晦鷄鳴不已偓之謂矣而宋子京薄之奈何一本釐天復二年三年各為一卷首尾詳略頗不同互相讎較凡改正千有餘字云

太和辨謗略三卷

右唐李德裕撰先是唐次錄周秦迄隋忠賢罹讒謗事德宗覽之不悅後憲宗以為善命令狐楚等廣之成十卷至太和中文成上之

南部新書五卷

右皇朝錢希白撰記唐故事

晉公談錄三卷

右皇朝丁謂撰多皇宋事每章之首皆稱晉公言不知何人為潤益初董志彥得之於洪州潘延之家延之晉公甥疑延之所為

建炎目曆五卷

右皇朝汪伯彥撰記 太上皇登極時事

五代史闕文一卷

右皇朝王偁稱撰錄五代史筆避嫌漏略者以備闕文凡一十七事

元和朋黨錄一卷

右唐馬永易記牛李朋黨始末自牛僧孺試賢良迄今狐綯去位

東觀奏記三卷

右唐裴廷裕撰昭宗時長安寇亂相仍自武宗以後日曆

起居注散軼不存詔史臣撰宣懿僖三朝寔錄廷裕次宣宗錄特採大中以來耳目聞見撰次成書奏記於監修杜讓能以脩史閣討論云

桂苑叢談一卷

右題云馮翊子子休撰雜記唐朝雜事僖昭時當是五代人李邕鄆云姓嚴

耳目記二卷

右題云劉氏未詳何時人雜記唐末五代事

入洛記一卷

右蜀王仁裕撰仁裕隨王衍降入洛陽記往返途中事并

其所著詩賦

中朝故事二卷

右偽唐尉遲偓撰記唐懿昭哀三朝故事故曰中朝

唐餘錄六十卷

右宋^皇朝王皞奉詔撰皞芟五代舊史繁雜之文採諸家之說做裴松之體附注之以宋^本朝當承漢唐之盛五代則閏也故名之曰唐餘錄寶元二年上之溫公修通鑑間亦採之

唐末汎聞錄一卷

右皇朝閻自若纂乾德中王普五代史成自若之父觀之

謂自若曰唐末之事皆吾耳目所及與史冊異者多矣因話見聞故事命自若誌之

五代補錄五卷

右宋朝陶岳撰祥符壬子岳以五季史書闕略因書所聞得一百七事

呂夏卿兵志三卷

右皇朝呂夏卿撰公武得之於宇文時中李蒙題其後云夏卿修唐史別著兵志三篇自秘之戒其子弟勿妄傳鮑欽止吏部好藏書苦求得之其子無為太守恭孫偶言及因懇借抄錄於吳興之山齋

建隆遺事一卷

右皇朝王禹稱記 太祖事十按 太祖開寶九年十月癸丑崩於萬歲殿先是趙普以六年罷為河南節度使盧多遜至太平興國元年始除平章事 太祖崩時宰臣薛居正沈倫也今此云上將晏駕前一日召宰臣趙普盧多遜入宮其謬甚矣世多以其所記為然恐不足信也

凡十事

覆按表本第十卷作凡十事通攷與此同
汪本作第十卷

龍飛日曆一卷

右皇朝趙普撰記顯德七年正月藝祖受禪事是年改元

建隆三月普撰此書普時為樞密學士

聖宋掇遺一卷

右皇朝歐陽靖撰記國初至仁宗君臣美事以備史闕

景命萬年錄一卷藝祖受禪錄一卷

右皆未詳撰人記趙氏世次藝祖歷試迄受禪事

三朝聖政錄十卷

右皇朝富弼上言乞選官置局將三朝典故編成書即命

王洙余靖孫甫歐陽修編修分別事類成九十六門

仁宗政要四十卷

右皇朝張唐英撰

溫公紀聞十卷

右皇朝司馬光撰記賓客所談祖宗朝及當時雜事

嘉祐時政記一卷

右皇朝吳奎趙槩歐陽修記立英宗事并賈易論韓琦

定策疏附於後

隆平集二十卷

右皇朝曾鞏撰記五朝君臣事蹟其間記事多誤如以太

平御覽與總類為西書之類或疑非鞏書

碧雲駮一卷

右皇朝梅堯臣聖俞撰昭陵時有御馬名碧雲駮以旋毛

貴用以名書者詆當時鼎貴之人然其意專在范文正也
頃年獲拜趙氏姑於恭南因質此事之誕信卷曰異哉聖
俞作謗書以誣盛德蓋詠絕之罪也

神宗寶訓二十卷

右皇朝林虔撰虔希之姪也剽聞神宗聖政輒私記錄分
一百門以續五朝寶訓崇寧上於朝

曾相手記三卷

右紹聖初元祐黨禍起曾希_布知公論所在故對上之語多
持兩端又輒增損以著此書云

濮王申陳一卷

右記治平中封濮安懿王宰相奏狀及臺諫言章

歐陽濮議四卷

右皇朝歐陽修撰其序云武王之作人皆謂君可代濮議
之興人皆謂父可絕盟津之會夷齊不食周粟而餓死世
未之知也後五百年得孔子而後顯然則濮議其可與庸
人以口舌爭一日邪熙寧初永叔知亳州日書成上之蘇
子瞻永叔客也亦以臺諫之論為直云

王氏日錄八十卷

右皇宋王安石撰紹聖間蔡卞合曾布獻於朝添入神宗
宴錄陳瑩中謂安石既罷相悔其執政日無善狀乃撰此

書歸過於上掠美於己且歷詆平生不悅者欲以欺後世於是著尊堯集及日錄不合神道論等十數書此書起熙寧元年四月終七年三月再起於八年三月終於九年六月安石兩執國柄日也然無八年九月以後至九年四月事蓋安石攻呂惠卿時堂中謂蔡卞除去安石怒罵惠卿之語其事當在此際也

邵氏見聞錄二十卷

右皇朝邵伯溫子文撰記國朝雜事迄紹興之初序言早以其父之故親接前輩得前言往行為多類之成書其父雍也

傳信錄十卷

右皇朝鮮於綽大受撰國朝雜事多言元豐後朝廷政事得失人物賢否也

金人背盟錄七卷圍城雜記一卷避戎夜話一卷金國行程十卷南歸錄一卷朝野僉言一卷

右宋朝汪藻編記金人叛契丹迄於宣和乙巳犯京城圍城雜記等五書皆記靖康時事也

順昌錄一卷

右紹興十年劉錡破女直於順昌城下其徒紀其功云

紹運圖一卷

右未詳何人所撰自伏羲迄宋朝神廟五德之傳及紀事皆著於篇

昭德先生郡齋讀書志卷之六

昭德先生郡齋讀書志卷之七

門人姚應績編

偽史類

華陽國志十二卷

右晉常璩撰華陽梁州地也記漢以來巴蜀人物呂微仲跋云漢至晉初四百載間士女可書四百人亦可謂盛矣復自晉至周顯德僅七百歲而史所紀者無幾人忠魂義骨與塵埃同沒何可勝數豈不重可嘆哉

蜀桂堂編事二十卷

右偽蜀楊九齡撰雜記孟氏廣政中舉試事載詩賦策題

及知舉登科人姓氏且云科舉起於隋開皇前陋者謂唐太宗時非也

九國志五十一卷

右皇朝路振子發撰雜記吳越唐前蜀後蜀東漢南漢閩楚凡九國

十國紀年四十二卷

右皇朝劉恕道原撰溫公序云渙之子也博學強記同修通鑑史事之紛錯難治者以諉恕宋次道知亳州家多書恕往借觀之目為之瞽性剛介初與王安石善及改新法言其非遂與之絕卒年四十九所謂十國者一王蜀二孟

蜀三吳四唐五吳越六閩七楚八南漢九荆南十北漢溫公又題其後云世稱路氏九國志在五代史之中最佳此書又過之以予考之長於考異同而拙於屬文其書國朝事皆曰宋而無所隱諱意者各以其國為主耳

外史禱机十卷

右皇朝張唐英次公撰稱王建孟知祥父子四世八十年比之公孫述輩最為久遠其間善惡有可為世戒者路振之書未備治平中成此書以補其遺凡五代史及宋朝日曆所書皆略之溫公修通鑑搜羅小說殆遍未嘗取此書蓋多差舛如光天至二年之類是也

江南錄十卷

右宋朝徐鉉等撰鉉等自江南歸朝奉詔集李氏時事王介甫嘗謂鉉書至亡國之際不言其君之過但以曆數存亡論之其於春秋箕子之義為得也雖然潘佑以直見殺而鉉書佑死以妖妄始與佑爭名且取其善不及佑故匿其忠污之以罪耳若然豈唯厚誣忠臣其欺吾君不亦甚乎世多以介甫之言為然獨劉道原得佑子華所上其父事迹略與江南錄所書同乃知鉉等非欺誣也

江南別錄四卷

右宋朝陳彭年撰偽吳偽唐四主傳也

南唐近事二卷

右宋朝鄭文寶編記李氏三主四十年間雜事

江南野史二十卷

右宋朝龍衮撰凡八十四傳

載斗奉使錄二卷

右皇朝王曙撰景德三年為契丹主生辰使祥符三年為弔慰使所錄也

生辰國信語錄一卷

右皇朝寇瑊與康德輿天聖六年使契丹賀其主生辰往返語錄并景德二年至天聖八年使副姓名及雜儀附於

後

乘軺錄一卷

右皇朝路振子發撰振大中祥符初使契丹撰此書以獻事見其傳

富公語錄一卷

右皇朝富弼使虜時所撰

張浮休使遼錄二卷

右皇朝元祐甲戌春張舜民被命為回謝大遼弔祭使鄭介為副錄其往返地里及話言也舜民字芸叟浮休居士其自號云

匈奴湏知一卷

右契丹歸朝人田緯編次

北遼遺事二卷

右不題撰人蓋遼人也記女直滅遼事序云遼國自阿保機創業於其初德光恢廓於其後吞滅諸蕃割據漠界南北開疆五千里東西四千里戎器之備戰馬之多前古未有子孫繼統二百三十餘年迨至天祚失馭女直稱兵十二年間舉國土崩古人謂得之難而失之易非虛言耳

金虜節要一卷

右陷虜人所上也記金人初內侮止紹興十年共十六年

事類詳宴

西夏須知一卷

右皇朝劉溫潤守延州日編錄偽境雜事

蕃爾雅一卷

右不載撰人姓名以夏人語依爾雅體譯以華言

雲南行紀二卷

右唐常齊休撰齊休長慶三年從常審規使雲南記其往來道里及其見聞序謂雲南所以能為唐患者以聞道越雋耳若自黎州之南清溪關外盡斥棄之疆場可以無虞不然憂未艾也及唐之亡禍果由此本朝棄雋州不守而

蜀遂無邊患以此論之則齊休之言可不謂善哉

雲南志十卷

右唐樊綽撰咸通中南詔數寇邊綽為安南宣慰使纂八

疆境通攷同

汪本作疆場

乃在川僉易疆境接聯聞於朝

易字從也

考楊此字宜從通攷作境場字疑於上

右皇宋辛怡顯撰蜀賊李順既平創增卷之八募怡顯招出之至道初歸因書其所歷成此書

皇祐平蠻記一卷

右皇朝馮炳撰記儂智高叛朝廷遣狄青討平之事

南蠻錄十卷

右未詳撰人熙寧間交趾叛朝廷議討之或纂歷代南蠻事跡及便宜上之

西域志十二卷

右唐僧玄奘撰玄奘西遊天竺求佛書既歸記其所歷諸國風俗其序云自黑嶺以西皆土著尚東左社務田畜重財賄嫁娶無禮獨天竺則異別記於後云

鷄林志三十卷

右皇宋崇寧中王雲編次崇寧中劉達吳城使高麗雲為書記官既歸攜輯其會見之禮聘問之辭類分為八門

夏國樞要二卷

右皇朝孫翼纂記夏虜兵屯會要土地肥磽井泉湧涸穀粟窖藏首豪姓氏名位司存與夫城池之完缺風俗之所尚編為兩帙上之於朝

石晉陷蕃記一卷

右皇朝范質撰質石晉末在翰林為出帝草降虜表知其事為詳記少主初遷於黃龍府後居於建州凡十八年而卒按契丹丙午歲入汴順數至甲子歲為十八年宣國朝太祖乾德二年也

虜廷雜記十卷

右契丹降人趙志忠撰記虜廷雜事始於阿保謹迄耶律

宗真李清臣云志忠仕虜為中書舍人得罪宗真來歸上此書及契丹地圖言虜中事甚詳

史評類

劉氏史通二十卷

右唐劉知幾撰知幾長安神龍間為史官頗不得志乃以前代書史序其體法因習廢置掇其得失述作曲直外內外篇著為評議脩載史策之要當時徐堅深重其書云居史職者宜置座右玄宗朝詔其家錄進上讀而善之宋子京稱唐舊史之文猥釀不綱謂知幾工訶古人而拙於用已觀此書知子京之論不誣前世史部中有史抄類而集部中

有文史類今世抄節之學不行而論說者為多故自文史類內摘出論史者為史評附史部而廢史抄云

史通析微十卷

右唐柳璨昭之撰璨以劉子玄史通妄誣聖哲評湯之德為偽跡論桀之惡為厚誣謗周公云不臣褒武庚以殉節其甚至於彈劾仲尼因討論其舛謬共成五十篇蕭統云論則析理精微故以為名乾寧四年書成唐史云璨公綽族孫少孤貧好學著史通析微時或稱之起布衣至為相不四歲按唐紀相璨在天祐改元則書成猶未仕也

史記索隱三十卷

右唐司馬貞撰據徐裴注糾正牴牾援據密緻如東坡辨
宰我未嘗從田常為亂事蓋本諸此也

歷代史贊論五十四卷

右未詳撰人纂史記迄五代史臣贊論

唐書直筆四卷

右皇朝呂夏卿撰夏卿強記絕人預修新史此其在書局
時所建明歐宋間有取焉如增入高祖字叔德之類是也

唐書新例須知一卷

右記新書比舊增減志傳及其摠類

唐書音訓四卷

右皇朝竇苹撰新書多奇字觀者必資訓釋苹問學精博
發揮良多而其書時有攻萃者不知何人附益之也萃元
豐中為詳斷官相州獄起坐議法不一下吏蔡確答掠之
誣服遂廢死

唐書音義三十卷

右未詳撰人比竇氏書大略同而稍簡乃折為三十卷

唐史要論十卷

右皇朝孫甫之翰撰歐陽永叔司馬溫公蘇子瞻稱其書
議論精覈以為舊史所不及終於天章閣待制

唐鑑二十卷

右皇朝范祖禹醇夫撰醇夫為溫公通鑑局編修官十五年分掌唐史以其所自得著成此書取武后臨朝二十一年繫之中宗其言曰比春秋公在元美之身已生予非人

二百六篇 汪介道改作二百六篇

宜在卷七

下二二

古史六十卷

右皇朝蘇轍子由撰其序曰太史公始易編年之法為紀傳世家記五帝以來然不得聖人之意余因遷之舊始伏羲訖秦始皇帝為七本紀十六世家三十七列傳謂之古史追錄聖賢之遺意以示後世國史譏蘇氏之學皆機權

變詐今觀此書蓋不然則知子由晚節為學益精深云

西漢博聞十二卷

右皇朝楊侃纂景德中侃讀西漢書取其中名數前儒解釋為此書以資涉躡者侃嘗編職林矣此亦其類也

三劉漢書一卷

右皇朝劉敞原父弟攸貢父子奉世仲馮撰劉跋嘗跋其書尾云余為學官亳州故中書劉舍人貢父宴為守從容出所讀漢書示余曰欲作補注未能也然卷中題識已多公之子方山亞夫錄

東漢刊誤一卷

右皇朝劉攽貢父撰攽序稱英宗讀後漢書見墾田字皆作懇字命國子監刊正之攽為直講較正其謬誤不可勝算然此書世無善本率以己意定之治平三年奏御攽號有史學溫公修通鑑以西漢事付之

呂氏前漢論三十卷

右皇朝呂大忠晉伯撰予得其本於銅梁令呂肇修汲公諸孫也

晉書指掌十二卷

右皇朝劉燾編以晉書事宜以類分六十五門

唐書辨證二十卷

右皇朝吳縝撰縝字廷珍成都人仕至郡守數新書初修之時其失有八類其舛誤二十門凡四百餘字縝不能屬文多誤有詆訶如新書張九齡傳云武惠妃陷太子瑛遣官奴告之曰廢必有興公為援宰相可常處九齡奏之故卒九齡相而太子無患縝以為時九齡已相而太子竟以廢死以為新書似寔而虛按史之文謂終九齡在相位日太子得不廢也豈謂卒以九齡為相太子終無患乎初名糾謬其後改云辨證寔一書也

五代史纂誤五卷

右皇朝吳縝撰凡二百餘事皆歐陽永叔新五代史牴牾

辨訛也按通鑑考異證歐陽史差誤如莊宗還三矢事之類其衆今此書皆不及之特證其事之脫錯而已又善本未必皆然

注唐紀十卷

右題曰樊先生而不詳其名近代人所注新書紀也

歷代史辨志五卷

右未詳撰人亦有可觀者凡百許篇序謂人之志有甚微者不可不辨故以名書

西漢發揮十卷

右皇朝劉涇巨濟撰涇蜀人

三國人物論三卷

注今作右皇朝蜀人楊祐撰

按此卷與袁本通攷同當从

唐史言三卷

右題曰適先生不詳何人門人譙孝寧為編次

職官類

唐六典三十卷

右唐玄宗撰李林甫張說等注以三公三師三省九寺五監十二衛等列其職司官佐叙其秩品以擬周禮雖不能悉行於世而諸司遵用殆將過半觀唐會要請事者往往援據以為實常述以為書雖成而竟不行過矣然識者謂

自唐虞至周有六官而無寺監自秦迄陳有寺監而無六官獨此書兼之故官皆複重也

中台志十卷

右唐李筌撰起殷周迄隋唐纂輔相邪正之迹分皇王霸

追汪本作追

按追字者不通改作追鼎鈔本亦此同

此亦鼎鈔目錄改

翰林雜誌一卷

右不題撰人輯唐高執誼故事元稹承旨壁記常來微新樓記杜元穎監院使記鄭璘視艸亭記并詩李宗諤題名記為一編或云蘇易簡子耆采其父翰林續志所遺附益

之

翰林志一卷

右唐李肇撰纂唐世翰林院中供奉儀則制誥書詔之式其後云睿聖文武皇帝裂岱十二州為三道之歲蓋憲宗元和十四年也

翰林盛事一卷

右唐張著撰記唐朝儒臣美事凡三十八人

翰林續志二卷

右宋^皇朝蘇易簡撰易簡在北門最承太宗滕遇錄元和以後至國朝翰林故事以續肇志

金坡遺事三卷

右宋朝錢惟演撰載國朝禁林雜儀式事迹并學士名氏文元公述真宗禮待儒臣三事附於卷末

御史臺記十二卷

右唐韓琬撰載唐初至開元御史臺中制度故事以大夫中丞侍御史殿中監察主簿錄事分門載次名氏行事著論一篇叙御史正邪得失進擢誅滅之狀附卷末以為世戒

嘉祐御史臺記五十卷

右皇朝馮潔已撰御史臺有記始於武后時姚廷筠其後

韓琬常述嗣有紀著嘉祐中王疇命潔已續之乃上自太祖建隆之元迄於嘉祐之末凡一百四年分門載其名氏行事凡三百餘人潔已拯之子也為叙傳兩篇述其父事且自叙立朝本末云與呂猷可傳欽之趙閱道相善而鄙韓玉汝周孟陽亦可槩見其為人也

新御史臺記

右皇朝宋聖寵編崇寧中聖寵為察官續韓琬書咸用其規式所異者不為諸人立傳於儀制勅令格式為詳後人續至紹興九年

御史臺彈奏格一卷

蔣獻汪本作蔣猷

楊原奉撰鈔本作蔣猷誤今按表本通致改

今按王元表事在蘇州於自六月書於上之

此五及本原亦同

史館故事三卷

右不題撰人姓氏記史館雜事分六門迄於五代李猷臣以為後周史官所著按其書以廣順年事為皇朝猷臣之說尤信

集賢注記二卷

右唐韋述撰述在集賢四十年天寶丙申撫院中故事修撰書史之次及孝明時學士名氏頗喜叙事

南宮故事一卷

右不題撰人韋述云開元中劉鄭蘭撰劉儒者無著述才

陳氏宰相拜罷錄一卷

右皇朝陳繹奉詔編起范質止曾公亮所載拜罷之由與實錄不同元祐史臣謂繹多出己意

樞府拜罷錄

覆按罷鈔本十卷表本通致與此同

此五原亦同

執政拜罷錄十卷

右不題撰人自建隆元年迄於紹興九年按皇朝以樞密院及參知政事為執政改官制後以左右丞西省侍郎并密院為執政建炎三年後復用舊制云

百官公卿表一百四十二卷

右皇朝司馬光君實等撰熙寧中光以翰林學士兼史館修撰建議欲據國史旁采異聞叙宋興以來百官除拜效漢書作表以便御覽詔許之光請宋敏求同修及敏求卒又請趙彥若繼之歷十二年書成奏卸

要會注本作會要 後林羅鈔本要會

此子羅鈔目

者正今日中書所宜有自漢至唐莫知議此今編十卷凡一百二十五門附五十八事李清臣嘗與許將書云脩對乃吳正憲公居宰路以聖問多出意表故令中書掾畢君

為之其時預有畫旨諸司遇取會不許濡滯如此尚歷數年乃就後雖有改革然事亦可概見也

麟臺故事五卷

右皇朝程俱撰紹興初復館職俱首入館纂集舊聞成十二篇予所藏書斷自南渡之前獨此書以載官制後事為詳故錄之

掖垣叢志二卷

右皇朝宋庠撰景祐中李宗諤始取國初掌誥名氏刻之于石自為紀序庠因之成此書王禹玉頗譏其疎畧裴廷裕載舍人上事知印宰相壓角至今傳之為故事而庠書

闕焉

掖垣續志一卷

右不詳撰人續宋庠書迄元祐六年十一月陳軒試中書舍人

輔弼名對四十卷目錄一卷

右皇朝劉頴撰纂西漢迄五代群臣應對之名者汲黯有天子置公卿輔弼之臣寧令從諛承意陷主不誼之言頴取以名其書天聖初馮元為侍講上之頴嘗為令坐事免由是詔復其官

將作營造法式三十四卷

右皇朝李誡撰熙寧中勅將作監編修營造法式誡以為未備乃考究經史并詢匠氏以成此書頒於列郡世謂喻皓木經極為精詳此書蓋過之

昭德先生郡齋讀書志卷之七

昭德先生郡齋讀書志卷之八

門人姚應績編

儀注類

服飾圖三卷

右唐李德裕編共五十五事

除夜表本同 注本作治夜夕

景德會計錄六卷

右皇朝丁謂之撰謂景德中纂三司戶口稅賦之入及
兵食吏祿之費會計天下每歲出納贏虧之數吉甫元祐

國計圖之類也書成奏御

皇祐會計錄六卷

右皇朝田况元鈞撰况兩為三司使謂夏戎阻命之後增兵比之景德幾一倍加之吏員益繁經費日侈民力甚疲乃約丁謂會計錄以皇祐財賦所入多于景德而其出又多于所入著成此書上之庶幾朝廷稽祖宗之舊省浮費以裕斯民云

封禪記五十卷

右皇朝丁謂等撰大中祥符元年詔謂與李宗諤陳彭年以景德五年正月三日天書降於左承天門鷓鴣吻之上迄

十月泰山修封事迹儀注詔誥編次成書上之御製序冠之於首

祀汾陰記五十卷

右皇朝丁謂撰入中祥符三年八月降祀汾陰御札至明年春禮成四年詔謂與陳彭年編次事迹儀注踰二年成書上之

吉凶書儀二卷

右皇朝胡琬翼之撰畧依古禮而以今體書疏儀式附之

刑法類

刑統三十卷

右皇朝實儀以尚書判大理寺與法官蘇曉奚嶼張希護等修定古者議事以制使民不知所爭也後世鑄刑書使民知所避也雖若不同所以為民之意則一然議事以制者委重於人鑄刑書者委重於法委重於人則上之人將輕重由心以虐其下委重於法則下之人將徵於書以慢其上其為失也亦均要之以人行法不使偏重然後為得耳

金科易覽三卷

右崇文摠目有唐趙綽金科易覽一卷田氏書目有蕭緒金科易覽三卷當是綽初撰一卷緒刪改析之為三爾

疑獄三卷

右晉和凝撰纂史傳決疑獄事其上卷凝書也下中卷凝子蒙所續

天聖編勅三十卷

右天聖中宋庠龐籍受詔改修唐令參以今制而成凡二十一門官品一戶二祠三選舉四考課五軍防六衣服七儀制八鹵簿九公室式十田十一賦十二倉庫十三廐牧十四關市十五補亡十六疾醫十七獄官十八營繕十九喪葬二十雜二十一

元豐斷例六卷

右元豐中法寺所斷罪此節文也

元豐廣案二百卷

右皇朝元豐初置新科明法或類其所試成此書

諸路將官通用勅二十卷

右皇朝崇寧中修

紹興勅十三卷令五十卷格三十卷式三十卷政和以後赦十五卷

右皇朝張守等紹興中被旨編修

刑統賦兩卷

右皇朝傅霖撰或人為之注

決獄龜鑑二十卷

右皇朝鄭克編次五代和凝有疑獄集近時趙全有疑獄事類皆未詳盡克因增廣之依劉向晏子春秋舉其綱要為之目錄分二十門計三百九十五事

律心四卷

右未詳撰人纂刑統綱要也

斷例四卷

右皇朝王安石執政以後士大夫頗垂意律令此熙豐紹聖中法寺決獄比也

地里類

山海經十八卷

右大禹製晉郭璞傳漢侍中奉車都尉劉秀校定表言禹別九州而益等類物善惡著此書皆聖賢之遺事古文明著者也十父嘗考之於其書有曰長沙零陵鴈門皆郡縣名又自載禹鯀似後人因其名參益之

山海經圖十卷

右皇朝舒雅等撰雅仕江南韓熙載之門人也後入朝教預修書之選閩中刊行本或題曰張僧繇畫妄也

水經四十卷

右漢桑欽撰欽成帝時人水經三卷後魏酈道元注道元

範之子為政嚴酷蕭寶夤叛死之史稱道元好學歷覽奇書撰注水經行於世

十道志十三卷

右唐梁載言撰唐分天下為十道所載頗詳博其書多稱咸通中沿革載言蓋唐末人也

青城山記一卷

右偽蜀杜光庭賓聖撰集蜀山若水在青城者悉本道家方士之言

廬山記五卷

右皇朝陳令舉舜俞撰先是劉煥嘗為記令舉因而增廣

之又為俯視圖記尋山先後之次云

太平寰宇志三百卷

右皇朝樂史等撰太平興國中盡平諸國天下一統史悉取自古山經地志考正謬訛纂成此書上之於朝

圖經

右皇朝李昉撰

九域志十卷

右皇朝王存被旨刪定摠二十三路京府四次府十州二百四十二軍三十七監四縣一千一百三十五

輿地廣記三十八卷

右皇朝歐陽忞纂自堯舜以來至於五代地理沿革離合皆繫以今郡縣名或云無所謂歐陽忞者特假名以行其書耳

春秋地譜十二卷

右皇朝楊湜編十三國地皆釋以今州縣名并為圖於其後蓋常氏已嘗有此書而湜增廣焉

洽聞記三卷

右唐鄭常撰記郡國舊事故附之地里類

三輔黃圖三卷

右按經籍志有黃圖一卷記三輔宮觀陵廟明堂辟雍郊

時等即此書也不著撰人姓氏其間頗引劉昭漢志然則出於梁陳間也

職方機要四十卷

右不題撰人姓名序云本新舊九域志上據歷代史旁取左氏水經通典且采舊聞參以小說點謬舉真紬成此書其間載政和間事蓋當時人也

渚宮舊事十卷

右唐余知古撰自鬻熊至唐江陵君臣人物事迹史子傳代記所載者悉纂次之

洛陽伽藍記三卷

右元魏羊銜之撰後魏遷都洛陽一時王公大夫多造佛寺或捨其私第為之故僧舍之多為天下最銜之載其本末及事迹甚備

南行記三卷

右王仁裕撰晉天福三年仁裕被命使高季興記自汴至荆南道途賦詠及飲宴酬倡殆百餘篇

東京記三卷

右皇朝宋敏求編開封坊巷寺觀官廨私第所在及諸故實極其精博

長安志十卷

右皇朝宋敏求撰敏求因常氏所記搜采群書罔有遺軼二紀而成凡府縣之政官尹之職河渠閼塞之類至於風俗物產宮室道術無不詳備世稱其博趙彥若為之序

河南志二十卷

右皇朝宋敏求以唐常述西京記為未備演之為長安河南志司馬光為之序

相臺志十二卷

右皇朝韓琦欲編次未成郡守李琮命郡文學掾陳申之效宋敏求河南志成此書

成都古今記三十卷

右皇朝趙抃編抃自慶曆至熙寧凡四入蜀知蜀事為詳摭其故宴以類相從分百餘門

明越風物志七卷

右皇朝姜嶼撰以明州本越地故曰明越又以郭璞注爾雅多引江東故詳載其風物云

蜀記一卷

右皇朝張守約撰載孟昶初降至薨事

梁益志十卷

右皇朝任弁撰天禧中遊宦於成都以蜀記數家其言皆無以據依乃引書傳刊正其事

峨嵋志三卷

右皇朝張開撰峨嵋山名也隋開皇十三年以名其邑奇勝冠三蜀郡守呂勤命開放圖經及傳記石刻綴輯成書析為十四門宋白吳中復詩文附於後

零陵記十五卷

右皇朝陶岳撰永州地里志也今永州所部才三縣其所錄多連及數郡自序云以其皆零陵舊地故收之

番禺記異五卷

右皇朝馮拯撰拯淳化中謫知端州見嶺表鳥獸草木民俗物情舉異中原錄之類為三十門凡三百事還朝上之

宜春傳信錄三卷

右皇朝羅誘述載其地古今人物及牧守政跡山川靈異云

蜀三神祠碑文五卷

右宋^皇朝井度編任四川漕日袁梓潼灌口射洪三神祠碑文板記成此書云

袁州學惠廟錄一卷

右宋^皇朝張慤撰記仰山二神靈異之迹

游城南記一卷

右宋^皇朝張禮撰禮秦人元祐中與陳明微自長安城南探奇

訪古以抵樊川因次之為記

嘉州志二卷

右宋^{皇朝}呂昌明撰以嘉州圖經增廣之

洛陽名園記一卷

右宋^{皇朝}李格非撰記洛中園圃自富鄭公以下十九所其論以為洛陽之盛衰為天下治亂之候園圃之興廢為洛陽盛衰之候則園記之作豈徒然哉公卿大夫忘天下之治忽而欲享此得乎唐之末路是也

昭德先生郡齋讀書志卷之八終

昭德先生郡齋讀書志卷之九

門人姚應績編

傳記類

黃帝內傳一卷

右序云昔錢鑑得之於衡山石室中後至漢劉向於東觀校書見之遂傳於世藝文志以書之紀國政得失人事美惡其大者類為雜史其餘則屬之小說然其間或論一事著一人者附於雜史小說皆未安故又為傳記類今從之如神仙高僧不附其類而繫於此者亦以其記一事猶列女名士也

穆天子傳六卷

右晉太康二年汲縣民不准盜發古冢所得凡六卷八千五百一十四字詔荀勗和嶠等以隸字寫之云按春秋左氏傳穆王欲肆其心周行天下將皆有車轍馬跡焉此書所載即其事也穆王好巡狩得騂驪綠耳之乘造父為御以觀四荒北絕流沙西登崑崙與太史公記同汲郡收書不謹多毀缺雖其言不典皆古書頗可觀覽郭璞注本謂之周王遊行記勗之時古文已不能盡識時有闕者又轉寫益誤殆不可讀

漢武內傳二卷

右不題撰人記王母降

漢武故事二卷

右世言班固撰唐張柬之書洞冥記後云漢武故事王儉造

漢武洞冥記五卷

右後漢郭憲子橫撰其序言漢武明雋特異之主東方朔因滑稽浮誕以匡諫洞心於道教使冥跡之奧昭然顯著故曰洞冥

十洲記一卷

右漢東方朔撰班固贊言朔之恢諧逢占射覆其事浮淺

童兒牧豎莫不眩耀而後世好事者因取其言恠語附著之朔豈謂此書之類乎

襄陽耆舊記五卷

右晉習鑿齒撰前載襄陽人物中載其山川城邑後載其牧守隋經藉志曰耆舊記唐藝文志曰載舊傳觀其書紀錄叢脞非傳體也名當從經籍志云

高士傳十卷

右晉皇甫謐撰纂自陶唐至魏八代二千四百餘載世士高節者其或以身徇名雖如夷齊兩龔皆不錄凡九十六人而東漢之士居三之一自古名節之盛議者獨推焉觀

此尤信

閩川名士傳二卷

右唐黃璞撰錄唐神龍以來閩人知名於世者効楚國先賢傳為之

王子年拾遺記十卷

右梁蕭綺叙錄晉王嘉字子年嘗著書百二十篇載伏羲以來異事前世奇詭之說書逸不完綺拾綴殘缺輯而叙之

古列女傳八卷續列女傳一卷

右漢劉向撰向睹趙衛之屬起微賤踰禮制以為王教由

內及外故采詩書所載賢妃貞女及嬖孽亂亡者序次為
列女傳凡八篇以戒天子前有王回序其略曰此書有母
儀賢明仁智貞慎節義辯通嬖孽等篇而各頌其義圖其
狀物以為卒篇傳如太史公記頌如詩之四言而圖為屏
風然世所行向書乃分傳每篇上下并頌為十五卷其十
二傳無頌三傳同時人五傳其後人通題曰向誤題其頌
曰向子歆誤與漢史不合故崇文摠目以陳嬰母等十六
傳為後人所附予以頌考之每篇皆十五傳耳則凡無頌
者宜皆非向所奏書不特自陳嬰母為斷也頌云畫之屏
風而史有頌圖在八篇中莫得而考以向所序書多散亡

獨此幸存而完復為它手竄疑於其真故并錄其目而以
頌證之刪為八篇號古列女傳餘二十傳其文亦與雅可
喜故又以時次之別為一篇號續列女傳公武按隋經籍
志有劉向列女傳十五卷又有劉歆列女傳頌又有項原
列女後傳今回刪此書為八篇以合漢史得之矣至於疑
頌非歆作蓋因顏籀之言爾則未必然也二十傳豈項原
所作邪

孔子編年三卷

右宋^皇朝孔傳取左氏國語公羊史記及他書所載孔子事
以年次之自生至卒

東家雜記二卷

右宋^皇朝孔傳撰孔子四十七代孫也纂其家舊聞軼事於此書

汾陽王家傳十卷

右唐陳雄撰雄本汾陽王郭子儀僚吏後又從事渾瑊幕府故傳不名第九卷錄行狀第十卷錄副佐三十三人大將二十七人曰忠武將佐略

翊聖保德傳三卷

右宋^皇朝王欽若撰建隆初有神降於鳳翔民張守真家開寶末徵守真詣闕屬太宗踐祚封神翊聖將軍築宮於終

南山祥符中詔欽若編次其事御為製序引

相國鄴侯家傳十卷

右唐李繁撰繁鄴侯泌之子也大和中以罪繫獄當死恐先人功業不傳乞廢紙搦筆於獄吏以成傳藁戒其家求世聞人潤色之後竟不果宋子京謂其辭浮侈云

晁以道揚雄別傳一卷

右從父詹事公撰雜取諸書所載雄逸事為一編係之以贊

補江揔白猿傳一卷

右不詳何人撰述梁大同末歐陽紇妻為猿所竊後生子

詢崇文目以為唐人惡詢者為之

綠珠傳一卷

右宋^皇朝樂史撰

趙飛燕外傳一卷

右漢伶玄子於^子撰茂陵下理藏之於金滕漆櫃王莽之亂
劉恭得之傳於世晉荀勗校上

楊貴妃外傳二卷

右宋^皇朝樂史撰叙唐楊妃事迹迄孝明之崩

登科記三十卷

右宋^皇朝樂史撰記進士及諸科登名者起唐武德迄天祐

末

唐制舉科目圖一卷

右不題撰人凡七十六科仕至宰相者七十二人唯劉蕡
名最高而宦最不達

宋登科記三卷

右宋^皇朝登科人名氏未詳何人所撰

柳氏序訓一卷

右唐柳玭叙其祖公綽已下内外事迹以訓其子孫

張忠定公語錄四卷

右宋^皇朝張忠定公詠守蜀有善政其門人李旼紀其語論

可以垂世者

西李文正公公談錄一卷

右西李文正公昉也相宋朝太宗其子宗諤錄其平生所談十七事

魏國忠獻公別錄三卷

右宋朝韓魏公琦相仁宗英宗其門人王崑叟記其言論事實然以國史考之其歲月往往抵牾蓋失之誣也

潼山日錄二卷

汪本作蔡下同曾布

宗實錄陳瑩中謂安石既罷相悔其執政日無善狀乃撰

而獻於朝添入神

此書歸過於上掠美於己且歷詆平生不悅者欲以欺後世於是著尊堯集及日錄不合神道論云

嘉祐名臣傳五卷

右宋朝張唐英傳仁宗朝賢臣五十餘人

開元天寶遺事四卷

右漢王仁裕撰仁裕仕蜀至翰林學士蜀亡仁裕至鎬京採摭民言得開元天寶遺事一百五十九條後分為四卷

吳湘事迹錄一卷

右唐大中李紳鎮揚州陷湘州以罪抵死後其兄汝納辨訴其枉狀錄摠載焉

唐宋科名分定錄三卷

右不題撰人元符間所著書也序云己卯歲得張君房所誌唐朝科塲故事今續添五代及本朝科名分定事迄於李常寧云

降聖紀五十卷

右宋朝丁謂撰大中祥符五年十月十七日聖祖降七年謂請編次事迹詔李維宋綬晏殊同編天禧元年上之

先天紀三十六卷

右宋朝王欽若集聖祖趙諱即軒轅黃帝也故欽若奉詔編次傳記黃帝事迹上之賜名先天紀御製序冠其首

民表錄三卷

右宋朝胡納撰錄國朝循吏善政李淑以為雖淺俗亦可備廣記云納瑗之父天聖中偕賢惠錄上之

賢惠錄三卷

右宋朝胡納撰錄國朝賢惠之女後一卷瑗嗣成之

萊公勲烈一卷

右宋朝寇宗奭編宗奭準之曾孫也編集仁宗祭準文及贈誥墓碑傳誌贊詩等為此書

王魏公遺事四卷

右宋朝王魏公旦相真宗其子素錄遺事凡五百條分四

卷

王文正言行錄三卷

右宋朝王文正曾相仁宗其弟皞錄其平生言行凡六十
七事李清臣為之序

韓魏公家傳二卷

右宋朝韓忠彥撰錄其父琦平生行事近世著史者喜采
小說以為異聞逸事如李繁錄其父泌崔胤記其父慎由
事悉鑿空妄言前世謂此等無異莊周鮒魚之辭賈生服
烏之對者也西唐書皆取之次亂正史由是近時多有家
傳語錄之類行於世陳瑩中所以發憤而著書謂魏公名

德在人耳目如此豈假門生子姓之間區：自列乎持史
筆其慎焉

潛德錄一卷

右宋朝呂晦獻可之孫撰記其祖乞立英宗言章

文潞公私記一卷

右宋朝文彥博所撰元豐初王堯臣之子同老以其父至
和中所撰立英宗為皇子詔草上之且曰時宰相文彥博
富弼知狀神宗以問彥博彥博具以實對至元祐中賈易
為言官因為韓忠彥爭辯其事彥博乃著此其後云自古
唯霍禹云縣官非我家將軍不得至此楊復恭自稱定策

國老謂昭宗為門生天子皆鞅鞅不道之言卒被夷滅

列仙傳二卷

右漢劉向撰

神仙傳十卷

右晉葛洪弟子滕升嘗問洪曰古人之仙者豈有其人乎
洪答以秦阮倉所記有數百人劉向所纂又七十一人今
復錄集古之仙者以傳真識之士云

王氏神仙傳四卷

右蜀杜光庭纂光庭集王氏男真女仙五十五人以諂王
建其後又有王虛中續纂三十人附於後

高僧傳六卷

右蕭梁僧惠敏撰分譯經義解兩門

又高僧傳十四卷

右蕭梁僧釋慧皎撰慧皎以劉義宣靈驗記陶潛搜神錄
等數十家並書諸僧殊跡略乃博采諸書咨訪古老起於
永平十年終於天監十八年凡五百五十二載二百五十
七人又附見者二百餘人分為譯經義解神異習禪明律
遺身誦經興福經師唱道十科

續高僧傳三十卷

右唐僧道宣撰藝文志作道宗大明寺僧也以慧皎會稽

人故其書詳於吳越而略於燕魏故上距梁天監下終唐貞觀十九年百四十四載編載二百四十人附見者又一百六十人分譯經解義習禪明律護法感通遺身讀誦與福雜科凡十門

求法高僧傳二卷

右唐僧義淨撰義淨垂拱中往天竺求佛經既還因纂集唐徃西域者五十六人行事

比丘尼傳四卷

右蕭梁僧寶唱撰起晉并平訖梁天監得尼六十五人為之傳以檢淨為首寶唱金陵人藝文志有其目

僧寶傳三十二卷

右宋朝僧德洪撰其序云五家宗派嘉祐中達觀曇穎嘗為之傳載其機緣語句而略其終始行事德洪謂入道之緣臨終之効有不可闕者遂盡掇遺編別紀補以諸方之傳又自嘉祐至政和取雲門臨濟西宗之裔絕出者合八十七人各為傳係之以贊云

譜牒類

姓源韻譜一卷

右唐張九齡撰依春秋正典柳氏萬姓錄世本圖據據諸書纂為此譜分四聲以便尋閱古者賜姓別之黃帝之子

得姓者十四人是也後世賜姓合之漢高命婁欽項伯為劉氏是也唯其別之也則離析故古者論姓氏推其本同唯其合之也則亂故後世論姓氏識其本異自五胡亂華百宗蕩析夷夏之裔與夫冠冕輿臺之子孫混為一區不可遽知此周齊以來譜牒之學所以貴於世也歟

元和姓纂十一卷

右唐林寶撰元和中封閭某於諸家姓氏太原其人乃言非本郡憲宗令宰相命寶纂諸家姓氏自李氏外各依四聲類集每韻之內則以大姓為首

千姓編三卷

右不著撰人

闕里世系一卷

右宋^皇朝孔宗翰重修孔子家譜也唐藝文志有孔子系葉傳今亡其家所藏譜雖曰古本止叙承襲者一人故多踈略宗翰元豐末知洪州刊於牘紹興中端朝者續之止於四十九代洪興祖又以史記并孔光孔僖傳及太子賢注與唐宰相世繫^系諸家^書校正且作年譜列於卷首

釋迦氏譜十卷

右唐釋僧祐撰僧祐以釋迦譜記雜見於經論覽者難通因纂成五卷又取內外族姓及弟子名氏附於後

鮮於氏卓絕譜一卷

汪本年詔興初字

書目類

吳氏西齋書目一卷

右唐吳兢錄其家藏書凡一萬三千四百六十八卷兢自撰書附於正史之末又有續抄書列於後

文選著作人名三卷

右唐常寶鼎撰纂文選所集文章著作人姓氏爵里行事及其述作之意

十三代史目三卷

右唐殷仲茂撰輯史記西漢三國晉宋齊梁陳後魏北齊周隋史籍編次名氏宋朝杜鎬以唐五代書目續之

崇文總目六十四卷

右宋朝王堯臣等撰書刊正訛繆條次之凡四十六類計三萬六百六十九卷康定二年景祐中詔張觀李若谷宋庠取昭文史館集賢祕閣書成堯臣及提舉官聶冠卿郭稹加階邑編修官呂公綽王洙刁約歐陽修楊儀陳經各進秩有差國史謂書錄自劉向至母嬰所著皆不存由是古書難考故此書多所繆誤

大宋史館書目一卷

右宋^皇朝史館書摠計一萬五千一百四十二卷

邯鄲圖書志十卷

右宋^皇朝李淑獻臣撰淑若谷之子也載其家所藏圖書五十七類經史子集通計一千八百三十六部二萬三千一百八十六卷其外又有藝術志道書志書志畫志通為八目

開元釋教錄三十卷

右唐僧智昇撰智昇在開元中纂釋氏諸書入中國歲月及翻譯者姓氏以楞嚴經為唐僧懷迪譯張天覺以懷迪與菩提流支同時流支後魏僧其言殆不可信也

道藏書目一卷

右宋^皇朝鄧自和撰大洞真部八十一秩靈寶洞玄部九秩太上洞部三十秩太真部九十六秩太平部一十六秩正一部三十九秩凡六部三百一十一秩

成都刻石總目三秩

覆案原本既一葉自崇文偉陳經各進秩起至成都總目三秩止

此與舊本同

板幢柱自東漢初平迄僞蜀廣政凡二百六十八

田氏書目六卷

右宋^皇朝田鎬撰田偉居荆南家藏書幾三萬卷鎬偉之子也因成此目元祐中袁默為之序

群書備檢十卷

右未詳撰人輯易詩書左氏公羊穀梁二禮論語孟子荀子揚子文中子史記西漢三國志晉宋齊梁陳後周北齊隋新舊唐五代史書以備檢閱

昭德先生郡齋讀書志卷之九終

昭德先生郡齋讀書志卷之十

門人姚應績編

子之類凡十八其一曰儒家二曰道家三曰法家四曰名家五曰墨家六曰縱橫家七曰雜家八曰農家九曰小說十曰天文十一曰星曆十二曰五行十三曰兵家十四曰類書十五曰類書十五曰

六十一卷

汪本考一字

學者之過汪本作學者之故

皆出於先王之官咸有所長及失其傳故各有弊非道本然特學者之過也是以錄之又以醫卜技藝亦先王之所不廢故附於九流之末夫儒墨名法先王之教醫卜技藝

先王之政其相附近也固宜昔劉歆既錄神仙之書而王
儉又錄釋氏今亦循之者何哉自漢以後九流寢微隋唐
之間又尚辭章不復問義理之實雖以儒自名者亦不知
何等為儒術矣况其次者哉百家壅底正塗之弊既息而
神仙服食之說盛釋氏因果之教興雜然與儒者抗衡而
意常先之君子雖有取焉而學之者不為其所誤者鮮矣
則為患又甚於漢蓋彼八家皆有補於時而此二教皆無
意於世也八家本出於聖人有補於時特學者失之而莊
老猶足以止晉申商猶足以滅秦况二教無意於世不自
附於聖人若學而又失之則其禍將如何故有以為之世

故存之以為世戒云袁今日汪本作故有以为了世戒云

傳家類

曾子二卷

右曾子者魯曾參也舊稱曾參所撰其大孝篇中乃有樂
正子春事當是其門人所纂爾漢藝文志曾子十八篇隋
志曾子二卷目一卷唐志曾子二卷今此書亦二卷凡十
篇蓋唐本也視漢亡八篇視隋亡目一篇考其書已見於
大戴禮世人久不讀之文字繆誤為甚乃以大戴禮參校
之其所是正者至於千有餘字云

子思子七卷

右魯孔伋子思撰載孟軻問牧民之道何先子思曰先利之孟軻曰君子之教民者亦仁義而已何必曰利子思曰仁義者固所以利之也上不仁則下不得其所上不義則樂為詐此為不利大矣故易曰利者義之和也又曰利用安身以崇德也此皆利之大者也溫公米之著於通鑑夫利者有二有一己之私利有衆人之公利子思所取公利也其所援易之言是也孟子所鄙私利也亦易所謂小人不見利不動之利也言雖相反而意則同不當以優劣論

趙岐孟子十四卷

右鄒孟軻也趙岐字臺卿後漢人為章指析為十四篇其

序云軻戰國時以儒術干諸侯不用退與公孫丑萬章之徒難疑卷問著書七篇三萬四千六百八十五言秦焚書以其書號諸子故得不泯絕又有外書四篇其書不能洪深似非孟子本旨也按韓愈以此書為弟子所會集與岐之言不同今考其書載孟子所見諸侯皆稱謚如齊宣王梁惠王梁襄王滕定公滕文公魯平公是也夫死然後有謚軻無恙時所見諸侯不應皆前死且惠王元年至平公之卒凡七十七年軻始見惠王目之曰叟必已老矣決不見平公之卒也後人追為之明矣則岐之言非也荀子載孟子三見齊王而不言弟子問之曰我先攻其邪心楊子

載孟子曰夫有意而不至者有矣未有無意而至者也今書皆無之則知散軼也多矣歧謂秦焚書得不泯絕亦非也或曰豈見於外書邪果爾則歧又不當謂其不能洪深也

丁公著 子誤此依袁本改

祥符中注本作祥符間 通改亦作中

注孟子者趙氏之外有陸善經與等以趙注為本其不同者時兼取善經如謂子莫執中為子等無執中之類大中祥符中書成上於朝

石經孟子十四卷

右宋^皇朝席旦宣和中知成都刊石真於成都學宮云偽蜀詩刊六經於石而蜀無孟子經為未備夫經大成於孔氏以頻顛為類注本作如頻為顛之類 通改作以頻顛為類顛字即顛字誤 頻顛是陸仲子家當云誤作類字任存誤

點注孟子十四卷

右宋^皇朝熙寧中蜀州張簡點節經注附以釋文以教童子 五臣解孟子十四卷

右宋^皇朝范祖禹孔武仲吳安詩豐稷呂希哲元祐中同在經筵所進講義貫穿史籍雖文辭微涉豐緜然觀者誠知勸講自有體也

伊川孟子解十四卷

右宋朝程頤正叔撰頤居洛陽其門人號之為伊川先生云

橫渠孟子解十四卷

右宋朝張載子厚撰并孟子統說附於後載汴人居關中橫渠鎮故學者以其所居稱之

百家孟子解十二卷

右集古今諸儒自裴日休至強至賈同百餘家解孟子成一編

王安石解孟子十四卷王雱解孟子十四卷許允成解孟子十四卷

右宋朝王安石介甫素喜孟子自為之解其子雱與其門人許允成皆有注釋崇觀間塲屋舉子宗之

刪孟二卷

右宋朝馮休撰休觀孟軻書時有叛違經者疑軻沒後門人妄有附益因刪去之著書十七篇以明其意前乎休而非軻者荀卿刺軻者王充後乎休而疑軻者溫公與軻辯者蘇東坡然皆不若休之詳也

疑孟一卷

右宋朝司馬光君實撰光疑孟子書有非軻之言者著論是正之凡十一篇光論性不以軻道性善為然

楊倞註荀子二十卷

右趙荀况撰漢劉向校定除其重複著三十二篇為十二卷題曰新書稱卿趙人名况當齊宣王威王之時聚天下賢士稷下是時荀卿為秀才年十五始來游學至齊襄王時荀卿最為老師後適楚相春申君以為蘭陵令已而歸趙按威王死其子嗣立是為宣王楚考烈王初黃歇始相年表自齊宣王元年至楚考烈王元年凡八十一年則荀卿去楚時僅百歲矣楊倞唐人始為之註且更新書為荀子易其篇第析為二十卷其書以性為惡以禮為偽非諫諍傲突祥尚強伯之道論學術則以子思孟軻為飾邪說

文姦言與墨翟惠施同詆為論人物則以平原信陵為輔拂與伊尹比干同稱焉其指往不能醇粹故後儒多疵之云

董子一卷

右周董無心撰宋朝吳祕註無心在戰國時著書闢墨子新書十卷

右漢賈誼撰誼著事勢連語雜事凡五十八篇考之漢書誼之著述未嘗散軼然與班固所載時不同固既云掇其切於世者容有潤益刊削無足怪也獨其說經多異義而詩尤甚以騶虞為天子之囿官以靈臺為神靈之靈與

毛氏殊不同學者不可不知也

太玄經十卷

右漢楊雄子雲撰雄作此書當時已誦其艱深其後字讀多異予嘗以諸家本參校不同者疏於其上且發策以問諸生云楊雄準易作太元經其自序稱元盛矣而諸儒或以為猶吳楚僭王當誅絕之罪或以為度越老子之書大抵譽之者過其實毀之者失其真皆未可信然譬言夫聽訟曾未究其意烏能決其曲直哉今欲論元之得失必先窺其奧然後可得而議也夫元雖準易然託始高辛太初二曆而為之故元有方州部家凡四重而為一首九贊通七

百二十九贊有奇分主晝夜以應三百六旬有六日之度首準一卦始於中準中孚而終於養準頤二十四氣七十二候與夫二十八宿錯居其間先後之序蓋不可得而少差也夫易卦之直日起於漢儒之學舍四正卦取六十卦之爻三百六十各直一日此元之所準者也然易之卦直日其亦如元之首有序乎抑無也若亦有之則雄之為元不亦善乎不然則元之序亦贅矣自復始而為乾坤十有二卦皆以陰陽之消長分居十二月謂之辟卦則固有序矣其餘一月而四卦之序云何且如中孚頤何以為一日之卦也曰公卿大夫侯者何謂也其所謂屯正於丑間時

而左行蒙正於寅間時而右行者其旨可得聞欵又一陽一陰者元相錯之法也然養為陽而中不為陰水火木金土者元相傳之法也然貯為金而羨不為土其自相疾類如此豈得無說哉

范氏注太玄經解十卷

右吳范望叔明注其序云子雲言一、以擬五經一、 此序在子雲言後

本注

注序

作序

經義序

通

致序作注也

此序在子雲言後

身表陸績

陸績序以子雲為聖人云一、 本錄宋所長訓理其義為十

說玄一卷

右唐王涯廣津撰涯始以正元丙子終於元和己丑二十六年間注太玄為六卷今不之見獨此書行於世凡五篇明宗一立例二揲法三占法四辨首五

宋惟幹太玄解十卷

右宋朝宋惟幹注惟幹嘗得太玄古本於昭應咸平中知滑臺取宋衷陸績范望三家訓解別為之注仍作太玄宗旨兩篇附於後其學蓋師濟東田告司馬溫公所謂小宋者也

徐庸注太玄經解十卷

右宋^皇朝徐庸注庸慶曆間人也以范望解指義不的因王涯林氏諸解重為之注取王涯說玄附於後及自為玄願通名之為太玄性撻其自序云尔又多改其文字如以屹為屹以妃為媿以壯凡為札乃以孛為霹以稚為推之類其所謂林氏者瑀也賈文元嘗闢瑀之姦妄於朝

章氏太玄經注十四卷疏三十卷

右宋^皇朝章登撰嘉祐中成都帥蔣堂獻其書於朝詔書寵獎賜號冲退處士實錄稱登字隱之雙流人通經術善屬文性恬澹屏居林泉以養生治氣為事

陳漸演玄十卷

右宋^皇朝陳漸撰漸堯佐族子也國史有傳凡十四篇漸謂史以楊雄非聖人而作經猶吳楚僭王按子雲法言解嘲止云太玄然則經非其自稱弟子侯芭之徒尊之耳

太玄淵旨一卷

右宋^皇朝張揆撰

太玄經疏十八卷

右宋^皇朝郭元亨撰元亨謂雄之作玄傳之侯芭後獨有張所亘覃張華見而稱嘆吳即鄒伯歧求本不能得宋衷為

○ 僅三十年之僅字亦不能作少解

淳化末迄於祥符八年僅三十一卷在方公且

色於君卑未知何所據而言然

溫公集注太玄經十卷

右宋^皇朝司馬光君實集漢宋^皇解詁吳陸績釋文晉范望解贊唐王涯註經及首測宋惟幹通注陳漸演玄具祕音義七家為此書自慶曆至元豐凡三十年始成其直云宋者衷也小宋者惟幹也惟幹漸祕皆國朝人

易玄星紀圖一卷

右從父詹事公撰以溫公玄歷及邵康節太玄準易圖合而譜之以見楊雄以首準卦非出私意盖有星候為之機括且辯正古今諸儒之失如羨不當準臨夷不當準大壯

之類凡此難與諸家口舌爭觀譜則彼自屈矣此譜之所
以作也

李氏注法言十三卷

右漢楊雄撰晉祠部郎中李軌注雄好古學見諸子各以

常用法言應、注本無法字 按表率通故作用法言考雄本傳年言字服鈔系同

此字解在因改表本改

發其大意然雄之學自得者少其言務擬聖人斬然若影之守形既解所發明又往、遠其本指正古人所謂畫者僅毛而失貌者也

溫公集注法言十三卷

右宋^皇朝司馬光君實集晉李軌唐柳宗元國朝宋咸吳祕
注光自言少好此書歷年已多今輒采諸家所長附以己
汪表物作本及不作文

吳亦據李本而其文多異同今參以漢書取其通者以為
定本先審其音乃解其義云

新序十卷

典校書表本通攷同崇文總目亦云典校祕書作與此併

新序陽朔元年上世傳本多亡闕宋朝曾鞏子固在館中

日校正其訛舛而綴緝其放逸久之新序始復全自秦之
後綴文之士有補於世者稱向與揚雄為最雄之言莫不
步趨孔孟向之言不皆槩諸聖故議者多謂雄優於向考
其行事則反是何哉今觀其書蓋向雖雜博而自得者多
雄雖精深而自得者少故也然則向之書可遵而行殆過
於雄矣學者其可易之哉

說苑二十卷

右劉向撰以君道臣術建本立節貴德復思政理尊賢正
諫法誠善說奉使叔謀至公指式談叢雜言辨物修文為
臣^目鴻嘉四年上之闕第二十卷曾子固校書自謂得十五

篇於士大夫家與崇文舊書五篇合為二十篇又叙之然止是折十九卷作修文上下篇耳

鹽鐵論十卷

右漢桓寬撰按班固曰所謂鹽鐵議者起始元中徵文學賢良問以治亂皆對願罷郡國鹽鐵酒榷均輸務抑末毋與天下爭利然後教化可興御史大夫桑弘羊以為此迺所以安邊境制四夷國家大業不可廢也當時相詰難頗有異議至宣帝時汝南相寬次公治公羊春秋舉為郎至廬江太守丞博通善屬文推衍鹽鐵之議增廣條目極有論難著數萬言亦欲以究治亂成一家之法焉凡十六篇

潛夫論十卷

右後漢王符節信撰在和安之世耿介不同於俗遂不得進隱居著書三十六篇以譏當時失得不欲彰顯其名故號曰潛夫范曄取其貴忠淳後真實爰日述赦等五篇以為足以觀見當時風政頗潤益其文後韓愈亦贊其述赦旨意甚明云

中論二卷

右後漢徐幹偉長撰幹鄴下七子之一也曾子固嘗序其書略曰始見館閣有中論二十篇以謂盡於此及觀貞觀政要太宗稱嘗見幹中論復三年喪篇而今書闕此篇因

考之魏志見文帝稱幹著中論二十餘篇於是知館閣本非全書也幹篤行體道不耽世榮魏太祖特旌命之辭疾不就後以為上艾長又以疾不行蓋漢承秦滅學之後百氏雜家與聖人之道並傳學者罕能自得於治心養性之方去就語默之際况於魏之濁世哉幹獨能考論六藝其所得於內又能信而充之逡巡濁世有去就顯晦之大節可不謂賢乎今此本亦止二十篇中分為上下兩卷按崇文摠目六卷不知何人合之李獻民云別本有復三年制後二篇乃知子固時尚未亡特不見之爾

家訓七卷

右北齊顏之推撰之推本梁人所著凡二十篇述立身治家之法辨正時俗之謬以訓諸子孫

續家訓八卷

右宋^皇朝董正功撰續顏氏之書

家範十卷

右宋^皇朝司馬光君實纂取經史所載賢聖修身齊家之法分十九門編類以訓子孫

阮逸注中說十卷

右隋王通之門人共集其師之語為是書通行事於史无考獨隋唐通錄稱其有穢行為史臣所削今觀中說其迹

往：借聖人模擬竄竊有深可恠笑者獨貞觀時諸將相若房杜李魏二溫王陳皆其門人予嘗以此為疑及見李德林閑朗薛道衡事然後知其皆妄也通生於開皇四年而德林卒以十一年通適八歲固未有門人通仁壽四年嘗一到長安時德林卒已九載矣其書乃有子在長安德林請見歸援琴鼓蕩之什門人皆霑襟閑朗在太和中見魏孝文自太和丁巳至通生之年甲辰蓋一百七年矣而其書有問禮於閑子明隋書薛道衡傳稱道衡仁壽中出為襄州摠管至煬帝即位召還本紀仁壽二年九月襄州摠管周暹卒道衡之出當在此年也通仁壽四年始到長安是年高祖崩蓋仁壽末也又隋書稱道衡子收初生即出繼族父孺養於孺宅至於長成不識本生其書有內史薛公見子於長安語子收曰汝往事之用此三事推焉則以房杜輩為門人抑又可知矣

元經十卷

右隋王通撰唐薛收傳宋朝阮逸學起晉惠帝太熙元年終於陳亡余從兄子逸仕安康嘗得其本歸而示四父四父讀至帝問蛙鳴哂其陋曰亦籍奴婢之言不為過按崇文无其目疑逸依託為之

帝範一卷

右唐太宗撰九十二篇今存者六篇貞觀末著此書以賜高宗且曰修身治國備在其中一旦不諱更無所言矣其末頗以汰侈自咎以戒高宗俾勿效已殊不知閨門之內慙德甚多豈特汰侈而已哉武后之立實有自來不能身教多言奚益悲夫

臣範二卷

右唐則天皇后武氏撰範或作軌武氏稱制時嘗詔天下學者習之尋廢本十篇今闕其下五篇

太和辨謗略三卷

右唐李德裕撰先是唐次撰辨謗略至太和中文宗詔德

裕裴潏等續益唐事刪為三篇上之

法語二十卷

右南唐劉鶚撰鶚甲戌歲擢南唐進士第實開寶七年也著書凡八十一篇言治國立身之道徐鉉為之叙

聳隅子歛歛瑣微論十卷

右宋^皇朝黃晞撰聳隅子晞自號也其叙略曰聳隅拊物之名歛歛者兼歎之聲瑣微者述之謂故以名其書

弟子記一卷

右宋^皇朝劉敞原甫撰記其門人答問之言楊慥王安石之徒書名王深甫歐永叔之徒書字

潛虛一卷

右宋^望朝司馬光君實撰光擬太玄撰此書以五行為本五
五相乘為二十五西之得五十首有氣體性名行變解七
圖然其辭有闕者蓋未成也其手寫藁草一通今在子健
姪房

周子通書一卷

右宋^望朝周敦實茂叔撰茂叔師事鶴林寺僧壽涯以其學
傳二程遂大顯於世此其所著書也

正蒙書十卷

右宋^望朝張載子厚撰張舜民嘗乞追贈載於朝云橫渠先

生張載著書萬餘言名曰正蒙陰陽變化之端仁義道德
之理死生性命之分治亂國家之經罔不究通方之前人
其孟軻揚雄之流乎此書是也初无篇次其後門人蘇昞
區別成十七篇云

帝學十卷

右宋^望朝范祖禹淳夫纂自古賢君迨於祖宗務學事迹為

一編

通考汪本均作篇

此後素本改

八年詰旦當講前一夕

正蒙

子吾

若不出諸口及當講開列古誼
音琅然聞者興起東坡嘗曰淳夫講書言簡義明粲然成

文章為今講官第一

漁樵對問一卷

右宋^皇朝張載撰設為答問以論陰陽化育之端性命道德之奧云邵氏言其祖^皇之書也當考

程氏雜說十卷

右宋^皇朝程頤正叔門人雜記其師之言

信聞紀一卷

右宋^皇朝張載撰雜記經傳之義及辨釋老之失

理窟二卷

右題曰金華先生未詳何人蓋為二程張氏之學者

儒言一卷

右從父詹事公撰其書蓋辨正王安石之學違僻者

昭德先生郡齋讀書志卷之十終



昭德先生郡齋讀書志卷之十一



門人姚應績編

道家類

鶩子一卷

右楚鸞熊撰按漢志云為周師目文王以下問焉周封為
楚祖凡二十二篇今存者十四篇唐逢行延注永徽中上
於朝叙稱見文王時行年九十而書載周公封康叔事蓋
著書時百餘歲矣

老子道德經二卷

右李耳撰以周平王四十二年授閔尹喜凡五千七百四

十有八言八十一章言道德之旨予嘗學焉通其大旨而
悲之蓋不幸居亂世憂懼者所為之書乎不然何其求全
之甚也古之君子應世也或知或愚或勇或怯唯其當之
為貴初不滯於一曲也至於成敗死生則以為有命非人
力所能及不用智於其間以求全特隨其所遇而處之以
道耳是以臨禍福得喪而未嘗有憂懼之心焉今耳之書
則不然畏明之易闇故守以昏畏寵之必失故不辭辱畏
剛之折則致柔畏直之挫則致曲畏厚亡也則不敢多藏
畏盈溢也則不如其已既貴矣畏其咎故退功成矣畏其
去故不居九所以知雄守雌知白守黑以懦弱謙下為道

者其意善言不如是不免於咎矣用此觀之豈非所謂求
全也哉嗟夫人唯有意於求全故中懷憂懼先事以謀而
有所不敢為有所不敢為則其蔽大矣此老子之學所以
雖深約博大不免卒列於百家而不為天下達道欵因以
諸家本參校其不同者近二百字互有得失乙者五字注
者五十五字塗者三十八字其間 徽宗御注最異諸本
云天下柔弱莫過於水而攻堅強者莫之能勝以其无能
易之而御注作天下莫柔弱於水而攻堅弱者莫之能先
以其無以易之也諸本云惜悒為上勝而不美而美之者
是樂殺人者不可得志於天下矣吉事尚左凶事尚右偏

將軍處左上將軍處右言以喪禮處之御注作恬悞為上故不美也若美必樂之樂之者是樂殺人也夫樂殺人者不可得志於天下矣故吉事尚左凶事尚右偏將軍處左上將軍處右言居上則以喪禮處之其不同至如此

河上公注老子二卷

右河上公注太史公稱河上丈人通老子再傳而至蓋公蓋公即齊相恭師也而晉葛洪曰河上公者莫知其姓名漢孝文時居河之濱侍郎裴楷言其通老子孝文詰問之即授素書道經章句西說不同當從太史公也其書頗言吐故納新按摩導引之術近神仙家劉子玄稱其非真殆

以此數傳奕謂常善救人故無棄人常善救物故無棄物四句古本有無獨得於公耳

明皇老子注二卷疏六卷

右唐玄宗撰玄宗既為註二卷又為疏六卷天寶中加疏玄邁道德經世不稱焉又頗增其詞如而貴食母作兒貴求食於母之類貴食母者嬰兒未孩之義諸侯之子以大夫妻為食母增之贅矣

三十家注老子八卷

右唐蜀郡岷山道士張君相集河上公嚴遵王弼何晏郭象鍾會孫登羊祐羅什盧裕劉仁會顧歡陶隱居松靈仙

人裴處息杜弼鄒解張憑張嗣臧玄靜大孟小孟竇略宋
文明褚稔劉進喜蔡子晃成玄英車惠弼等注君相稱三
十家而列其名止二十有九蓋君相自以為一家言并數
之爾君相不知何時人而謂成玄英為宋朝道士則唐天
寶後人也以絕學無憂一句附絕聖棄知章末以唯之與
阿別為一章與諸本不同

老子指歸十三卷

右漢嚴遵君平撰谷神子注其章句頗與諸本不同如以
曲則全章末十七字為後章首之類按唐志有嚴遵指歸
四十卷馮廓注指歸十三卷此本卷數與廓注題谷神子

而不顯姓名疑即廓也

老子略論一卷

右魏王弼撰凡十有八章景迂云弼有得於老子而無得
於易注易資於老子而老子論無資於易則其淺深之効
可見矣

御注老子二卷

右徽宗御撰或云鄭居中親草未詳

溫公道德論注要二卷

右宋^皇朝司馬光撰光意謂道德連體不可偏舉故廢道經
德經之名而曰道德論墓誌載其目無名天地之始有名

萬物之母常無欲以觀其妙常有欲以觀其微皆於無與
有下斷句不與先儒同

王安石介甫注老子二卷王雱注二卷呂惠卿注二
卷陸佃注二卷劉仲平注二卷

右宋^皇朝王安石介甫注介甫平生寂喜老子故解釋寂所
致意首章皆斷有無作一讀與溫公同後其子雱及其徒
呂惠卿陸佃劉仲平皆有老子注

呂氏老子註二卷

右宋^皇朝呂大臨撰其意以老氏之學合有無謂之玄以為
道之所由出蓋至於命矣其言道體非獨智之見孰能臻

此求之終篇繆於聖人者蓋寡但不當以聖知仁義為可
絕棄爾

蘇子由注老子二卷

右宋^皇朝蘇轍子由注子由謫官均州頗與學浮屠者游而
有所得焉於是解老子嘗曰中庸云喜怒哀樂未發謂之
中發而皆中節謂之和致中和天地位焉萬物育焉此蓋
佛法也六祖謂不思善不思惡則喜怒哀樂之未發也蓋
中者佛法之異名而和者六度萬行之總目致中極和而
天地萬物生於其間非佛法何以當之天下無二道而所
以治人則異古之聖人中心^{忠信}行道而不毀世法以此耳故

解老子亦時有與佛法合者其自序云耳其解是謂襲明以為釋氏傳燈之類

劉巨濟注老子二卷

右宋^{劉涇}劉涇巨濟注涇蜀人篤志於學文詞奇偉早登蘇子瞻之門晚受知於蔡京除太學博士

李暹注文子十二卷

右李暹注其傳曰姓辛葵丘濮上人號曰計然范蠡師事之本受業於老子錄其遺言為十二篇云按劉向錄文子九篇而已唐志錄暹注與今篇次同豈暹析之歟顏籀以其與孔子並時而稱周平王問疑依託者然三代之書經

秦火幸而存者其錯亂參差類如此爾雅周公作也而有張仲孝友列子鄭穆公時人而有子陽餽粟是也李暹師事僧般若流支蓋元魏人也

墨希子注文子十二卷

右墨希子者唐徐靈府自號也靈府謂文子周平王時人朱玄注文子十二卷

右唐朱玄注闕符言一篇或取墨希注補焉

張湛注列子八卷

右鄭列禦寇撰劉向校定八篇云繆公時人學本於黃帝老子清虛無為務崇不競其寓言與周類晉張湛注唐號

冲靈^虛真經景德中加至德之號力命篇言壽夭不存於葆
養窮達不繫乎智力皆天之命楊朱篇言耳目之欲而不
卹生之危縱酒色之娛而不顧名之醜是之謂制命於內
劉向以二義垂背不似一家之言予以道家之學本謂世
衰道喪物偽滋起或騁智力以圖利不知張毅之走高門
竟以病殞或背天真以徇俗不知伯夷之在首陽因以餓
終是以兩皆排擯欲使好利者不巧詐以干名好名者不
矯妄以失性爾非不同也雖然儒者之道則異乎是雖知
壽夭窮達非人力也必脩身以俟焉以為立岩墻之下而
死者非正命也如耳目之於聲色有性焉以為其樂也外

而不易吾內嗚呼以此自為則為愛己以此教人則為愛
人儒者之道所以萬世而無弊歟

列子釋文一卷

右唐殷敬順撰敬順嘗為當塗丞

郭象注莊子十卷

右莊周撰晉郭象注周為蒙漆園吏按漢書志本五十一
篇晉向秀郭象合為三十三篇內篇八外篇十五雜篇十
一唐世號南華真經自孔子獲天下之道術曰散老聃始
著書垂世而虛無自然之論起周又從而羽翼之摭擊百
世之聖人殫殘天下之聖法而不忘其言可謂反道矣自

荀卿揚雄以來諸儒莫不闢之而放者猶自謂游方之外
尊其學以自肆於是乎禮教大壞戎狄亂華而天下橫流
兩晉之禍是已自熙寧元豐之後學者用意過中見其書
末篇論天下之道術雖老聃與其身皆列之為一家而不
及孔子莫不以為陽訛孔子而陰尊焉遂引而內之殊不
察其言之指歸宗老氏邪宗孔氏邪既曰宗老氏矣詎有
陰助孔子之理也邪至其論道術而有是言蓋不得已耳
夫盜之暴也又何嘗不知主人之為主人邪顧可以其智
及此遂以為尊我開闢揖而進之乎竊惧夫禍之過乎西
晉也

成玄英莊子三十三卷

右唐成玄英撰本郭象注為之疏義玄英字子實陝州人
隱居東海貞觀五年召至京師加號西華法師永徽中流
郁州書成道士王元慶邀文學賈島就授大義序云周字
子休師長桑公子內篇理深故別立篇目外篇雜篇其題
取篇首二字而已

文如海莊子疏十卷

右唐文如海撰如海明皇時道士也以郭象注放乎自然
而絕學習失莊生之旨因再為之解凡九萬餘言

呂吉甫注莊子十卷

右宋^皇朝呂惠卿撰吉甫惠卿字也

王元澤注莊子十卷

右宋^皇朝王雱撰元澤其字也

東坡廣成子解一卷

右宋^皇朝蘇軾撰軾取莊子中黃帝問道於廣成子一章為之解景迂嘗難之其序略曰某晚玷先生薦賢中安敢與先生異論然先生許我不苟同翰墨具在

鶡冠子八卷

右班固載鶡冠子楚人居深山以鶡羽為冠著書一篇因以名之至唐韓愈稱愛其博選學問篇而柳宗元以其多

取賈誼鶡賦非斥之按四庫書目鶡冠子三十六篇與愈合已非漢志之舊今書乃八卷前三卷十三篇與今所傳墨子書同中三卷十九篇愈所稱兩卷皆在宗元非之者篇名世矣亦在後兩卷有十九論多稱引漢以後事皆後人雜亂附益之今削去前後五卷止存十九篇庶得其真其詞雜黃老刑名意皆鄙淺宗元之評蓋不誣

元倉子二卷

右唐柳宗元曰太史公為莊周列傳稱其為書畏累元桑子皆空言無事實今世有元桑子書其首篇出莊子而益以庸言蓋周所云者尚不能有事實又况取其語而益之

者其為空言先也劉向班固錄書無亢倉子而今之為術者乃始為之傳注以教於世不亦惑乎按唐天寶元年詔號亢桑子為洞雷王真經然求之不獲襄陽處士王士元謂莊子作庚桑子太史公列子作亢倉子其實一也取諸子文義類者補其亡今此書乃士元補亡者宗元不知其故而遽詆之可見其銳於譏議也其書多作古文奇字豈內不足者必假外飾歟何璨注

素書一卷

右題黃石公著凡一千三百六十六言其書言治國治家治身之道而龐雜無統蓋采諸書以成之者也

無盡居士注素書一卷

右宋^皇朝張商英注商英稱素書凡六篇按漢書黃石公圮上授子房世人多以三略為是蓋誤也晉亂有盜發子房塚玉枕中獲此書商英之言世未有信之者

七賢注陰符經一卷李筌注陰符經一卷

右唐少室山布衣李筌^序注云陰符經者黃帝之書或曰受之廣成子或曰受之玄女或曰黃帝與風后玉女論陰陽六甲退而自著其事陰者暗也符者合也天機暗合於事機故曰陰符宋^皇朝黃庭堅魯直嘗跋其後云陰符出於李筌熟讀其文知非黃帝書也蓋欲其文奇古反詭譎不經

蓋採雜兵家語又妄說太公范蠡鬼谷張良諸葛亮訓注
尤可笑惜不經柳子厚一掇擊也

天機子一卷

右不著撰人凡二十五篇或曰一名陰符二十四機諸葛
亮誤予觀其詞旨殆李筌所為爾託之孔明也載道藏中
無能子三卷

右不著撰人唐光啓三年天子在褒寓三輔景氏舍成書
三十篇述老莊自然之旨摠目錄之於道家

四子治國樞要四卷

右唐范乾九集四子謂莊子文子列子亢倉子其意以謂

黃老之道內足以脩身外足以治國周王得文子之言趙
王納莊周之論皆能興邦致治故採其書有益治道者分
為二十門

法家類

管子二十四卷

右劉向所定凡九十六篇今亡十篇世稱齊管仲撰杜佑
指略序云唐房玄齡注其書載管仲將沒對桓公之語疑
後人續之而注頗淺陋恐非玄齡或云尹知章也管仲九
合諸侯以尊王室而三歸反玷僭擬邦君是以孔子許其
仁而陋其不知禮義者以故謂仲但知治人而不知治己

予讀仲書見其謹政令通商賈均力役盡地利既為富強
又頗以禮義廉耻化其國俗如心術白心之篇亦嘗側聞
正心誠意之道其能一匡天下致君為五伯之盛宜矣其
以汰侈聞者蓋非不知之罪在於志意易滿不能躬行而
已孔子云爾者大抵古人多以不行禮為不知禮陳司敗
譏昭公之言亦如此然則其為書固無不善也後之欲治
者庶幾之猶可以制四夷而安中國學者何可忽哉因為
是正其文字而辨其音訓云

韓非子二十卷

右韓非撰非韓之諸公子也喜刑名法術之學作孤憤五
蠹說林說難十餘萬言秦王見其書歎曰得此人與之游
死不恨矣急攻韓得非後用李斯之毀下吏使自殺書凡
五十五篇其極刻覈無誠悃謂夫婦父子舉不足相信而
有解老喻老篇故太史公以為大要皆原於道德之意夫
老子之言高矣世皆恠其流裔何至於是殊不知老子之
書有將欲歛之必故張之將欲弱之必故強之將欲廢之
必故興之將欲奪之必故與之及欲上人者必以其言下
之欲先人者必以其身後之言乃詐也此所以一傳而
為非歟

商子五卷

右秦公孫鞅撰鞅衛之庶孽好刑名之學秦孝公委以政
遂致富強後以反誅鞅封於商故以名其書本二十九篇
今亡者三篇太史公既論鞅刻薄少恩又讀鞅開塞書謂
與其行事相類卒受惡名有以也索隱曰開謂刑嚴峻則
政化開塞謂布恩惠則政化塞今考其書司馬貞蓋未嘗
見之妄為之說耳開塞乃其第七篇謂道塞久矣今欲開
之必刑九而賞一刑用於將過則大邪不生賞施於告姦
則細過不失大邪不生細過不失則國治矣由此觀之鞅
之術無他特特告訐而止耳故其法不告姦者與降敵同
罰告姦者與殺敵同賞此秦俗所以日壞至於父子相夷
而鞅不能自脫也太史公之言信不誣也

名家類

尹文子二卷

右周尹文撰仲長氏所定序稱文當齊宣王時居稷下學
於公孫龍龍稱之而前漢藝文志叙此書在龍書上顏師
古謂嘗說齊宣王在龍之前史記云公孫龍客於平原君
君相趙惠文王文王元年齊宣歿已四十餘歲矣則知文
非學於龍者也今觀其書雖專言刑名然亦宗六藝數稱
仲尼其叛道者蓋鮮豈若龍之不宗賢聖好恠妄言哉李
猷臣云仲長氏統也熙伯繆襲字也傳稱統卒於猷帝遜

位之年而此云黃初未不到京師豈史之誤乎此本富順李氏家藏者謬誤殆不可讀因為是正其甚者徒則闕焉

鄧析子二卷

右鄧析二篇文字訛缺或以繩為澠以巧為功頗為是正其謬且撮其旨意而論之曰先王之世道德脩明以仁為本以義為輔誥命謨訓則著之書諷頌歲規則寓之詩禮樂以彰善春秋以懲惡其始雖若不同而其歸則合猶天地之位殊而育物之化均寒暑之氣異而成歲之功一豈非出於道德而然邪自文武既沒王者不作道德晦昧於天下而仁義幾於熄百家之說蠡起各求自附於聖人而

不見夫道之大全以其私知臆說謹世而惑衆故九流皆出於晚周其書各有所長而不能無所失其長蓋或有見於聖人而所失蓋各奮其私智故明者審取舍之而已然則析之書豈可盡廢哉左傳曰駟歆殺析而用其竹刑班固錄析書於名家之首則析之學蓋兼名法家也今其大旨訐而刻真其言也無可疑者而其間時勦取他書頗駁雜不倫豈後人附益之與

人物志三卷

右魏邯鄲劉劭孔才撰偽涼燉煌劉昞注以人之材器志尚不同當以九徵八觀審察而任使之凡十二篇劭郝慮

所薦慮諸殺孔融者不知在劭書為何等而劭受其知也
墨家類

墨子十五卷

右宋墨翟撰戰國時為宋大夫著書七十一篇以貴儉兼
愛尊賢右鬼非命上同為說荀孟皆非之韓愈獨謂辨生
於末學非二師之道本然也

晏子春秋十二卷

右齊晏嬰也嬰相景公此書著其行事及諫諍之言昔司
馬遷讀而高之而莫知其所為書或曰晏子為之而人為
或曰晏子之後為之唐柳宗元謂遷之言不然以為墨子

之徒有齊人者為之墨好儉晏子以儉名於世故墨子之
徒尊著其事以增高為己術者且其旨多尚同兼愛非樂
節用非厚葬久喪非儒明鬼皆出墨子又徃三言墨子聞
其道而稱之此甚顯白自向歆彪固皆錄之儒家非是後
宜列之墨家今從宗元之說

縱橫家類

鬼谷子三卷

右鬼谷先生撰按史記戰國時隱居潁川陽城之鬼谷因
以自號長於養性治身蘇秦張儀師之叙謂此書即授二
子者言捭闔之術凡十三章本經持樞中經三篇梁陶弘

景注隋志以為蘇秦書唐志以為尹知章注未知孰是陸龜蒙詩謂鬼谷先生名訓不詳所從出柳子厚嘗曰劉向班固錄書無鬼谷子鬼谷子後出而嶮蓋峭薄恐其妄言亂世難信尤者晚乃益出七術恠謬異甚言益隱使人猖狂失守來鵠亦曰鬼谷子昔教人詭紿激訐揣測儉滑之術悉備於章旨六國時得之者惟儀秦而已如裨闔飛箱實今之常態是知漸漓之後不讀鬼谷子書者其行事皆得自然符契也昔倉頡作文字鬼為之哭不知鬼谷作是書鬼何為邪世人欲知鬼谷子者觀二子之言略盡矣故掇其大要著之篇

戰國策十三卷

右漢劉向校定三十三篇東西周各一秦五齊六楚趙魏各四韓燕各三宋衛各一舊有五號向以為皆戰國時游士策謀改定今名其事則上繼春秋下訖楚漢之起凡二百四五十年之間崇文摠目多闕至宋朝曾鞏校書訪之士大夫家其書始復完漢高誘注今止十篇餘逸歷代以其記諸國事載於史類予謂其紀事不皆實錄難盡信蓋出於學縱橫者所著當附於此

昭德先生郡齋讀書志卷之十一終

昭德先生郡齋讀書志卷之十二

門人姚應績編

雜家類

失去第一葉

子華子十卷

右其傳曰子華子程氏名本晉人也劉向校定其書按莊子稱子華子見韓昭侯陸德明以為魏人既不合又藝文志不錄子華子書觀其文辭近世依託為之者也其書有子華子為趙簡子不悅又有秦襄公方啓西戎子華子觀政於秦夫秦襄之卒在春秋前而趙簡子與孔子同時相去幾二百年其牴牾類如此且多用字說謬誤淺陋殆元

豐以後舉子所為耳

孔叢子十卷

右楚孔鮒撰鮒字子魚孔子八世孫也仕陳勝為博士以言不見用託目疾而退論集其先仲尼子思子上子高子順之言及已之行事名之曰孔叢子凡二十一篇叢之為言聚也邯鄲書目云一名叢丘又云佳

孔臧十篇

子孫改

甲盤孟書二十六篇其注謂孔甲黃帝史或曰夏帝疑皆非今此書一名盤孟獨治篇又云鮒或稱孔甲連叢又出

孔臧意者孔叢子即漢志孔甲盤孟書而止六篇連叢即漢志孔臧書而其子孫或續之也崇文摠目亦錄於雜家今從之

風俗通義十卷

右漢應劭撰劭字仲遠奉之子篤學博覽多聞靈帝時舉孝廉仕至泰山太守撰風俗通以辨物名號釋時俗嫌疑文雖不典世服其洽聞

論衡三十卷

右後漢王充仲任撰充好論說始如詭異終有實理以俗儒守文多失其真乃閉門潛思戶牖牆壁各置刀筆著論

衡八十五篇釋物類同異正時俗嫌疑後蔡邕得之祕玩
以為談助云世謂漢文章溫厚尔雅及其東也已衰觀此
書與潛夫論風俗通義之類比西京諸書驟不及遠甚乃
知世人之言不誣

抱朴子外篇十卷

右晉葛洪稚川撰自號抱朴子博聞深洽江左絕倫著書
甚富言黃白之事者名曰內篇其餘外篇晉書內外通有
一百一十六篇今世所傳者四十篇而已外篇頗言君臣
理國用刑之道故附於雜家云

金樓子十卷

右梁元帝繹撰書十篇論歷代興王之迹箴戒立言志恠
雜說自叙著書聚書通曰金樓子者在藩時自號

劉子三卷

右齊劉晝孔昭撰唐袁政注凡五十五篇言修心治身之
道而辭頗俗薄或以為劉勰或以為劉孝標未知孰是

長短經十卷

右唐趙蕤撰北夢瑣言云蕤梓州益亭人博學韜鈴長於
經世夫婦俱有隱操不應辟召論王霸機軸正變之術第
十卷載陰謀家本闕今存者六十四篇

意林三卷

右唐馬總會元撰初梁穎川庾仲容取諸家書術數雜說凡一百七家抄其要語為三十卷摭以其繁略失中增損成三軸前有戴叔倫楊伯存兩序

矢轂子雜錄注解五卷

右唐王歡撰二儀實錄古今注載事物之始樂府題解載樂府所由起歡輯纂數家之言正誤補遺削冗劉允併歸一篇

致理書十卷

右唐朱朴撰乾寧中為國子毛詩博士論述時務五十篇上之詞如近時策斷之類迂緩不切與馬周所建明不啻霄壤矣昭宗善其言用太宗擢周故事拔為相徒以益亂

可歎也

事始三卷

右唐劉孝孫等撰太宗命諸王府官以事名類推原初始凡二十六門以教始學諸生王易大傳自始作八卦至網罟耒耜臼杵之微皆記其本起檀弓所述亦皆物之初也然則事始之書當繫之儒今以其所取不一故附於雜家

續事始五卷

右偽蜀馮鑑廣孝孫所著

事原錄三十卷

右皇朝朱繪撰其書事始之類也

宋齊立化書六卷

齊邱之志 覆楊通政志作意

此智徑袁本改

朱子言之有上言下言其為在書則皆淺摛小教亦微
有以見於黃老之所謂道德其能成功有以也文章頗高
簡有可喜者其言曰君子有奇智天下不親雖聖人出斯
言不廢

格言五卷

右偽唐韓熙載叔言撰熙載以經濟自任乃著書二十六
篇論古今王霸之道以干李煜首言陽九百六之數及五
運迭興事其駁雜如此有門生舒雅序

兩同書兩卷

右唐羅隱撰隱為老子養生孔子訓世因本之著內外篇

異名之言也汪本作意也按意字羅鈔本表今通政作言

物類相感志十卷

右皇朝僧贊寧撰采經籍傳記物類相感者志之分天地
人物四門贊寧吳人以博物稱於世柳如京徐騎省與之
游或就質疑事楊文公歐陽文忠公亦皆知其名

王氏雜說十卷

右宋朝^皇王安石介甫撰蔡京為安石傳其略曰自先王澤
竭國異家殊由漢迄唐源流浸深宋興文物盛矣然不知

道德性命之理安石奮乎百世之下追堯舜三代通乎晝夜陰陽所不能測而入於神初著雜說數萬言世謂其言與孟軻相上下於是天下之士始原道德之意窺性命之端云所謂雜說即此書也以京之夸至如此且不知所謂通乎晝夜陰陽所不能測而入於神者為何等語故著之

汲世論一卷

右未詳何人所著多稱元祐間事且喜論兵疑呂氏書也凡十門

馭臣鑒古二十卷

右宋^皇朝鄧綰撰綰元豐中為中丞猷之朝未幾坐操心頗

僻賦性姦回論事薦人不循分守貶

農家類

齊民要術十卷

右元魏賈思勰撰記民俗歲時治生種蒔之事凡九十二篇農家者本出於神農氏之學仲尼既稱禮義信足以化民焉用稼以誚樊涇而告魯參以用天之道分地之利為庶人之孝言非不同意者以躬稼非治國之術乃一身之任也然則士之倦游者詎可不知乎故今所取皆種藝之書也前世錄史部中有歲時子部中有農事兩類實不可分今合之農家又以錢譜寘其間今以其不類移附類書

四時纂要五卷

右唐韓諤撰諤徧閱農書取廣雅爾雅定土產取月令家
令叙時宜採泥勝種樹之書掇崔實試穀之法兼糶常氏
月錄齊民要術編成

保生月錄一卷

右唐常行規撰分十二月雜纂每月攝養種藝祈禳之術
也

歲華紀麗四卷

右唐韓諤撰分四時十二月節序以事實為偶麗之句附
著之

荆楚歲時記四卷

右梁宗慄撰其序云傳玄之朝會杜篤之上巳安仁秋興
之叙君道娛蜡之述其屬辭則已洽其比事則未弘率為
小說以錄荆楚歲時自元日至除夕凡二十餘事

輦下歲時記一卷

右唐李綽撰綽經黃巢之亂避地蠻隅偶記秦地盛事傳
諸晚學云

國朝時令十二卷

右皇朝賈昌朝撰景祐初復禮記舊文其唐月令別行三
年詔昌朝與丁度李淑采國朝律歷曲禮百度昏曉中星

祠祀配侑歲時施行約唐月令為時令一卷以備宣讀後
昌朝注為十二卷奏上頒行

茶經三卷

右唐太子文學陸羽鴻漸撰載產茶之地造作器具古今
故事分十門

顧渚山記二卷

右唐陸羽撰羽與皎然朱放輩論茶以顧渚為第一顧渚
山在湖州吳王夫差顧望欲以為都故以名山

煎茶水記一卷

右唐張又新撰其所嘗水凡二十種因第其味之優劣

茶譜一卷

右偽蜀毛文錫撰記茶故事其後附以唐人詩文

建安茶錄三卷

右宋朝丁謂撰建州研膏茶起於南唐太平興國中始進
御謂咸平中為閩漕監督州吏創造規模精至嚴謹錄其
園焙之數圖繪器具及叙採製入貢法式盧仝譏陽羨貢
茶有安知百萬億蒼生墜在顛崖受辛苦之句余於謂亦
云

北苑拾遺一卷

右皇朝劉昇撰北苑建安地名茶為天下最異慶曆初在

吳興採新聞附於丁謂茶錄之末其書言滌磨調品之器甚備以補謂之遺也

補茶經一卷又一卷

右皇朝周絳撰絳祥符初知建州以陸羽茶經不載建安故補之又一本有陳龜注丁謂以為茶佳不假水之助絳則載諸名水云

試茶錄二卷

右宋^皇朝蔡襄君謨撰襄皇祐中修注仁宗嘗面諭云昨卿所進龍茶甚精襄退而記其烹試之法成書二卷進御世傳歐公聞君謨進小團茶驚曰君謨士人何故如此

東溪試茶錄一卷

右宋^皇朝宋子安集拾丁蔡之遺東溪亦建安地名其序謂七閩至國朝草木之異則產贖茶荔子人物之秀則產狀頭宰相皆前代所未有以時而顯可謂美矣然其草木厚味難多食其人物多智難獨任亦地氣之異云

呂惠卿建安茶記一卷

右皇朝呂惠卿撰

聖宋茶論一卷

右徽宗御製

茶雜文一卷

右集古今詩人及茶者

竹譜一卷

右戴凱之撰凱之字慶預武昌人哀輯竹事四字一讀有韻類賦頌李邕邕云未詳何代人

筍譜三卷

右皇朝僧惠崇撰

平泉草木記一卷

右唐李德裕撰記其別墅奇花異草樹石名品仍以味歎其美者詩二十餘篇附於後平泉即別墅地名

荔支譜一卷荔支故事一卷

右宋^皇朝蔡襄撰記建安荔支味之品第九三十餘種古今故事

牡丹記一卷

右歐陽修^{皇朝}撰脩初調洛陽從事見其俗重牡丹因著花品九三篇

續酒譜十卷

右唐鄭遨雲叟撰纂輯古今酒事以續王績之書

忘懷錄三卷

右宋^皇朝元豐中夢^溪上夫人撰所集皆飲食器用之式種藝之方可以資山居之樂者或曰沈括也

昭德先生郡齋讀書志卷之十二終

昭德先生郡齋讀書志卷之十三

門人姚應績編

小說類

周盧注博物志十卷盧氏注六卷

右晉張華撰載歷代四方奇物異事兩本前六代畧同無周氏注者稍多而無後四卷周名日用西京賦曰小說九百起自虞初周人也其小說之來尚矣然不過志夢卜紀譎恠記談諧之類而已其後史臣務采異聞徃々取之故近時為小說者始多及人之善惡甚者肆喜怒之私變是非之實以誤後世至於譽桓温而毀陶侃褒盧杞而貶陸

贅者有之今以志恠者為上褒貶者為下云

世說新語十卷重編世說十卷

右宋劉義慶撰梁劉孝標注記東漢以後事分三十八門唐藝文志云劉義慶世說八卷劉孝標續十卷而崇文總目止載十卷當是孝標續義慶元本八卷通成十卷耳家本有二一極詳一殊畧二有稱改正未知誰氏所定然其目則同劉知幾頗言此書非實錄予亦云

殷芸小說十卷

右宋殷芸撰述秦漢以來雜事予家本題曰劉餗李淑以為非

述異記二卷

右梁任昉撰昉家藏書二萬卷天監中采輯前世之事纂新述異皆時所未聞將以資後來屬文之用亦博物之意唐志以為祖同所作誤也

卓異記一卷

右唐李翱撰或題云陳翱開成中在襄陽記唐室君臣功業殊異者二十七類

異聞集十卷

右唐陳翰編以傳記所載唐朝奇恠事類為一書

博異志一卷

右唐李復言撰續牛僧孺書也分仙術感應三門

周秦行紀一卷

右唐牛僧孺自叙所遇異事賈黃中以為常璿所撰璿李德裕門人以此誣僧孺

洽聞記三卷

右唐鄭當時撰記古今神異譎詭事凡百五十六條或題曰鄭遂

甘澤謠一卷

右唐袁郊撰載譎異事九章咸通中久雨卧疾所著故曰甘澤謠

河東記三卷

右唐薛漁思撰亦記譎恠事序云續牛僧孺之書

酉陽雜俎二十卷續酉陽雜俎十卷

右唐段成式撰自序云縫掖之徒及恠及戲無侵於儒詩書為太羹史為折俎子為醢醢大小二酉山多藏竒書故名篇曰酉陽雜俎分三十門為二十卷其後續十卷

傳竒三卷

右唐裴鉶撰唐志稱鉶高駢客故其書所記皆神仙恠譎事駢之惑呂用之未必非鉶輩導諛所致

稽神錄六卷

右南唐徐鉉撰記恠神之事序稱自乙未歲至乙卯凡二十年僅得百五十事楊大年云江東布衣蒯亮好大言夸誕鉉喜之館於門下稽神錄中事多亮所言

乘異記三卷

右宋^皇朝張君房撰其序謂乘者記載之名異者非常之事蓋志鬼神變恠之書凡十一門七十五事

括異記十卷

右宋^皇朝張師正撰師正擢甲科得太常博士後游宦四十年不得志於是推變恠之理參見聞之異得二百五十篇魏秦為之序

祖異志十卷

右宋^皇朝聶田撰田天禧中進士不中第至元祐初因記近時詭聞異見百餘事天禧至元祐七十餘年田且百歲矣

洛中紀異十卷

右宋^皇朝秦再思記五代及國初讖應雜事

洞微志十卷

右宋^皇朝錢希白述記唐以來詭譎事

太平廣記五百卷

右宋^皇朝太平興國初詔李昉等取古今小說編纂成書同太平御覽上之

鹿革事類三十卷鹿革文類三十卷

右節太平廣記事實成一編曰事類詩文成一編曰文類
蔡蕃晉如所撰晉如博學通音律能屬文與十父相善友

唐語林十卷

右未詳撰人效世說體分門記唐世名言新增嗜好等十
七門餘皆仍舊

史話三卷

右不題撰人自後漢及江左朝野雜事皆記之

因話錄六卷

右唐趙璘撰字澤章大中^{時為}衢州刺史記唐史逸事

書成載唐世故事 表本無成通改^時有

右唐康駟字駕言^得乾符中登進士第書成載唐世故事

樹萱錄一卷

右序謂纂尚書滎陽公所談

資暇三卷

右唐李匡義^又濟翁撰序稱世俗之談類多訛誤雖有見聞
嘿不敢證故著此書上篇正談中篇譚原下篇本物以資
休暇云

芝田錄一卷

右叙謂嘗憇^誤維氏故取潘岳西征賦名其書記隋唐雜事

未詳何人摭六百條

麟氏見聞記五卷

右唐掛演撰分門記儒道經籍人物地里雜事且辨俗說訛謬蓋著其所見聞如此

松憲錄一卷

右唐常歡撰說唐朝故事

朝野僉載補遺三卷

右唐張鷟文成撰分三十五門載唐朝雜事鷟自號浮休子蓋取莊子其生也浮其死也休之義

幽閑鼓吹一卷

逸事汪本作遺事

二十件事表同汪本作二十五篇

朝廷卓絕事一卷

五十事表今通攷同汪本作事五十

戎幕閒談一卷

右唐常絢撰大和中為李德裕從事記德裕所談

杜陽雜編三卷

右唐蘇鶚撰字德祥光啓中進士家武功杜陽川雜錄廣德以至咸通時事

雲谿友議三卷

右唐范攄撰記唐開元以後事攄五谿人故以名其書

譚賓錄十卷

右唐胡璩子溫撰皆唐朝史之所遺文武間人

金華子三卷

右唐劉崇遠撰金華子崇遠自號蓋慕黃初平為人也錄唐大中後事一本題曰劉氏雜編

軋腴子三卷

右唐溫庭筠撰序謂語恠以悅賓無異腴味之適口故以軋腴命篇

接言十五卷

右唐王定保撰分六十三門記唐朝進士應舉登科雜事

北里志一卷

右唐孫棨撰記大中進士游俠邪雜事孫光憲言棨之意在譏盧相携也蓋携之女與其甥通携知遂以妻之殺家人以滅口云

劉公嘉話錄一卷

右唐常絢撰劉公謂禹錫絢字文明執誼子也咸通中節度義武幼從學於禹錫錄其語言

尚書故實一卷

右唐李綽編崇文摠目謂尚書即張延賞也綽記延賞所談故又題曰尚書談錄按其書稱嘉貞為四世祖疑非延

賞也

家學要錄一卷

右唐柳理採其曾祖彥昭祖芳父冕家集所記累朝典章因革時政得失著此錄小說之七者

世父芳通攷曰 汪本作登

世父芳通攷曰 汪本作登

北夢瑣言二十卷

右荆南孫光憲撰光憲蜀人從楊玘元澄遊多聞唐世賢哲言行纂輯之且附以五代十國事取傳畋於江南之夢自以為高氏從事在荆江之北故命編云

皮氏見聞錄五卷

右五代皮光業撰唐末為餘杭從事記當時詭異見聞自唐乾符四年迄晉天福二年自號鹿門子

鑑誡錄十卷

右後蜀何光遠撰字輝夫東海人唐證中纂輯唐以來君臣事迹可為世鑒者前有劉曦度序李猷臣云不知何時人考之不詳也

賈氏談錄一卷

右偽唐張洎奉使來朝錄其家賈黃中所談三十餘事歸猷其主

揚文公談苑八卷

右宋^皇朝宋庠編初揚公億里人黃鑑稟撰平生異聞為一編庠取而刪類之分為二十一門

景文筆錄三卷

右宋^皇朝宋祁撰皆故事異聞嘉言奧語可為談助不知何人所編每章冠以公曰景文乃祁謚也

歸田錄六卷

右宋^皇朝李昉撰昉蜀人張永客也與范鎮友善熙寧中致仕歸與門人賓客燕談哀亡忘倦門人請編錄遂以該聞為目又有雜詩十二篇係於後

江鄰幾雜誌三卷

右宋^皇朝江休復撰休復歐陽永叔之執友其所記精博絕人遠甚鄰幾其字也

開侯錄

表今在^{開侯錄}本^{開侯錄}同^{開侯錄}五^{開侯錄}卷^{開侯錄}又

馮道行義

東齋記十卷

右宋^皇朝范鎮景仁元豐中撰序言既謝事日於東齋燕坐追憶在朝時交游言語與夫俚俗傳記因纂集成一編崇觀間以其及國朝故事禁之

春明退朝錄三卷

右宋^皇朝宋敏求次道撰多記國朝故典其序云熙寧三年予奉朝請於春明里因纂所聞也

南遷錄二卷

右宋^皇朝張舜民芸叟撰舜民元豐中從軍攻靈州師還謫授郴州監酒即日之官記塗中所歷并其詩文

孔氏雜說記一卷

右皇朝孔武仲撰論載籍中前言往行及國家故實賢哲文章亦時記其所見聞者

筆談二十六卷

右宋^皇朝沈括存中撰括好功名城永樂不克貶死而實高材博學多技能音律星曆尤邃自序云退處林下深居絕過從所與談者唯筆硯而已故以命其書凡十七目

龍川畧志六卷龍川別志四卷

右宋^皇朝蘇轍撰轍元符二年夏居循州杜門閉目追惟平昔使其子遠書之於紙凡四十事其秋復記四十七事龍川循州地名

古今前定錄二卷

右宋^皇朝尹國均輯經史子集古今之人興衰窮達貴賤貧富死生壽夭與夫一動靜一語默一飲一咏定於前而形

於夢兆於卜見於相貌應於讖記者凡一門以為不知命而躁競者之戒至若裴度以陰德而致貴孫亮以陰譴而減齡之類又別為二門使君子不以天廢人云

牧豎閑談三卷

右宋朝景漁纂十九事景漢蜀人也

郡閣雅言一卷

右宋朝潘若同撰太宗時守郡與僚佐話及南唐野逸賢哲異事佳言輒疏之於書凡五十六條以資雅言或題曰

郡閣雅談

秘閣雅談五卷

右宋朝吳淑撰記秘閣同僚燕談淑仕南唐後隨李煜降

幕府燕間錄十卷

右宋朝畢仲詢撰仲詢元豐初為嵐州推官纂當代奇恠可喜之事為二十門

澗水燕談十卷

右宋朝王闢紹聖間撰澗水其退居之地也闢從仕四方與賢士夫燕談有可取者輒記之久而得三百六十餘事

傅公嘉話一卷

右宋朝傅堯俞之子孫記堯俞之言行凡四十餘章猷簡堯俞謚也

曾公南遊記一卷

右曾公未詳何人當是公亮之孫也共十二章記國朝雜事

播紳脞說二十卷

右宋^皇朝張唐英君房撰君房博學通釋老善著書如名臣傳蜀檮杌雲笈七籤行於世者毋慮數百卷此書亦詳實

裨官志一卷

右宋^皇朝呂大辨雜記其所聞前言徃行

倦遊雜錄八卷

右宋^皇朝元豐初張師正撰序言倦遊云者仕不得志聊書

平生見聞將以信於世也自以非史官雖書善惡而不敢褒貶

東軒筆錄十五卷續錄一卷

右宋^皇朝魏泰撰泰襄陽人曾布之婦弟為人無行而有口頗為鄉里患苦元祐中紀其少時公御間所聞成此編其所是非多不可信心喜章惇數稱其長則大概已可見又多妄誕姑舉其一如謂王沂公登科甲劉子儀為翰林學士嘗戲之按沂公登科雖在子儀後四年其入翰林沂公返在子儀前七年沂公咸平五年登科子儀天禧二年始除學士蓋相去二十年其謬至此

師友談記一卷

右宋朝李薦^高方叔撰多記蘇子瞻范純仁及四學^士所談論故曰師友

青箱雜記

右宋朝吳處厚撰處厚發蔡確車蓋亭詩事者所記多失實成都置交子務起於寇瑊處厚乃以為張詠他多類此

緗素雜記十卷

右宋朝黃朝英撰所記二百事朝英建州人紹聖後舉子也為王安石之學者以贈之以芍藥為男淫女貽我握椒為女淫男前輩嘗以是為嗤朝英獨愛重之他可知矣

湘山墅錄四卷

右宋朝熙寧中僧文瑩撰記國朝故事

冷齋夜話六卷

右宋朝僧惠洪撰多記蘇黃事皆依托也江淹擬陶淵明詩其詞浮淺洪既悞以為真淵明語且云東坡嘗稱其至到鬼谷子書世所共見而云有崖蜜櫻桃也之言東坡橄攬詩已輸崖蜜十分甜蓋用之如此類甚多不可枚舉

茅亭客詩十卷

右宋朝黃休復撰茅亭其所居也暇日賓客話言及虛無變化謠俗卜筮雖異端而合道旨屬懲勸者皆錄之

玉壺清話十卷

右宋^皇朝僧文瑩元豐中撰自序云文瑩收國初至熙寧中文集數千卷其間神道墓誌行狀實錄奏議之類輯其事成一家言玉壺者其隱居之潭也

衣冠嘉話一卷

右未詳何人撰記國初至熙寧中雜事

遜齋閑覽十四卷

右宋^皇朝陳正敏崇觀間撰正敏自號遜翁錄其平昔所見聞分十門為小說一編以備後日披閱

褒善錄一卷

右宋^皇朝王蕃撰嘉祐中已縣簿黃靖國死而復蘇道其冥中所見廖生嘗傳之蕃刪取其要為此書

吉凶影響錄十卷

右宋^皇朝岑象求編象求熙寧末間居江陵彼聞載籍見善

著於篇

勸善錄六卷

右宋^皇朝周明寂元豐中纂道釋神奇禍福之効前人為傳記者成一編以誡世

勸善錄拾遺十五卷

汪本作難乎備載通攷同 無作于字

右不題撰人疑亦明寂所纂僅百事

雞跖集十卷

右未詳撰人所集書傳中瑣碎佳事分門編次之淮南子曰善學者如齊王食雞必食其跖名書之意殆以此二百家事類六十卷

右分門編古今裨官小說成一書雖曰該博但失於太畧耳不題撰人姓氏

紺珠集十三卷

右宋^皇朝朱勝非編百家小說成此書舊說張燕公有紺珠見之則能記事不忘故以為名

類說五十卷

右宋^皇朝曾慥編其序云閒居銀峯因集百家之說纂集成書可以資治體助名教供笑談廣聞見

漁樵問話二卷

右設漁樵問答及史傳雜事不知何人所為

麗情集二十卷

右宋^皇朝張君房唐英編古今情感事

雲齋廣錄十卷

右宋^皇朝政和中李猷民撰分九門記一時奇麗雜事鄙陋無所稽考之言為多

青瑣高議十八卷

右不題撰人載皇朝雜事及名士所撰記傳然其所書辭意頗鄙淺

悅神集二卷

右不題撰人記滑稽之說唐有邯鄲淳笑林此其類也

補姤記一卷

右古有姤記久已亡之不知何人輯傳記中婦人嚴姤事以補亡自商周至於唐初

後山詩話二卷

右宋朝陳師道無已撰論詩七十餘條

續詩話一卷

右宋朝司馬光君實撰序云詩話尚有遺者歐公文章聲名雖不可及然記事一也故敢續之

東坡詩話二卷

右宋朝蘇軾號東坡居士雜書有及詩者好事者因集之成二卷

歐公詩話汪本在歐公詩話下卷家字

右宋朝歐陽修永叔撰脩退居汝陰戲作此以資談笑

中山詩話三卷

右宋朝劉攽貢父撰多及歐梅蘇石攽以博學名世如言

蕭何未嘗掾工曹亦有誤謬

詩眼一卷

右宋^皇朝范溫元實撰溫范祖禹之子學詩於黃庭堅

歸叟詩話六卷

右宋^皇朝王直方立之撰直方自號歸叟元祐中蘇子瞻及其門下士以盛名居北門東觀直方世居浚儀有別墅在城南殊好事以故諸公亟會其家由是得聞緒言餘論因輯成此書然其間多以己意有所抑揚頗失是非之實宣和末京師書肆刻印鬻之羣從中以其多記從父詹事公話言得之以呈公取覽之不懌曰皆非我語也

天文類

司天考古星通玄寶鏡一卷

右題曰巫咸氏宋朝太平興國中詔天下知星者詣京師未幾至者百許人坐私習天文或誅或配隸海島由是星曆之學殆絕故予所藏書中亦無幾姑哀教種以備數云

甘石星經一卷

右漢甘公石申撰以日月五星三垣二十八舍恒星圖象次舍有占訣以候休咎

景祐軋象新書三卷

右崇文目有三十卷置之天文類

步天歌一卷

右未詳撰人二十八舍歌也三垣頌五星凌犯賦附於後或云唐王希明撰自號丹元子

列宿圖一卷天象分野圖一卷

右未詳撰人

曆算類

合元萬分曆一卷

右唐曹氏撰未知其名曆元起唐高宗顯慶五年庚申蓋民間所行小曆也本天竺曆為法李獻臣云

曆法一卷

右未詳撰人曆學也

刻漏圖一卷

右宋^皇朝燕肅撰肅有巧思上蓮花漏法嘗知潼川有石刻存焉洛陽宋君者增損肅之法為此圖

百中經三卷

右自紹興二十一年以上百二十年曆日節文也

集聖曆四卷

右宋^皇朝揚可集可為周天冬官正輯古今陰陽書彙為四時以涓擇日辰云

昭德先生邵齊讀書志卷之十三終

昭德先生邵齊讀書志卷之十四

門人姚應績編

五行類

廣古今五行志三十卷

右竇蓋撰唐志有其目未詳何人纂五行變異叙其徵應蓋為洪範之學者自古術數之學多矣言五行則本洪範言卜筮則本周易近時西者之學始絕而最盛於世者葬書相術五星祿命六壬遁甲星命而已然六壬之類足以推一時之吉凶星命五星祿命相術之類足以推一身之吉凶葬書之類足以推一家之吉凶遁甲之類足以推一

國之吉凶其所知若有遠近之異而或中或否不可盡信則一也且其說皆本於五行故同次之為一類

八五經三卷

右序云黃帝書八五謂八卦五行雖後人依托者而其辭亦馴雅相墓書也呂才葬篇以六說詰其不驗且云世人之為葬巫所欺忘擗踊荼毒以期徼幸由是相莖隴依官爵擇時日規財利誠哉是言也

青囊補注三卷

世傳注本作世謂 年云字者字 作故今盛行者璞書多 此字通曰同
行多璞書也按璞傳載葬毋事世傳蓋不誣矣璞未幾為

王敦所殺若謂禍福皆繫於葬則璞不應擇凶地以取禍若謂禍福有定數或他有以致之則葬地不必擇矣嗚呼璞自用其術尚如此况後遵其遺書者乎

撰沙經一卷

右唐呂才撰地里書畫山水之形成圖蓋依托者

青囊本旨一卷

右不記撰人演郭璞相墓青囊經也

洞林別訣一卷尋龍入式一卷

右江南范越鳳集郭璞所記諸家地理書得失為此書二十四篇并司空珣尋龍入式歌附

會元經二十四卷

右孫季邕撰未詳何代人集諸家相地書芟其鄙陋無驗者成是書

金瑣正要一卷玄談經一卷錦囊遺錄一卷五行統例一卷

右四書皆地里書也

五行地里新書三十卷

右唐僧一行撰人姓五音驗八山三十八將吉凶之方其學今世不行

秤星經三卷

右不著撰人以日月五星羅暎計都

雅人下注本有之字

貴賤壽夭休咎不知其符之取起或云天竺梵學也按注
範曰歲月日時無易百穀用成人用明俊民用童家用平
康月之從星則以風雨冷州鳩曰武王伐殷歲在鶉火月
在天駟一曰在析木之津辰在斗柄星在天龜以此言之
五星之術其來尚矣蓋可以占國則可以占事可以占事
則可以占人也然術家用日月五星以占吉凶又加以
交初交中之神紫氣月孛之宿初中者交食之會亦可
以意求惟氣孛無稽而術家獨以為効且曰土木之餘

氣五星之行土木最遲而為吉凶者以故有餘氣云

周易十二論一卷

右未詳撰人論日月五星直年以占吉凶

珞球子三命一卷

右李猷臣云珞球者取珞：如玉球：如石之義推人生休咎否泰之法箕子曰五行水火金木土禹曰辛壬癸甲則甲子五行之名蓋起於堯舜三代之時矣鄭氏釋天命之謂性曰謂木神則仁金神則義之類又釋吾辰安在曰謂六物之吉凶此以五行甲子推知休咎否泰於其傳者

也呂才稱起於司馬季主及王充其言淺哉然才所詆建祿背祿三刑劫殺建學空亡勾絞六害驛馬之類皆今世三命之術也亦在才之前矣由是觀之視他術淵源獨遠且小運之法本於說文已字之訓空亡之說本於史記孤虛之術多有所自來故精於其學者巧發竒中最多

珞球子疏五卷

右宋^望朝李全東方朔撰

李虛中命書三卷

右唐李虛中撰虛中字常容姓纂云冲之八代孫學最深於五行書壽夭貴賤利不利輒先處其年時百不失一韓

愈言冲為虛中十一世祖誤也

河圖天地二運賦一卷

右不著撰人論天地二運蓋三命書也崇文目以為卜筮類

五命秘訣一卷

右宋^皇朝林開撰三命之術年月日支干也加以時胎故曰五命

常陽經一卷

右崇文目題曰黃帝式用蓋六壬占卜術也

六壬要訣一卷

右未詳何人撰隋志載六壬之書兩種金鑿室記及五代史記頗言其驗今世龜筮道息而此術獨行

六壬課鈴一卷

右未詳何人所纂以六十甲子加十二時成七百二十課三傳入神以占吉凶

玉關歌一卷

右不題撰人六壬課訣也

三十二家相書三卷

右或集許負以下三十二家書成此編

月波洞中記一卷

右序稱唐任道遙得之於太白山月波洞石壁上九九篇相形術也崇文目置之五行類

袖中記一卷

右宋^景朝李唐濟撰辨人形色相知其壽夭吉凶

羣書古鑒一卷

右未詳撰者姓氏熙寧間集書史相術驗者

靈龜經一卷

右史蘇撰論龜兆之吉凶崇文目三卷

遁甲萬一訣一卷

右題云唐李靖所纂黃帝書按遁甲之書見於隋志凡一

十三家則其學之來亦不在近世矣以休生傷杜景死驚開八門推國家之吉凶通其學者以為有驗未之嘗試也

遁甲經一卷

亦云九天玄女術注本作此九天玄女之術

通名之書

推九星八門景

九星

各本同無作景步

右未詳撰人月十日

占言

其性情嗜好為尤驗說者謂本神仙之訣也右道藏李邕鄆云羅浮山道遙子撰

八神筮法二卷

右以八卦世分六十四每卦首必云子夏曰論易筮之吉凶

靈樞經二卷

右漢東方朔撰又云張良劉安未知孰是晉顏幼明宋何承天注有唐李遠叙歸來子以為黃石公書豈謂以授良者邪按南史載客從南來遺我良財寶貨珠璣金碗玉杯之繇則古之遺書也明矣凡百二十卦皆有繇辭

占燈法一卷

右唐李淳風撰崇文目亦有之

觀燈法一卷

右唐李淳風撰

紫堂訣三卷

右紫堂先生撰未詳何代人著紫垣十二星至隱曜總三百六十位分二十八舍附之以五星配十二辰以推人命之吉凶

兵家類

六韜六卷

右周呂望撰按漢藝文志無此書梁隋唐始著錄分文武龍虎豹犬六目兵家權謀之書也元豐中以六韜孫子吳子司馬法黃石公三畧尉繚子李衛公對問頒行武學今

習之號七書云按兵法漢成帝嘗命任宏分權謀形勢陰陽技巧為四種今又有卜筮政刑之說蓋在四種之外矣

魏武注孫子一卷

右吳孫武撰武子注按漢藝文志孫子兵法八十二篇今魏武所注止十三篇杜牧以為武書數十萬言魏武削其繁剩筆其精粹成此書云其序略曰吾讀兵書戰策多乎武所著深矣

李筌註孫子三卷

右唐李筌注以魏武所解多誤約歷代史依遁甲注成三卷

杜牧注孫子三卷

右唐杜牧注以武書大畧用仁義使機權曹公所注解十不釋一蓋借其所得自為新書爾因備注之世謂牧慨然最喜論兵欲試而不得者其學能道春秋戰國時事甚博而詳知兵者有取焉

陳皞注孫子三卷

右唐陳皞撰皞以曹公注隱微杜牧注濶疎重為之注云

紀燮注孫子三卷

右唐紀燮集唐孟氏賈林杜佑三家所解

梅聖俞注孫子三卷

右宋^皇朝梅堯臣聖俞注歐公為之序

王皙注孫子三卷

天下久承平注作承平久

者士大夫之言兵矣故本朝注解孫武書者大抵皆當時人也

何氏注孫子三卷

右未詳其名近代人也

吳子三卷

右魏吳起撰言兵家機權法制之說唐陸希聲類次為之

說料敵治兵論將變動勵士凡六篇

司馬法三卷

右齊司馬穰苴撰威王使大夫追論古者司馬兵法而附穰苴於其中因號司馬穰苴兵法司馬遷謂其書闕廓深遠雖三代征伐未能竟其義如其文近亦可褒矣穰苴為區：小國行師何暇及司馬兵法之揖讓乎

黃石公三畧三卷

右題曰黃石公上中下三畧其書論用兵機權之妙嚴明之訣明妙審訣軍可以死易生國可以存易亡經籍志云下邳神人撰世傳此即圯上老人以一編書授漢張良者

尉繚子五卷

右尉繚子未詳何人書論兵主刑法按漢藝文志有二十九篇今逸五篇首篇稱梁惠王問意者魏人欵其卒章有曰古之善用兵者能殺卒之半其次殺其十三其下殺其十一能殺其半者威加海內殺十三者力加諸侯殺十一者令行士卒嗚呼觀此則為術可知矣

張橫渠注尉繚子一卷

右宋朝張載撰其辭甚簡載蚤年喜談兵後謁范文正文正愛其才勸其學儒載感悟始改業此殆少作也

武侯十六策一卷

察疑覆楊通致疑作則

考楊宏清奉通致初作疑

古蜀諸葛亮孔明撰序稱謹進便宜十六事一治國二君

十賞罰十一喜怒十二治官一治民

慮十六陰察陳壽錄孔明書不載此策疑依託者

庾袞保聚圖一卷

右晋庾袞撰晋書孝友傳載袞字叔褒齊王冏之倡義也張泓等掠陽翟袞率眾保禹山泓不能犯此書序云大駕遷長安時元康三年己酉撰保聚壘議二十篇按冏之起兵惠帝永寧元年也帝遷長安永興元年也皆在元康後且三年歲次實癸丑今云己酉皆誤

李衛公問對三卷

右唐李靖對太宗問兵事史臣謂李靖兵法世無完書畧見於通典今對問出於阮逸家或云逸因杜氏附益之

郭元振安邊策三卷

右唐郭元振撰以總兵進攻聚衆退守不可無權謀乃著此書故舊題曰定遠安邊策

李臨淮武記一卷

右唐李光弼撰其書凡一百二章末云呂望智廓而遠孫武思幽而密黃石寬而重斷吳起嚴而貴勇墨翟守而無攻老聃勝而不美今擇其精要雜以愚識為一家之書一

本題曰統軍靈轄寶秘策或云光弼從事張參所纂

人事軍律三卷

右宋^皇朝符彥卿撰其序稱言兵者多雜以陰陽殊不知往亡宋捷甲子胡興鷲入棗集翻成吉兆故此但述人事云或以為唐藏僧利正撰當考之

神武秘畧十卷

右宋^皇朝仁宗御撰纂古今兵書戰策及舊史成敗之迹類權謀形勢陰陽技巧凡四門三十篇

武經聖畧十五卷

右宋^皇朝王洙撰寶元中西邊用兵朝廷講武備是時洙奉

詔編祖宗任將用兵邊防事迹分二十門

武經總要四十卷

右宋^皇朝曾公亮丁度撰康定中朝廷恐羣帥昧古今之學命公亮等采古兵法及本朝計謀方略凡五年奏御制度十五卷邊防五卷故事十五卷占候五卷御為製序

百將傳十卷

右宋^皇朝張預公立撰預觀歷代將兵者所以成敗莫不與孫武書相符契因擇良將得百人集其傳成一書而以武之兵法題其後上之

兵要望江南一卷

右題云黃石公以授張良者按其書雜占行軍吉凶寓聲於望江南詞取其易記憶摠目云武安軍左押衙易靜撰蓋唐人也

倚馬立成法二卷

右唐李淳風撰兵行占候之書也淳風太宗時人而此書起九宮法至貞元六年庚午假託以行其書亦非淳風本真也

類書類

同姓名錄三卷

右梁元帝撰纂類歷代同姓名人成書一卷唐陸善經續

增廣之齊梁間士大夫之俗喜徵事以為其學淺深之候
梁武帝與沈約徵粟事是也類書之起當在是時故以此
錄為首

古今刀劍錄一卷

右梁陶弘景撰記古今刀劍

古人姓字相同錄一卷

右唐丘光庭撰光庭中進士第

藝文類聚一百卷

右唐歐陽詢等撰分門類事兼采前世賦詩銘頌文章附
於逐目之後按唐志詢與令狐德棻袁朗趙智弘同修

北堂書鈔一百七十三卷

右唐虞世南撰世南仕隋為秘書郎時鈔經史百家之事
以備用分八十部八百一類世南者省世南鈔書之
所也家一百二十卷

兔園策十卷

右唐虞世南撰奉主命纂古今事為四十八門皆偶儷之
語至五代時行於民間村塾以授學童故有遺下兔園策
之謂

初學記三十卷

右唐徐堅等撰初張說類集事要以教諸王開元中詔堅

與韋述余欽施教本張烜李銳孫季良分門撰次

集類一百卷

右唐劉綺莊撰綺莊毗陵人嘗為蘇州崑山縣令家多異書採摭事類分二十餘門凡五十餘萬言上之於朝前有萬希序題云開元二十九年辛巳按綺莊集有上白敏中啓疑非公下字一

世推該洽汪本作世稱

右唐白居易撰以天地事物分門類為聲偶而不載所出書曾祖父秘閣公為之注行於世：傳居易作六帖以陶家餅數千各題名目置齋中命諸生採集其事類投餅內

倒取之抄錄成書故所記時代多無次序云

通典二百卷

右唐杜佑撰先是劉秩採經史自黃帝迄唐天寶末制度沿革廢置論議得失倣周禮六官法為政典三十五篇房琯稱才過劉向佑以為未盡因廣之參以新禮為二百篇以食貨選舉職官禮樂刑法州郡邊防八門分類叙載世推該洽凡五十六年成書德宗時上之

記室新書三十卷

右唐李途撰采摭故事綴為偶儷之句分四百門途中和中為東川掌記因以名其書云

古鏡記一卷

右未詳撰人纂古鏡故事

戚苑英華十卷

右唐袁悅重修本揚名所著悅掇其要類為語對以他說附益之

三教珠英三卷

右唐張昌宗等撰按唐志一千三百卷今所存者止此

備舉文言二十卷

右唐陸贄撰摭四百五十餘門議者謂大類六帖而文辭過焉崇文總目中有之

童子洽聞記三卷

右不題撰人分二十門雜紀經史名教或題童子洽聞記云唐許塾撰

古城冢記二卷

右唐皇甫鑒撰記古城所築之人姓名初不及冢而名曰城冢記未知其說

小名錄三卷

右唐陸龜蒙撰龜蒙以末世有官名小名之別自秦至隋編而紀之至於神仙玉女之名婦人臧獲之字亦無弃焉龜蒙世稱其博然此書特雜取於史傳間爾無異聞也

備忘小抄十卷

右偽蜀文谷撰雜抄子史一千餘事以備遺忘其後題廣政三年廣政王衍號也

唐會要一百卷

右宋^皇朝王溥撰初唐蘇冕叙高祖至德宗九朝沿革損益之制大中七年詔崔鉉等撰次德宗以來事至宣宗大中七年以續冕書溥又采宣宗以後事共成百卷建隆二年正月奏御史簡禮備太祖覽而嘉之詔藏於史閣賜物有差

五代會要三十卷

右宋^皇朝王溥等撰采梁至周典故纂次建隆初上之

三朝國朝會要一百五十卷

右宋^皇朝章得象天聖中被詔以國朝故事因革制度編次宋綬馮元李淑王舉正王洙同修得象監摠慶曆四年書成上之

六朝國朝會要三百卷

右神宗朝以會要止於慶曆命王珪續之起於建隆之元迄於熙寧十年通舊增損成是書摠二十一類八百五十五門其間禮樂政令之大綱儀物事為之細目有關討論顧無不載文簡事詳一代之典備矣

節國朝會要十二卷

右宋朝^皇范師道以章得象書繁多節其要以備檢閱

太平摠類一千卷

右宋朝^皇李昉等撰太平興國中昉被詔輯經史故事分門
春明退朝錄云書成帝日覽三卷一年而讀周賜名太平
御覽

冊府元龜一千卷

右宋朝^皇景德二年詔王欽若楊億脩君臣事迹唯取六經
子史不錄小說雜書至祥符六年書成上之凡三十一部
有摠序千一百四門有小序同脩者十五人錢惟演杜鎬

宗貽序

按通攷脫序字

卷福宏治年通攷有字

一之二台亭東越陳從易
陳越 楊通考作陳越誤 宏治年作陳越

劉筠查道王昭夏才

遂擇李維錢惟演陳彭年劉筠夏竦等付楊億竄定賜今
名為序冠其首其音釋又命孫奭為之

類要六十五卷

右宋朝^皇劉晏殊纂分門輯經史子集事實以備脩文之用

書林韻海一百卷

右不題撰人分門依韻纂經史雜事以備尋閱或云宋朝
許冠所編

異號錄二十卷

右宋^皇朝馬永易朋叟編古今殊異名號如銅馬帝無愁天子之類頃嘗見近世人增廣其書名曰賓寶錄亦殊該博
禁殺錄一卷

右宋^皇朝李象先纂元祐中象先集錄古今真報事以為殺戒

文房四寶五卷

右宋^皇朝蘇易簡撰集古今筆硯紙墨本原故實繼以賦頌述作有徐鉉序

錢譜十卷

右梁顧烜嘗撰錢譜一卷唐張台亦有錢錄兩卷宋朝紹

聖間李孝美以西人所纂舛錯增廣成十卷分八品云

貨錢錄一卷

右宋^皇朝陶岳撰記五代諸侯擅改錢幣之由幽州嶺南福建湖南江南五國

續錢譜十卷

右宋^皇朝董道撰道之祖嘗得古錢百令道考次其文譜之以前世帝王世次為序且言梁顧烜唐封演之譜浸汗蔽回不可用其譜自太昊葛天氏至堯舜夏商皆有錢幣其穿鑿誕妄至此

墨譜一卷

右宋朝黃秉撰熙寧間人秉患世人徒知祖李之名而不知形模之蘇同製作之精拙故作圖以著其源流用補蘇易簡之闕文云

硯譜二卷

右宋朝唐詢撰記硯之故事及其優劣以紅絲石為第一端石次之

古鼎記一卷

右唐吳恊撰記古人鑄鼎本源及其形製

香譜一卷

右宋朝洪芻駒父撰集古今香法有鄭康成漢宮香南史

小宗香真誥嬰香戚夫人迎駕香唐員半千香所記甚該博然通典載歷代祀天用沉水香獨遺之何哉

印格一卷

右宋朝晁客一撰克一張文潛甥也文潛嘗為序之其畧曰克一既好古印章其父補之愛之尤篤悉錄古今印璽之法謂之圖書譜自秦以來變制異狀皆能言其故余頗愛其用心不移致精於末務使有傳焉

侍女小名一卷

右宋朝王銍纂序云大觀中居汝陰與洪炎王父遊讀陸魯望小名錄戲徵古今女傳名字因畫發所藏書纂集踰

月而成焉凡裨官小說所記采之且盡獨是正史所載反多脫畧子弟之學其弊如此

蒙求三卷

右唐李瀚撰纂經傳善惡事實類者西之相比為韻語取蒙卦童蒙求我之義名其書蓋以教學童云

魯史分門屬類賦三卷

右宋^皇朝楊鈞撰以左氏事類分十門各為律賦一篇乾德四年奏御詔褒之

左氏蒙求三卷

右宋^皇朝王舜俞序不知何人所作過於綱領者

左氏綱領四卷

右宋^皇朝文濟道撰排比事實為儷句蒙求之類也

仙苑編珠二卷

右唐王松年撰取阮倉劉向葛洪所傳神仙又取經記中梁以後神仙百二十八人比事屬辭効蒙求體為是書

國史對韻十二卷

右宋^皇朝范鎮撰吳仲庶嘗稱景仁憫諸後學雖涉書傳而問之今代典故則懵然不知乃自太祖開基迄於仁宗朝擴取事實可為規矩鑒戒者用韻編次之即此書也

孝悌類鑒七卷

右宋^皇朝俞覲能撰取經史孝悌事成四言韻語

西漢蒙求五卷唐史屬辭五卷南北史蒙求十卷

右未詳撰人皆効李瀚也

書叙指南二十卷

右宋^皇朝任浚撰纂集古今文章碎語分門編次之凡二百

餘類

押韻五卷

右宋^皇朝張孟撰輯六藝諸子三史句語依韻編入以備舉

子試詩賦之用

歌詩押韻五卷

右宋^皇朝楊咨編古今詩人警句附於韻之下以備押強韻

昭德先生郡齋讀書志卷之十四終

昭德先生郡齋讀書志卷之十五

門人姚應績編

雜藝術類

古畫品錄一卷

右南齊謝赫撰言畫有六法分四品夫秋之奕延壽之畫
伯樂之相馬甯戚之飯牛以至於曹丕之彈碁袁宏之樗
蒲皆足以擅名天下昔齊侯禮九：而仲尼賢博者良有
以哉或曰藝成而下奈何曰經著大射投壺之禮蓋正已
養心之道存焉顧用之何如爾安可直謂之藝而一切廢
之故予取射訣畫評奕經算術博戲投壺相牛馬等書同

次之為一類

續畫記一卷

右唐李嗣真撰補謝赫之闕

後畫錄一卷

右唐僧彥宗撰品長安畫凡二十七人

名畫獵精六卷

右唐張彥遠纂彥遠字愛賓記歷代畫工名姓自史皇以降至唐朝及論畫法并裝背褙軸之式鑒別閱玩之方

五代名畫補遺一卷

右宋朝劉道成纂符嘉應撰序云胡燹嘗有梁朝名畫目

因廣之故曰補遺

名畫見聞志六卷

右宋朝郭若虛撰若虛以張愛賓之畫絕筆永昌元年因續之歷五代至國朝熙寧七年分叙論記藝故事近事四

門

書畫史二卷

右宋朝米芾元章撰輯本朝公卿士庶家藏法書名畫論其優劣真偽

聖朝名畫評三卷

右宋朝劉道成纂符嘉應撰集本朝畫工之名世者第其品

以王瓘為神品云在吳生上

益州名畫錄三卷

右宋^皇朝黃休復纂唐乾初至宋乾德歲休復在蜀中目擊圖畫之精者五十八人品以四格云

射評要略一卷

右題曰李廣撰凡十五篇

嚴悟射訣一卷

右唐王思永撰思永射法於成都工曹嚴悟成書十篇每篇首必稱師曰

益津射格一卷

右宋^皇朝錢師益序以五善圖及武陵格踈密不同參酌為之

投壺經一卷

右唐上官儀奉勅刪定史玄道續註米周顥郝同梁簡文數家書為之唐志有其目

木射圖一卷

右唐陸乘撰為十五筍以代候擊地球以觸之筍飾以朱墨字以貴賤之朱者仁義禮智信溫良恭儉讓墨者慢傲倭貪瀝仁者勝濫者負而行一賞罰焉

溫公投壺新格一卷

右宋^皇朝司馬光君實撰舊有投壺格君實惡其多取奇中者以為僥倖因盡改之

九章算經九卷

右未詳撰人姓名或曰周公九章者一方田二筭粟三衰分四少廣五商功六均輸七盈不足八方經九勾股魏劉徽唐李淳風嘗為之註則此術起於漢之前矣

求一算經一卷

右未詳撰人

龍受益

按通改皇朝作所宜作

化零歌附

應用筭三卷

右皇朝蔣舜元撰

象碁一卷

右宋^皇朝尹洙撰凡五圖今世所行者不與焉

溫公七國象碁一卷

右宋^皇朝司馬光君實撰周秦魏韓趙楚齊燕實八國而云七者周室不與焉

樗蒲經一卷樗蒲格一卷

右不題撰人序云樗蒲古之戲也劉毅李安民慕容寶之徒皆擲盧不聞餘采今以盧梟為上雉犢次之

釣鼈圖一卷

右不題撰人凡四十類各有一詩

採珠局一卷

右不題撰人序云王公而不知其名凡三十餘類亦各有一詩

彈碁經一卷

右未詳撰人序稱世說曰魏武帝好彈碁宮中皆効之難得其局以粧匿之蓋形狀相類就蓋而彈之俗中因魏宮粧匿之戲按西京雜記云劉向作彈碁典論云前代馬合卿張公子皆工彈碁然則起自漢朝非是魏始世說誤矣

捉卧甕人事數一卷

右宋^皇朝李迺中撰以畢卓稽康劉伶阮孚山簡阮籍夷狄顏回屈原陶潛孔融陶侃張瀚李白白樂天為目有趙昌言序

雙六格一卷

右不題撰人其法左右十二梁設二朋朋各十五子一白一黑用明瓊二各以其采由右歸左子單則他子得擊兩子以上他子雖相當不得擊故武后夢雙六不勝狄人傑所以云無子也

葉子戲格一卷

右不著撰人世傳葉子婦人名也撰此戲晚唐之時也
三國圖格一卷金龍戲格一卷打馬格一卷旋棊格
一卷

右不題撰人

漢官儀采選一卷

右宋^皇朝劉敞撰刪取西漢之官而附其列傳點陟可戲咲
者雜編之以為博奕之一物

忘憂集三卷

右宋^皇朝劉仲甫編載唐韋延祐棊訣并古今棊圖
相雀經一卷

右題曰浮丘公撰其傳云浮丘公授於王子晉後崔文子
學道於子晉得其文藏於嵩山之石室淮南公採藥得之
乃傳於世

相馬經二卷

右伯樂撰

相馬經一卷

右未詳撰人述相馬法式并著為之疾狀及治療之術李
氏書目有之

皇帝醫相馬經三卷

右唐穆彞集伯樂王良等六家書成此編皇帝斥神農也

育駿方三卷

右未詳撰人相馬術及醫治畜牧之方

目下至一六

右序 表本同 汪本作右題

千百不失其一至魏世高堂生又傳晉宣帝其後秘之細字薛公注也

醫書類

黃帝素問^{二十}廿四卷

右昔人謂素問者以素書黃帝之問猶言素書也唐王冰注冰謂漢藝文志有黃帝內經十八卷素問即其經之九

卷兼靈樞九卷迺其數焉先是第七亡逸冰時始獲乃詮次注釋凡八十一篇分二十四卷今又亡刺法本論二篇冰自號啓玄子鑿經傳於世者多矣原百病之起瘡者本乎黃帝辨百藥之味性者本乎神農湯液則稱伊尹三人皆古聖人也憫世疾苦親著書以垂後而世之君子不察乃以為賤枝耻習之由此故今稱醫者多庸人治之失理以生為死者甚衆激者至云有病不治常得中醫豈其然乎故予錄醫類詳隋志以此書為首今從之

靈樞經九卷

右王冰謂此書即漢志黃帝內經十八卷之九也或謂好

事者於皇甫謐所集內經倉公論中抄出之名為古書也
未知孰是

呂楊注八十一難經五卷

右秦越人撰吳呂廣注唐楊玄操演越人渤海人家於盧
授素君祕術洞明鑿道世以其與黃帝時扁鵲相類乃號
之為扁鵲米黃帝內經精要之說凡八十一章以其理趣
深遠非易了故名難經玄操編次為十三類

丁德用注難經五卷

右宋^皇朝丁德用注以楊玄操所演甚失大義因改正之經
文隱奧者繪為圖德用濟陽人嘉祐末其書始成

虞庶注難經五卷

右宋^皇朝虞庶注庶仁壽人寓居漢嘉少為儒已而棄其業
習醫術為此書以補呂楊所未盡黎泰辰治平間為之序
金匱玉函經八卷

右漢張仲景撰晉王叔和集設各問雜病形證脈理參以
療治之方仁宗朝王洙得於館中用之甚効合二百六十
二方

仲景傷寒論十卷

右漢張仲景述晉王叔和撰次按各醫錄云仲景南陽人
名機仲景其字也舉孝廉官至長沙太守以宗族二百餘

口建安紀年以來未及十稔死者三之二而傷寒居其七
乃著論二十二篇證外合三百九十七法一百一十二方
善醫者或云仲景著傷寒論誠不刊之典然有大人之病
而無嬰孺之患有北方之藥而無南方之治此其所闕者
蓋陳蔡以南不可用柴胡白虎二湯治傷寒其言極有理

脉經三卷

右題云黃帝撰論脉之要凡二十一篇

王叔和脉經十卷

右晉王叔和撰按唐甘伯宗名醫傳曰叔和西晉高平人
性度沈靜博通經方精意診處尤好著述其書纂岐伯華

佗等論脉要訣所成叙陰陽表裏辨三部九候分人迎氣
口神門條十二經二十四氣奇經八脉五臟六腑三焦四
時之疴纖悉具備成可按用凡九十七篇宋朝林億等校
正

脉訣一卷

右題曰王叔和皆歌訣鄙淺之言後人依託者然最行於
世

巢氏病源候論五卷

右隋巢元方等撰元方大業中被命與諸醫共論衆病所
起之源宋朝舊制監局用此書課試鑿生昭陵時詔校本

刻續頒行宋綬為序

雷公炮灸三卷

右宋雷斅撰胡洽重定述百藥性味炮灸灸之方其論多本之於乾寧晏先生斅稱內究守國安正公當是官名未詳

天元玉策二十卷

右啓元子撰即唐王珣也書推五運六氣之變唐人物志云珣仕至太僕今年八十餘以壽終

金寶鑑三卷

右衛嵩撰嵩仕至翰林博士崇文摠目云不詳何代人述

脈候徵驗要妙之理

寶藏暢微論三卷

右五代軒轅述撰青霞君作寶藏論三篇著變煉金石之訣既詳其未善因刻其謬誤增其缺漏以成是書故曰暢微時年九十寶乾亨二年也

聖濟經十卷

右徽宗皇帝御製黃帝內經採天人之頤原性命之理明營衛之清濁究七八之盛衰辨逆順之盈虛為書十篇凡四十四章

通玄子傷寒訣一卷

右題曰通玄子而不著名氏用張長沙傷寒論為歌詩以便覽者脉訣之類也

傷寒百問三卷

右題曰無求子大觀初所著書

運氣論奧三卷

右宋^皇朝劉溫舒撰溫舒以素問氣運最為治病之要而各問紛採文辭古奧讀者難知因為三十論二十七圖上

汪本作醫家通序無字字此字可也。

附料一卷

右宋^皇朝蕭世基撰世基嘗閱素問及歷代醫經患其難知

因綴緝成一編治平中姚誼序之

南陽活人書廿卷

右宋^皇朝朱肱撰序謂張長沙傷寒論其言雅奧非精於經絡不能曉會頃因投閑設其對問補苴綴緝僅成卷軸作於己巳成於戊子計九萬一千三百六十八字

存真圖一卷

右宋^皇朝楊介編崇寧間泗州刑賊於市郡守李夷行遣醫并畫工往親訣膜摘膏育曲折圖之盡得纖悉介校以古書無少異者比歐希範五臟圖過之遠矣實有益醫家也王莽時捕得翟義黨王孫慶使大醫尚方與巧屠共剝刺

之量度五藏以竹筴導其脉知所終始云可以治病是亦此意

補注神農本草二十卷

右宋^皇朝掌禹錫等補注舊說本艸經神農所作而藝文志所不載平帝紀詔天下舉知方術本艸者本艸之名蓋起於此梁之錄載神農本艸三卷書中有後漢郡縣名蓋上世未著文字師學相傳至張機華佗始為編述嘉祐初詔禹錫與林億蘇頌張洞等為之補注以開寶本艸及諸家參校采拾遺逸判定新舊藥合一千八十二種摠二十卷

圖經本草二十卷目錄一卷

右宋^皇朝蘇頌等撰先是詔掌禹錫林億等六人重校神農本艸累年成書奏御又詔郡縣圖上所產藥本用永徽故事重命編述於是頌再與禹錫等裒集衆說類聚詮次各有條目云嘉祐六年上

證類本草三十二卷

右宋^皇朝唐慎微纂合兩本草為一書且集書傳所記單方附之於本條之下殊為詳博

本艸廣義二十卷

右宋^皇朝寇宗奭編以本艸二部著撰之人或執用已私失於商權并考諸家之說參之事實覈其情理證其誤脫以

成此書

子午經一卷

右題云扁鵲撰論鍼砭之要成歌詠蓋後人依託者

銅人針灸圖三卷

右宋^皇朝王惟德撰仁宗嘗詔惟德考次針灸之法鑄銅人為式分腑臟十二經旁注俞穴所會刻題其名并為圖法并主療之術刻板傳於世夏竦為序明堂者謂雷公問道黃帝授之

明堂針灸圖三卷

右題曰黃帝論人身俞穴及灼灸禁忌

點烙三十六黃經一卷

右不著撰人唐世書也國史補云自茗飲行於世世人不復病黃痺

千金方三十卷

右唐孫思邈撰思邈博通經傳洞明醫術著用藥之方診脈之訣針灸之穴禁架之法以至導引養生之要無不周悉後世或能窺其一二未有不為名醫者然議者頗恨其獨不知傷寒之數云

千金翼方三十卷

右唐孫思邈撰思邈著千金方復掇集遺軼以羽翼其書

成一家之學林億等謂首之以藥錄次之以婦人傷寒小兒養性辟穀退居補益雜病瘡癰色脉針灸而禁經終焉者皆有指意云

外臺秘要方四十卷

右唐王燾撰燾在臺閣二十年久知弘文館得古方書數千百卷因述諸病證候附以方藥符禁灼灸之法凡一千一百四門天寶中出守房陵及大寧郡故以外臺名其書孫兆以燾謂鍼能殺生人不能起死人取灸而不取鍼譏其為醫之蔽予獨以其言為然

產寶二卷

右唐咎殷撰殷蜀人大中初白敏中守成都其家有因免乳死者訪問名醫或以殷對敏中迎之殷集備驗方藥三百七十八首以獻其後周適又作三論附於前

龍樹眼論三卷

右佛經龍樹大士者能治眼疾或假其說集治七十二種百病之方

太平聖惠方一百卷

右太宗皇帝在潛邸日多蓄名方異術太平興國中內出親驗者千餘首乃詔醫局各上家傳方書命王懷隱王祐鄭彥陳昭遇校正編類各有篇首著其疾證淳化初書成

御製序引

太醫局方三卷

右元豐中詔天下高手醫各以得効秘方進下太醫局驗試依方製藥驚之仍摸本傳於世

和劑局方十卷

右大觀中詔通醫刻正藥局方書閱歲書成校正七百八字增損七十餘方

沈存中良方十卷

右宋朝沈括存中撰存中博學通醫術類其經驗方成此書用者多驗或以蘇子瞻論醫藥雜說附之

靈苑方二十卷

右宋朝沈括存中編本朝士人如高若訥林億孫竒龐安常皆以善醫名於世而存中尤喜方書此書所載多可用

王氏博濟方五卷

右宋朝王衮撰衮慶曆間因官滑臺暇日出家藏七十餘方擇其善者為此書名醫云其用方之無不効如艸還丹治中風太一丹治鬼胎尤竒驗

錢氏小兒方八卷

右宋朝錢乙仲陽撰神宗時擢太醫丞於書無所不窺它人靳守古獨乙度越縱舍卒與法合尤邃本草多識物

理辨正闕誤取工療嬰孺病八十二而終閻季終方附於後

養生必用方十六卷

右宋^皇朝初虞世撰序謂古人醫經行於世者多矣所以別著者古方劑與今銖兩不侔用者頗難此方其證易詳其法易用苟尋文為治雖不習之人亦可無求於醫也虞世本朝士一旦削髮為僧在襄陽與十父遊從甚密

嬰童寶鏡十卷

右題曰栖真子不著姓名錄世行應驗方成此書

小兒靈秘方十三卷

右不題撰人辨小兒疾證及諸療之方多為歌訣

傷寒證治三卷

右宋^皇朝王寔編寔謂百病之急無踰傷寒故畧舉病名法及世名醫之言為十三篇摭方百四十六首或云潁川人官至外郎龐安常之高弟也

小兒玉訣一卷

右未詳撰人名氏為韻語以記小兒疾證治法凡二十三


孫尚秘寶十卷

右宋^皇朝孫尚撰呂惠卿帥邊日尚之子在屬部因取此書刻板傳於世




楊子護命方五卷通神論十四卷

右宋^皇朝楊退修撰退修以岐伯論五運六氣以治百病後世通之者唯王砮一人而已然猶於遷變行度莫知其始終次序故著此方論云

昭德先生郡齋讀書志卷之十五終



昭德先生郡齋讀書志卷之十六



神仙類

度人經三卷

右元始天尊說唐志有其自古書也神仙之說其來尚矣
劉歆七畧道家之學與神仙各為錄其後學神仙者稍
自附於黃老乃云有元始天尊者生於太元之先姓謝名
靜信常存不滅每天地開闢則以秘道授諸仙謂之開劫
度人迄康赤明龍漢開皇即其紀年也授其道者漸致長
生或白日昇天其學有授籙之法名曰齋有拜章之儀名

門人姚應績編

曰醮又有符咒以攝治鬼神服餌以蠲除穢濁至於存想之方導引之訣烹鍊變化之術其類甚衆及葛洪寇謙陶洪景之徒相望而出其言益熾於世富貴者多惑焉然通人皆疑之國朝修道藏共六部三百一十一秩而神仙之學如上所陳者居多與道家絕不類今於其間取自昔書目所載者錄之又釐而為二凡其說出於神仙者題曰老子黃帝亦皆附於此不以名亂實也若夫容成之術雖收於歆輩者以荐紳先生難言之特削去不錄

大洞真經一卷

右題云高上虛皇君等道書三十七章晉永和上清紫

微元君降授於王夫人是上清高法道藏書六部一曰大洞真部二曰靈寶洞元部三曰太上洞神部四曰太真部五曰太清部六曰正一部李氏道書志四類一曰經誥類二曰傳錄類三曰丹藥類四曰符篆類皆以此書為之首然唐志不載故以次度人經云

黃庭內景經一卷

右題大帝內書藏賜谷陰三十六童皆七言韻語梁丘子又云夫為之予小方八十一卷

腦心脾

汪本通攷作肺心脾

即腦心脾中故曰黃庭

黃庭外景經三卷

右叙謂老子所作與法帖所載晉王羲之所書本正同而文句頗異其首有老子閒居作七言解說身形及諸神西句其末有吾言畢矣勿妄陳一句且改淵為泉改治為理疑唐人誕者附益之崇文總目云記天皇氏至帝嚳受道得仙事此本則無之

真誥十卷

右梁陶弘景撰皆真人口受之誥故以為名記許邁許謐楊羲諸仙受道之說本七卷運題一象甄二命受三協昌期四稽神樞五握真輔六翼真檢七後人析第一第二第

四各為上下

西昇經四卷

右題曰天上真人尹君紀錄老子將遊西域既為閔令尹喜說五千言又留秘旨凡三十六章喜述之為此經其首稱老君西昇聞道空乾有古先生是以就道說者以古先生佛也事見廣洪明集辯惑論

常注西昇經二卷

右梁道士常處玄分上下經上經三七法天之陽數分二十一章下經四七法天之陰數總四十九章象大衍用數云唐志稱處玄集解以聞道空乾為經道空乾以古先生

為老子自謂

同玄注西昇經四卷

右唐同玄子注其姓名未詳唐志有戴詵注西昇經疑此或詵書也分三十六章謂竺乾古先生非釋迦之號云

徐注西昇經二卷

右徐道邈撰句曲人未詳何代其本以有古先生善入無為作善入泥凡古先生者吾之師也化乎^胡竺乾作吾之身也化胡竺乾云

步虛經一卷

右太極真人傳左仙公其章皆高仙上聖朝玄都玉京飛

迎虛空之所諷詠故曰步虛

定觀經一卷

右題云天尊授左玄真人直定心惠觀等修故以為名云

內觀經一卷

右老子撰述人胞胚魂魄衆神之名當諦觀身心俾不染濁穢乃可常存云凡二十有二章

老子化胡經十卷

右魏明帝為之序經言老子歸崑崙化胡次授蜀賓後及天竺按裴松之三國志注言世稱老子西入流沙化胡成佛物其說蓋起於此議化胡經八狀附於後唐志萬歲通天

元年僧惠澄上言乞毀老子化胡經秋官侍郎劉如璿等議狀證其非偽此是也

太清經一卷

右太清護命靈文金闕上真按付修道之士可以除邪治病云

天蓬神咒一卷

右未詳撰人邯鄲書目載道書最衆已上八種皆有之

登真隱訣二十五卷

右梁陶弘景撰景以為學其訣者當由堦而登真文多隱非訣莫登故以名書凡七篇十七條隋志云

神仙可學論一篇

右唐吳筠撰嵇康謂神仙不可以學致筠意不以為然故演修習之方以勉學仙之士云

坐忘論一卷

右唐司馬承禎子微撰凡七篇其後有文元公跋謂子微之所謂坐忘即釋氏之言宴坐也

天隱子一卷

右唐司馬子微為之序云天隱子不知何許人著書八篇修煉形氣養和心靈歸根契於伯陽遺照齊乎莊叟殆非人間所能力學者也王古以天隱子即子微也一本有三

宮法附於後

抱朴子內篇二十卷

右晉葛洪撰洪字稚川丹陽句容人元帝時累召不就止羅浮山鍊丹著書推明飛昇之道導養之理黃白之事二十卷名曰內篇十卷名曰外篇自號抱朴子因以命書

雲笈七籤一百二十卷

右宋朝張君房等纂君房祥符中謫官寧海時聖祖降朝廷畫以秘閣道書付杭州俾戚綸陳堯佐校正綸等同王欽若荐君房專其事君房詮次得四千五百六十五卷於是掇其蘊奧撝萬餘條成是書仁宗時上之

群仙會真記五卷

右唐施肩吾集言鍊養形氣補毓精神成內丹之法凡二十五篇

彭曉注參同契三卷

右漢魏伯陽撰按神仙傳伯陽會稽上虞人通貫詩律文辭瞻博修真養志約周易作此書凡九十篇徐氏箋注桓帝時以授同郡淳于叔通因行於世彭曉為之解隋唐書皆不載按唐陸德明解易字云虞翻注參同契言字從日下月今此書有日月為易之文其為古書明矣

張隨注參同契三卷

右宋朝張隨皇祐中居青城山注魏伯陽之書列十數圖於其後

參同契太易圖一卷

右不題撰人論周天火候有太易太初太始太素太極四象五行等二十四篇并圖按崇文摠目云張處撰而李猷臣以為天老神君撰雲常子張處序亦名至藥丹訣未知

汪本無附字外篇三下有其延壽經一卷附後八字

右混元謂老子也亦道引之術內篇八外篇三

玉皇聖胎神用訣一卷

右玉皇訣之野人即肇法

太上說魂魄經二卷

右題曰老子撰載三魂七魄名字形狀好惡以呪術存制之崇文題曰太上靈書李氏亦有其目

無上秘要九十五卷

右題曰元始天尊說藝文志止七十二卷不知何時析出二十三通也

葛仙翁胎息術一卷

右仙翁葛洪也

太清服氣口訣一卷太起經一卷閉氣法一卷太上

指南歌一卷

右四書皆題曰老子撰服氣訣也

食氣經一卷

右太皇子撰未詳李邕邕云似雜集之書

導引養生圖一卷

右梁陶洪景撰分三十六勢如鴻鶴徘徊鴛鴦戢羽之類各繪像于其上田偉家本少八勢

天真皇人九仙經一卷

右天皇人為皇帝說一行羅公遠葉法靜注論水火龍虎造金丹之術崇文書也按九仙經典廢記云此經黃帝留

峨眉山石壁漢武帝時得之大中嘗禁斷

陰符內符丹經一卷

右題曰老子說

日月玄樞論一卷

右唐劉知古撰明皇朝為綿州昌明令時詔求通丹藥之士知古謂神仙大藥無出參同契因著論上於朝

大還丹契秘圖一卷

右艸衣洞真子玄撰凡十二章大還丹者乃日月精氣之所致也論火候則以朔望為據記藥物則以鉛汞為名云

紫陽金碧經二卷

右皇元真人撰廣成子述河上公修為六十四章上明合和習真之法中有調神理氣之方下有還丹九鼎上昇之術崇文目有三卷今逸其一

金碧潛通一卷

右題長白山人元陽子解未詳何代人不知其撰人姓名按邯鄲書目云羊參微集其序言本得之石函皆科斗文字世有三十六字訣七曜五行八卦九宮論還丹之事其辭多隱人莫之識劉真人演仰觀上象以定節度今之所作多不成者蓋不得口訣故也吾恐墜匿聖文故著上經託號金鑿潛通金者剛柔得位火不能灼服之則仙遊碧

落云疑即參微所撰也道藏止收一卷

還丹歌一卷

右元陽子撰次序雜亂非完書也大旨解參同契李氏書目云海客李玄光遇玄壽先生於中岳授此未詳玄光何代人

龍虎通玄要訣一卷

右蘇玄朗撰以古訣龍虎經參同契秘金碧潛通訣其文繁而隱故纂其要為是書李邯鄲家本題云青霞子隋開皇時人不出名氏豈玄朗之號邪

胎息秘訣一卷

右唐僧遵化撰論達磨胎息摠十八篇歌二十三首凡一

丁丑汪作丁酉 按瞿鈔本通攷作丑

易成子大丹訣一卷

右彭仲堪撰不著何代人字舜元天台遇一異僧授此術論火候

青牛道士歌一卷

右題曰青牛道士未詳

八段錦一卷

右不題撰人吐故納新之訣也

高象先歌一卷

右高^象先撰象先其字也未詳何代人論參同契

金丹訣一卷

右宋朝張瑾撰治平中授丹訣於榮中立後因叙其事以教後學自此以下皆非古今書目所載以其世多傳者不可不收也至於北斗經之類以為永壽元年老子所說尤鄙淺可嗟雖行於世亦削去

真一子還丹金鑰一卷太清火式經一卷九天玄路

祕論一卷靈源銘一卷太清爐鼎斤兩訣一卷

右五書不著撰人論龍虎鉛汞火候之術

玉芝書三卷

右宋朝陳舉撰舉字子堉蘇州人

授道志一卷

右宋朝楊谷真宗朝嘗遇神仙於成都藥市自授其道本李氏書目亦載云谷自號純粹子

通玄秘要悟真篇一卷

右宋朝張用成撰字平叔天台人熙寧中隨陸師閔入蜀授道於隱者因成律詩八十一首

養生丹訣一卷

右宋朝皇甫士安撰士安岷山道士也

歸正議九卷

右宋朝林靈素撰駁佛書中排道家者

釋書類

四十二章經一卷

右天竺釋迦牟尼佛所說也釋迦者華言能仁以周昭王二十四年甲寅四月八日生十九學道三十學成處世演道者四十九年而終蓋年七十九也沒後弟子大迦葉與阿難纂撮其平生之言成書自漢以上中國未傳或云雖傳而泯絕於秦火張騫使西域已聞有浮屠之教及明帝感傳毅之對遣蔡愔秦景使天竺求之得此經以歸中國之有佛書自此始故其文不類他經云佛書自愔景以來

至梁武帝華林之集入中國者五千四百卷曰經曰論曰律謂之三藏傳於世盛矣其徒又或摘出別行為之注釋疏抄至不可選紀而通謂之律學厥後達磨西來以三藏皆筌蹄不得佛意故直指人心俾之見性衆尊之為祖學之者布於天下雖曰不假文字而弟子錄其善言往成書由是禪學興焉觀今世佛書三藏之外凡講說之類律學也凡問答之類禪學也藏經猥衆且所至有不錄今取其餘者列於篇此經雖在藏中然以其見於經籍志故特取焉

華嚴經合論一百二十卷

右按纂靈記云華嚴大經龍宮有三本佛滅度後六百年有龍樹菩薩入龍宮誦下本十萬偈四十八品流傳天竺晉有沙門支法領得下本分三萬六千偈至此土義熙十四年譯成六十卷唐證聖元年於闐沙門喜學再譯舊文兼補諸闕通舊總四萬五千頌成八十卷三十九品合論者唐李通玄所撰通玄太原人宗室子也當武后時隱居不仕舊學佛者皆曰佛說此經時居七處九會獨通玄以為十處十會云

華嚴經清涼疏一百五十卷

右唐僧澄觀撰澄觀居清涼山號清涼國師即韓愈贈之

詩者文元公有言曰明法身之體者莫辨於楞嚴明法身之用者莫辨於華嚴學佛者以為不刊之論

華嚴決疑論四卷

右唐李通玄撰通玄既為華嚴合論又著此書皇宋朝張商英使河東得之壽陽縣東浮屠廢書中

華嚴經畧一卷

右唐僧澄觀撰澄觀既疏華嚴又撮其大意為此凡四十二章

法界觀一卷

右唐僧杜順撰華嚴最後品法名曰法界叙善財參五十

三位善知識經文廣博罕能通其說杜順乃著是書宗密注之裴休為之序

華嚴起信文一卷

右唐僧善攷撰攷潭州太平寺僧也每品一章撮其大指凡三十九章

華嚴經百門義海二卷

右唐僧法藏撰藏長安崇福寺僧也分十章

華嚴奧旨一卷

右唐僧法藏撰又曰妄盡還源觀凡六門

法界接要記四卷

右宋^皇朝僧道式述其序云元豐初覽清涼玄鏡圭峯注取其合者錄之

法界披雲集一卷

右宋^皇朝僧道通述杜順纂華嚴經義撰法界觀道通又分十玄門

華嚴吞海集一卷

右宋^皇朝僧道通述華嚴經七處九會三十九品五萬四千偈其文浩博澄觀為之疏尤難觀覽道通約之成萬三千言以便初學

註維摩詰所說經十卷

右天竺維摩詰撰西域謂淨名曰維摩詰廣嚴城處士也佛聞其病使十弟子四菩薩往問訊皆以不勝任固辭最後遣文殊行因共談妙道遂成此經其大旨明真俗不二而已淨名演法要者居世出世也不以十弟子四菩薩為知法者斥其有淨穢之別也文殊大智法身之體也淨名處俗法身之用也俾體用相酬對皆真俗不二之喻也姚秦僧鳩摩羅什譯按開元釋教錄云羅什者華言童壽天竺人也符堅遣呂光破西域俘之以歸姚興迎致長安譯經於逍遙園凡四十部此其一也本三卷十四品其後什之徒僧肇道生道融等為之註肇為十卷予得之董太虛

家蓋襄陽木本也唐李繁頗言此注後人依託者

法華言句二十卷

右唐僧智顓撰智顓居天台山號天台教五代兵亂其書亡錢俶聞高麗有本厚賂因賈人求得之至今盛行於江浙

金剛經會解一卷

右後秦僧鳩摩羅什譯唐僧宗密僧知息皇宋朝僧元仁賈昌朝王安石五家注予弟公翹日誦三過予靳之曰汝亦頗知其義乎對曰知之其義明萬物皆空故古人謂以空為宗也予曰金剛者堅固不壞之義也萬物之空何以謂

之金剛復曰六如偈其言明甚獨奈何因語之曰汝之過正在以有為法同無為法以真空同頑空耳張湛曰身與萬物同有其有不有心與太虛同無其無不無庶幾知此哉

禪宗金剛經解一卷

右宋朝安海衡采摭禪宗自達磨而下發明是經者參釋之序稱其有言涉修證者北宗法門也舉心即佛者江西法門也無法無物本來如是者曹溪法門也

六祖解金剛經一卷

右唐僧惠能注金剛經凡六譯其文大槩既同時小異耳

而世多行姚秦鳩摩羅什本

楞伽經四卷

右宋天竺僧求那跋陀羅譯楞伽山名也佛為大慧演道於此山元魏僧達磨以付僧慧可曰吾觀中國所有經教唯楞伽可以印心謂此書也釋延壽謂此經以佛語心為宗而李通玄則以為五法三自性八識二無吾為宗按經說第八業種之識名為如來藏言其性不二明偽即出世也延壽所云者指其理通玄所云者指其事非不同也

圓覺經疏三卷

右唐長壽二年天竺僧覺救譯宗密疏解圓覺之旨佛為

十二大士說如來本起因地終之以三觀楞嚴之旨阿難因遇魔境問學菩提最初方便終之以二義蓋圓覺自誠而明楞嚴自明而誠雖若不同而二義三觀不出定慧其歸豈有二哉

六祖解心經一卷

右唐僧慧能解慧能其徒尊之為六祖

忠國師解心經一卷

右唐僧慧忠肅宗師事之此其所著書也

心經會解一卷

右唐陳留僧玄奘譯并著般若者華言智慧波羅密多者

華言到彼岸謂智可以濟物入聖域也長安中僧法藏為之疏元豐中僧法泉亦注之

楞嚴經疏二十卷

右唐神龍二年天竺國僧彼岸於廣州譯房融筆授宋朝僧子璿撰疏王隨為之序

楞嚴標指十卷

右宋朝僧曉月撰其弟子應乾錄范岫為之序圓覺經云修多羅教如標月其名書之意蓋取此

會解楞嚴經十卷

右唐僧彌伽釋迦譯語房融筆授宋朝井度集古今十二

家解去取之成書予嘗為之序

景德傳燈錄三十卷

右宋朝僧道原編其書披奕世祖圖采諸方語錄由七佛以至法眼之嗣凡五十二世一千七百人獻於朝詔楊億李維王曙同加裁定億等潤色其文是正差繆遂盛行於世為禪學之源夫禪學自達磨入中原世傳一人允五傳至慧能通謂之祖慧能傳行思懷讓行思之後有良价號洞下宗又有文偃號雲門宗又有文益號法眼宗懷讓之後有靈祐號寂號為仰宗又有義玄號臨濟宗五宗學徒徧於海內迄今數百年臨濟雲門洞下日愈益甚嘗攷

其世皆出唐末五代兵戈極亂之際意者亂世聰明賢豪之士無所施其能故憤世嫉邪長往不返而其名言至行譬猶聯珠疊璧雖山淵之高深終不能掩覆其光彩而必輝潤於外也故人得而著之竹帛罔有遺軼焉

玉英集十五卷

右宋^皇朝王隨撰先是楊億編次傳燈錄三十卷隨刪去其繁大半上之

天聖廣燈三十卷

右宋^皇朝^寺道勗編斷自釋迦以降仁宗御製序分燈集二十五卷

右宋^皇朝井度編蓋續三燈錄也

靖國續燈錄三十卷

右宋^皇朝僧維白編惟白靖國初住法雲寺駙馬都尉張敦禮以其書上於朝徽宗為之序分正宗對機拈古頌古偈頌五門

禪苑瑤林一百卷

右宋^皇朝井度編取三燈錄所載祖師言行附入諸方闡提語句且是正其差誤云

龍盦語錄十卷

汪本無行字

雲竇頌古八卷

右宋^皇朝僧道顛撰道顛居雲竇山所謂頌古者猶詩人之詠史云

古塔主語錄三卷

右宋^皇朝僧道古撰范文正喜之嘗親為疏請閱法有句云道行無玷孤風絕攀時以為非溢美也

碧巖集十卷

右宋^皇朝僧克勤解雪竇頌古名曰碧岩集

肇論四卷

右姚秦僧洪肇撰師羅什規模莊周之言以著此書物不

遷不真空諛樂無知般若無名四論傳燈錄云肇後為姚興所殺

觀心論一卷

右魏菩提達磨撰

百法論一卷

右唐僧玄奘譯西域僧天親所造所謂一切法者其畧有語一心法二心所有法三色法四心不相應行法五無為法心法八種心所有法五十一種色法十一種心不相應行法二十四種無為法六種故曰百法

起信論一卷

右唐僧宗密註僧真諦譯天竺第十二祖馬鳴大士所造也雖云名相蓋名心宗指義玄微文辭明緻故盛行於世若肇論百法唯識及此學者皆顯門名家故藏中所收亦錄於此

辨正論八卷

右唐釋法琳撰潁川陳良序云法琳姓陳閩中人著此書窮釋老之教源極品藻之名理宣和中以其出老子語焚毀其第二第四第五第六第八九五卷序文亦有翦棄者破邪論二卷

右唐釋法琳撰辨傳奕所排毀虞世南為之序

甄正論三卷

右唐釋法琳撰已上三書皆經宣和焚毀藏中多闕故錄之

輔教編五卷

右皇朝僧契嵩撰藤州人皇祐間以世儒多詆釋氏之道因著此書廣引經籍以證三家一致輔相其教云

玄聖蘧廬二卷

右唐李繁撰繁學於江西僧道一敬宗時嘗與丁公著陸亘入殿中抗佛老講論唐虞愈稱其家多書一覽終身不忘大和申舒元興誣其濫殺不辜繫獄知且死著書十六

篇以明禪理自謂臨死生而不懼賢於顏回在陋巷不改其樂嗚呼可謂賢矣而史載其平生行事甚醜獨何歟

原人論一卷

右唐僧宗密撰斥執迷福淺直顯真源會通本末凡四篇
宗鏡錄一百卷

右宋朝僧延壽撰延壽姓王氏餘杭人法眼嫡孫也建隆

力變心慈介古宜慈人畢文之良也

性相

卷居本旺性相二字今極難得存通政增

〇〇

知法僧更相詰難至波險處以心宗旨要折衷之因集方
等祕經六十部華梵聖賢之語三百家以佐三宗之義成

此書學佛者傳誦焉天台者僧智顓也解法華經賢首者
僧法藏也述華嚴經慈恩者僧玄奘也譯般若經

六祖壇經三卷

右唐僧惠昕撰記僧盧慧能學佛本末慧能號六祖凡十
六門周希復有序

釋氏要覽三卷

右皇朝僧道成集雜錄釋典旁求書傳分門編次成二十
類天禧三年書成

弘明集十四卷

右梁釋僧祐纂僧祐居鐘山定林寺號祐律師采前代勝

士書記文述有益於釋教者

廣弘明集三十卷

右唐僧釋道宣撰道宣麟德初居西明寺以中原自周魏以來重老輕佛因采輯自古文章下逮齊隋發明其道者以廣僧佑之書分歸正辨惑佛德法義僧行慈惻成功啓福滅罪統歸等十門

林間錄四卷

右宋^皇朝僧德洪撰記高僧嘉言善行謝逸為之序然多寓言如謂杜祁公張安道皆致仕居睢陽之類踈濶殊可咲昭德先生郡齋讀書志卷之十六終

昭德先生郡齋讀書志卷之十七

門人姚應績編

集部其類有三一曰楚詞類二曰別集類三曰總集類內別集猥多後分為上中下昔屈原作離騷雖詭譎不槩諸而英辭藻思閎麗演迤發於忠正蔚然為百代詞章之祖衆士慕嚮波屬雲委自時厥後綴文者接踵於斯矣然軌轍不同機杼亦異各名一家之言學者欲矜式焉故別而聚之命之為集蓋其原起於東京而極於有唐至七百餘家當晉之時摯虞已患其零^後雜難觀嘗自詩賦以下彙分之曰文章流別後世祖述之而為總集蕭統所選是也至

屬目

上注本無其字

其目亦存其屬目者幾希此無他凡以其虛詞濫說徒

作者其數亦甚衆其間格言偉論固多至於虛辭濫說如上所陳者知其終當泯無聞猶可以自警則其無用亦有用也是以不加銓擇焉

楚詞類

楚詞十七卷

右後漢校書郎王逸叔師註楚屈原名平為懷王左徒博

聞強志嫺於辭令後同列心害其能而讒之王怒疏平平自傷忠而被謗乃作離騷經以諷不見省納及襄王立又放之江南復作九歌天問九章遠遊卜居漁父大招自沉汨羅以死其後楚宋玉作九辨招魂漢賈誼作惜誓淮南王小山作招隱士東方朔作七諫嚴忌作哀時命王褒作九懷劉向作九歎皆擬其文而哀平之死於忠至漢武時淮南王安始作離騷傳劉向與校經書分為十六卷東京班固賈逵各作離騷章句餘十五卷闕而不說至逸自以為南陽人與原同土悼傷之復作十六卷章句又續為九思取班固二序附之為十七篇按漢書志屈原賦二十五

篇今起離騷經至大招凡六九章九歌又十八則原賦存者二十四篇耳并國殤禮魂在九歌之外為十一則溢而為二十六篇不知國殤禮魂何以係九歌之末又不可合十一為九然則謂大招為原辭可疑也夫以招魂為義恐非自作或曰景差蓋近之其卷後有蔣之翰跋云晁美叔家本也

楚詞釋文一卷

右未詳撰人其篇次不與世行本同蓋以離騷經九辨九歌天問九章遠遊卜居漁父招隱士招魂九懷七諫九嘆哀時命惜誓大招九思為次按今本九章第四九辨第八而王逸九章註云皆解於九辨中知釋文篇第蓋舊本也後人始以作者先後次第之耳或曰天聖中陳說之所為也

補註楚詞十七卷考異一卷

右未詳撰人凡王逸章句有未盡者補之自序云以歐陽永叔蘇子瞻晁文元宋景文家本參校之遂為定本又得姚廷輝本作者異且言辨騷非楚詞本書不當錄

重編楚詞十六卷

右族父吏部公重編獨離騷經仍故為首篇其後以遠遊九章九歌天問卜居漁父大招九辨招魂惜誓七諫哀時

命招隱士九懷九歌為次而去九思一篇其說曰按八卷屈原遭憂所作故首篇曰離騷經後篇皆曰離騷餘皆曰楚詞今本所第篇或不次序於是遷遠遊九章次離騷經在九歌上以原自叙其意近於離騷經也而九歌天問乃原既放之後攄憤所作者故遷於下卜居漁父自序之餘意也故又次之大招古興疑原作非景差詞沈淵不返故以終焉為楚詞上八卷九辨招魂皆宋玉或曰九辨原作其聲浮矣惜哲言弘深或以為賈誼作蓋近之東方朔嚴忌皆漢帝廷臣淮南小山之詞不當先朔忌王褒漢宣帝時人淮南小山至劉向最後作故其次序如此皆西漢以前文也為楚詞下八卷王逸東漢人九思視向以前所作相闕矣又十七卷非舊錄故去之又頗刪逸離騷經訓釋淺陋者而錄司馬遷原傳冠其首云

續楚詞二十卷

右族父吏部公編擇後世文賦與楚詞辨類者編之自宋玉以下至宋朝王令凡二十六人計六十篇各為小序以冠其首而最喜沈括以為詞近原蓋深探其用意疾徐其步驟而與之偕然亦暇而不迫也

變離騷二十卷

右族父吏部公編公既集續楚詞又擇其餘文賦大意祖

述離騷或一言似之者為一編其意謂原之作曰離騷餘皆曰楚詞今楚詞又變而迥始曰變離騷者欲後世知其出於原也猶服畫而係其姓於祖云所錄自楚荀卿至本朝王令凡三十八人通九十六首

別集類上

蔡邕集十卷

右後漢蔡邕伯喈也陳留國人仕至左中郎將後為王允所害邕博學好辭章術數天文妙操音律在東觀欲補漢紀自陳十意及付獄乞黥刑以成書不能得遂死獄中所著文章百四篇今錄止存九十篇而銘墓居其半或曰碑

銘或曰神詔詔或曰哀讚其寔一也嘗自云為郭有道碑獨無愧辭則其他可知矣凡文集其人正史自有傳者止掇論其文學之辭及略載鄉里所終爵位或死非其理亦附見餘歷官與其善惡率不錄若史逸其行事者則雜取他書詳載焉庶後有考

曹植集十卷

右魏曹植子建也太祖子文帝封植為陳王卒年三十一謚曰思年十歲餘誦讀詩論及辭賦數十萬言善屬文援筆立成自少至終篇籍不離於手按魏志景初中撰錄植所著賦頌詩銘雜論凡百餘篇隋志植集三十卷唐志植

集二十卷今集十卷比隋唐本有亡逸者而詩文二百篇
返溢於本傳所載不曉其故

王粲集八卷

右後漢王粲仲宣也高平人為魏國侍中粲博而多識強
記善算屬文舉筆便成無所改定時人常以為宿製正復
精意覃思亦不能加著詩賦論議垂六十篇今集有八十
一首按唐藝文志粲集十卷今亡西卷其詩文返多於史
所記二十餘篇與曹植集同

阮籍集十卷

右魏阮籍嗣宗也尉氏人籍志氣宏放博覽群籍尤好莊

老屬文不留意嗜酒能嘯善彈琴當其得意忽忘形體雖
不拘禮教而發言玄遠晉帝輔政為從事中郎後求為步
兵校尉

嵇康集十卷

右魏嵇康叔夜也譙國人康美詞氣有丰儀土木形骸不
自藻飾學不師授博覽該通長好莊老屬文玄遠以魏宗
室婚拜中散大夫景元初鍾會譖於晉文帝遇害

張華集三卷

右晉張華茂先也范陽人惠帝時為司空趙王倫孫秀黨
謀害之華學業優博辭藻溫麗圖緯方伎等書莫不詳覽

家有書三十乘天下奇秘悉在博物洽聞世無與比集有詩一百二十哀詞冊文二十一賦三

陸機集十卷

右晉陸機士衡也抗之子少有異才文章冠世伏膺儒術非禮不動吳滅退居舊里閉門勤學積有十年太康末入

焚毀

按原本 今機率師伐長沙王入至河橋大敗為穎所

言今機素本改通致嘗謂之曰人常恨才少

而子更患多葛洪著書亦和汪本作

今存詩賦論議牋表碑誄一百七十餘首以晉書文

正外餘多舛誤

陸雲集十卷

右晉陸雲士龍也吳郡人惠帝時為中書侍郎會兄機兵敗同遇害雲六歲能屬文性清正有才理與機齊名雖文章不及而持論過之所著文章三百四十九篇新書十篇

陶潛集十卷

右晉陶淵明元亮也一名潛潯陽人蕭統云淵明字元亮晉書云潛字元亮宋書云潛字淵明或云字深明名元亮按集孟嘉傳與祭妹文皆自稱淵明當從之晉安帝末起為州祭酒桓玄篡位淵明自解而歸州召主簿不就躬耕自資劉裕舉兵討玄誅之為鎮軍將軍淵明參其軍事未

幾改為建威參軍淵明見裕有異志乃求為彭澤令去職
潛少有高趣好讀書不求甚解著五柳先生傳以自况世
號靖節先生全集有數本七卷者梁蕭統編以序傳顏延
之誄載卷首十卷者北齊楊休之編以五孝傳聖賢群輔
錄序傳誄分三卷益之詩篇次差異按隋經籍志潛集九
卷又云梁有五卷錄一卷唐藝文志潛集五卷今本皆不
與二志同獨吳氏西齋書目有潛集十卷疑即休之本也
休之本出宋庠家云江左舊書其次第最若倫貫獨四八
日後八儒三墨二條以後人妄加

鮑照集十卷

右宋鮑照明遠也上黨人世祖以為中書舍人後臨海王
子項鎮荊州以照為參軍子項敗為亂兵所殺初孝武好文
自謂人莫能及照悟其旨為文多鄙言累句當時謂照才
盡寔不然也事見沈約書而李延壽又乃以世祖為文帝集
有唐虞炎序云為宋景所害儻見於他書乎唐人避武后
諱改照為昭

謝朓集十卷

右齊謝朓玄暉也陽夏人明帝初自中書郎出為東海太
守東昏時為江祐私黨譖害之朓少好學有美名文章清麗
善草隸尤長五言詩沈約嘗云二百年來無此詩也文選

所錄眺詩僅二十首集中多不載今附入

謝惠連集五卷

右宋謝惠連方明子也元嘉七年為彭城王法曹行參軍十歲能屬文為雪賦以高麗見竒族兄靈運每見其詩文曰張華重生不能易也

吳均集三卷

右梁吳均叔宰也史稱均博學才俊體清拔有古氣好事效之謂吳均體有集二十卷唐世搜求止得十卷今又亡其七矣舊題誤曰吳筠乃唐人此詩殊不類而其中有贈周興嗣柳貞陽輩詩固已知其非筠又有蕭子雲贈吳

朝請入東詩蓋均在武帝時為奉朝請則知為均也無疑矣蕭子雲詩八蕭子顯朱異平筠王僧孺詩各一附顏之推譏均集中有破鏡賦今已亡之

江淹集十卷

右梁江淹文通也濟陽人梁初為散騎常侍封醴陵侯少好學不事章句留情於文章晚節才思微退人謂才盡著述百餘篇自撰為前後集今集二百四十九篇魏晉間名人詩文行於世者往往羨於史所載曹植王粲及淹皆是也豈後人妄益之歟

何遜集二卷

右梁何遜仲言也東海人終水部員外郎遜少能詩州舉秀才范雲見其文嘆賞曰觀文人質則過懦麗則傷俗能含清濁古今見之何生矣沈約謂每讀卿詩一日三復猶不能已與劉孝綽以文章見重於世謂之何劉王僧孺集其文為八卷今亡逸不全

庾信集二十卷

右周庾信字子山也南陽人梁元帝時為散騎常侍聘西魏遂留長安孝閔時終司憲中大夫信在梁與徐陵文並綺麗世號徐庾體集有滕王廼序

陰鏗集一卷

右陳陰鏗字子堅幼聰慧五歲能誦詩賦日千言及長博涉史傳尤善五言詩徐陵言之於世祖使賦安樂宮援筆立成累遷散騎常侍有集三卷隋志已亡其二今所存者十數詩而已杜少陵嘗贈李太白詩有云李侯有佳句往往似陰鏗今觀斯集白蓋過之遠矣甫之慎許何乃如此

楊雄集三卷

右漢楊雄子雲也古無雄集宋朝譚愈好雄文患其散在諸篇籍離而不屬因綴輯之得四十餘篇

王績東臯子集五卷

右唐王績無功也龍門人隋大業中舉孝悌廉潔授六合

丞棄官耕東臯自號東臯子唐書以為隱逸集有吕才序稱其幼岐嶷年十五謁楊素占對英辨一坐盡傾以為神仙童子薛道衡見其登龍門憶禹賦嘆曰今之庾信也且載其卜筮之驗者數事云

楊炯盈川集二十卷

右唐楊炯也華陰人顯慶六年舉神童授校書郎終婺州盈川令卒炯博學善屬文與王勃盧照隣駱賓王以文詞齊名海內稱王楊盧駱四才子亦曰四傑炯自謂吾愧在盧前耻居王後張說曰盈川文如縣河酌之不竭耻王後信然愧盧前謙也集本三十卷今多亡逸

王勃集二十卷

右唐王勃子安也通之孫麟德初劉祥道薦其才對策高第授朝散郎沛王召署府修撰以戲為諸王鬪鷄檄高宗怒斥出府父為交趾令勃徃省溺海卒勃屬文初不精思先磨墨數升酌飲引被覆面卧及寤援筆成篇不易一字時人謂之腹藁有劉元濟序

盧照隣幽憂子集十卷

右唐盧照隣昇之也范陽人調新都尉病去官隱具茨山下手足孿廢疾久訣親戚自沉潁水照隣自以當高宗時尚吏已獨儒武后尚法已獨黃老后封嵩山聘賢士已廢

著五悲文今在集中當自號幽憂子

駱賓王集十卷

右唐駱賓王義烏人也武后時數言事得罪貶臨海丞不得志棄官去文明中徐敬業亂署府佐為敬業傳檄天下斥武后罪后讀之矍然及敗亡命不知所之後宋之間途之於靈隱寺已祝髮為浮屠矣賓王七歲能屬文妙於五言詩中宗詔求其文得百餘篇命郝雲卿次序之

蘇頲許公集二

汪本作廷石 作禦府

徐左司率禦府曹曹玄宗時中書舍人知制誥開元四年同

紫微黃門平章事頲幼敏悟一覽五千言輒覆景龍後與張說以文章顯時號燕許李德裕謂近世詔誥惟頲叙事外為文章韓休為序集本四十六卷今亡其半矣

陳子昂集十卷

右唐陳子昂伯玉也梓州人文明初舉進士上書召見累擢拾遺新唐書稱子昂聖歷初解官歸養父喪廬墓縣令段簡貪暴脅取其賂不厭逮捕死獄中沈下賢獨云為武承嗣所殺未知孰是子昂少以豪俠使氣及冠折節為學精究墳籍耽愛黃老易象尤善屬文唐興文章承徐庾餘風天下祖尚至是始變雅正故雖無風節而唐之名人無

不推之柳儀曹曰張說以著述之餘攻比興而莫能極張九齡以比興之暇窮著述而不克備唐興以來稱是選而不作者子昂而已

宋之問考功集十卷

右唐宋之問延清也汾州人武后召與楊炯分直習藝館諂事太平公主為考功員外郎睿宗初貶欽州賜死自魏建安迄江左詩律屢變至沈約庾信以音韻相婉附屬對精密及之問沈佺期又加靡麗回忌聲病約句準篇如錦繡成文學者宗之號曰沈宋徐堅嘗論之問之文如良金美玉無施不可其為當時所重如此

沈佺期集五卷

右唐沈佺期雲卿也相州人及進士第由協律郎累遷弘文館直學士常侍中宗宴舞回波為弄辭悅帝還賜牙緋

杜審言集一卷

右唐杜審言必簡也襄陽人預之後裔擢進士恃高才以傲世嘗對武后賦歡喜詩后歎重其文與李嶠崔融蘇味道為文章四友集有詩四十餘篇而已

張說集三十卷

右唐張說道濟也洛陽人永昌元年賢良方正策第一累遷鳳陶舍人睿宗時兵部侍郎平章事開元十八年終左

丞相燕國公說為文精壯長於碑志朝廷大述作多出其
手常典集賢圖書之任間為天平軍大使及致仕一歲皆
即軍中於其家論撰國史晚謫岳州詩益悽惋人謂得江
山助

李嶠集一卷

甲科為監察御史汪本下科

按羅鈔下本區一甲科為監察御
政甲

中與崔融蘇味道齊名晚諸人沒為文章宿老學者取法
集本六十卷未見今所錄一百二十詠而已或題曰卓題
詩有張方注

張九齡曲江集二十卷

右唐張九齡子壽也曲江人長安二年進士調校書郎以
道侔伊呂科策高第為左拾遺開元中為中書令卒謚文
獻九齡風度醞藉幼善屬文玄宗朝知制誥雅為帝知為
相諤有^文大臣節及貶荊州惟文史自娛朝廷許其勝流
徐堅論九齡之如^文輕縑素練寔濟時用而窘邊幅柳宗元
以九齡兼攻詩文但不能究其極尔集後有姚^子於^子所撰
行狀呂溫撰真贊鄭宗珣撰謚議徐浩撰墓碑及贈司徒
勅詞

王維集十卷

右唐王維摩詰也太原人開元九年進士終尚書右丞維幼能屬文工草隸善畫名盛安祿山反嘗陷賊中賊大宴凝碧池賦詩痛悼詩聞行在後得免死代宗訪維文章於維弟縉哀集十卷上之李肇譏維漢：水天飛白鷺陰：夏木嘯黃鸝之句以為竊李嘉祐者今嘉祐之集無之豈肇之厚誣乎

儲光羲集五卷

右唐儲光羲魯人登開元十四年進士第嘗為監察御史後從安祿山偽署賊平賊死

王昌齡詩六卷

右唐王昌齡少伯也江寧人開元十五年進士為秘書郎又中宏詞不護細行貶龍標尉以世亂歸鄉里為刺史閭丘曉所殺昌齡工詩縝密而思清時謂王江寧云

常建詩一卷

右唐常建開元十五年進士歐陽永叔嘗愛竹逕通幽處禪房花木深之句乃建詩也

劉長卿集十卷

右唐劉長卿字文房開元末中進士第至德中監察御史

汪本特運下多使字

觀察使吳仲孺誣奏貶泔州刺史已具

西岳鄂轉運留後

睦州司馬終隨州刺史長卿剛而犯上故西逢斥廢詩雖
窘於才而能鍛鍊權德輿嘗謂為五言長城今集詩九卷
雜文一卷

顏真卿文一卷

右唐顏真卿清臣也萬年人博學工辭章開元二十二年
進士又登制科代宗時為太子太師使李希烈為希烈所
害世謂真卿忤楊國忠李輔國元載楊炎盧杞拒安祿山
李希烈廢斥者七八以至於死而不自悔天下一人而已
而學問文章往往雜於神仙浮屠之說不皆合於理而所
為乃尔者盖天性然也

蕭穎士集十卷

右唐蕭穎士茂挺也梁宗室之後舉進士開元二十三年
進士中第為史館待制安祿山反竄山南節度崔圓授揚州工
曹至官信宿而去客死汝南逆旅門人謚曰文元先生穎
士善觀書一覽即通通通百家譜係書籍嘗教授濮陽時號
蕭夫子李林甫惡不附已故數罷去閤士和盛推穎士文
章以為聞蕭氏之風者童子羞稱曹陸唐書云穎士作伐
櫻桃賦以詆李林甫君子恨其禍按集載其辭有曰每俯
臨乎蕭墻姦回得而窺伺盖謂林甫之必致寇也其後果
階祿山之禍唐遂不振然則穎士可謂知幾矣宜褒而返

加以取辭何哉

張鷟龍筋鳳髓判十卷

右唐張鷟字文成辭章藻麗嘗八中制科此乃其書判也
凡一百首自號浮休子

孟浩然詩一卷

右唐孟浩然襄陽人攻五言詩隱鹿門山^年四十乃遊京師
一日諸名士集秘省聯句浩然句曰微雲淡河漢疎雨滴
梧桐衆皆欽服張九齡王維雅稱道之維私邀入禁林遇
玄宗臨幸浩然匿林下維以聞上曰素聞其人因召見命
自誦所為詩至不才明主棄之句上曰不求進而誣朕棄

人命放歸所著詩二百一十首宜城處士王士源序次為
三卷今併為一又有天寶中韋縠序

嚴從中黃子三卷

右唐嚴從開元中為著作郎春官侍讀集賢院學士卒
自號中黃子當時命太子侍文呂向訪遺文于家得訊
^考經頌等八篇序為三卷

李翰林集二十卷

右唐李白太白也白集舊十卷唐李陽冰序咸平中樂史
別得白歌詩十卷凡歌詩七百七十六篇又纂雜著為別
集十卷宋次道治平中得王文献及唐魏萬所纂白詩又

哀唐類詩洎刻石所傳者通李陽冰樂史集共一千一篇
雜著六十五篇曾子固乃考其先後而次第之云白蜀郡人
天寶初至長安明皇召為翰林供奉頃之不合去安祿山
反明皇在蜀永王璘節度東南白時臥廬山迫致之璘敗
坐繫浚陽獄崔渙宋若思驗治白以為罪薄釋其囚使謀
其軍乾元元年終以汙璘事長流夜郎以赦得釋過當塗
以卒始終更涉如此白之詩書所自序可考者也舊史稱
白山東人為翰林待詔又稱白在宣城謁見永王璘遂辟
為從事而新書又稱白流夜郎還浚陽坐事下獄宋若思
釋之者皆不合于白之自序蓋史誤也予按杜甫詩亦以

白為山東人而蘇子瞻常恨白集為庸俗所亂則白之自

序下之丁言曰

英麗

其辭逸蕩雋偉飄然有超世之心非常人可及讀者自可
別其真偽也

岑參集十卷

右唐岑參南陽人文本裔孫天寶三年進士累官補闕起
居即出為嘉州刺史杜鴻漸表置幕府為職方郎兼侍御
史罷終于蜀參博覽史籍尤工綴文屬詞清尚用心良苦
其有所得往往超拔孤秀度越常情每篇絕筆人競傳諷

汪本裴下年越字

按素介此下有越字。覆檢羅鈔本無越字。通攷裴下有瘦字。田鈔本裴下連文。

李嘉祐

李嘉祐詩二卷

右唐李嘉祐別名從一趙州人天寶七年進士為秘書正字袁台二州刺史善為詩綺靡婉麗有齊梁之風詩人以比吳均何遜云

高適集十卷集外文一卷別詩一卷

右唐高適達夫也又字仲武渤海人天寶八年舉有道科中第永泰初終散騎常侍五十始為詩即工以氣質自高每一篇出好事者輒傳布云

賈至集十卷

右唐賈至幼幾也洛陽人天寶十年明經擢第累官起居舍人知制誥從幸西川當撰傳位冊既進藁上曰先年誥命乃父為之今茲冊命又爾為之西朝大典出卿父子可謂繼美矣大曆中終散騎常侍集李邕鄆淑家本二十卷蘇弁編次常仲孺為序以墓銘叙碑列於後今亡其半蘇

史惟汪作世

宋太子劄謂之元兇因誣其指斥殊不知曹子建責躬詩有曰元兇是率蓋自謂也今至制誥中余鬼中

元兇指下汪本無稱字

七多翁子瞻失

辭因表出之

錢起詩二卷

右唐錢起微之父也吳郡人天寶中舉進士初從鄉薦客舍月夜聞人哦於庭曰曲終人不見江山數峰青起攝衣從之無所見矣及就試詩題乃湘靈鼓瑟也起即以鬼謠十字為落句主文李暉深嘉之擢置高第釋褐授校書郎終考功與郎士元齊名時曰前有沈宋後有錢郎

元子十卷琦玕一卷文編十卷

右唐元結次山也後魏之裔天寶十三年進士復舉制科授右金吾兵曹累遷容管經略使始在商餘山稱元子逃

難入琦玕洞稱琦玕子或稱浪士漁者稱為聱叟酒徒呼為漫叟及官呼為漫郎因以命其所著結性耿介有憂道閔世之意逢天寶之亂或仕或隱自謂與世聱牙豈獨其行事而然其文辭亦如之然其辭義幽約譬古鐘磬不諧於里耳而可尋玩在當時名出蕭李下至韓愈稱數唐之文人獨及結云

韓翃詩五卷

右唐韓翃君平也南陽人天寶十三年進士淄青侯希逸宣武李勉相繼辟幕府俄以駕部郎中知制誥終於中書舍人翃詩興致繁富朝野重之

杜甫集二十卷集外詩一卷註杜甫詩二十卷蔡興宗編杜詩二十卷趙次公註杜詩五十九卷

右唐杜甫子美也審言之孫天寶十三年玄宗朝獻太清宮享廟及郊奏賦三篇使待制集賢院宰相試文再遷右衛率府胄曹終於劔南參謀檢校工部員外曠放不自檢好論天下大事高而不切少與李白齊名時號李杜數當寇亂挺節無污為歌詩傷時挽弱情不忘君人憐其忠云集有王洙原叔王琪君王序皇朝自王原叔以後學者喜觀甫詩世有為之註者數家率皆鄙淺可笑有託原叔名

者其實非也呂微仲在成都時嘗譜其年月近時有蔡興宗者再用年月編次之而趙次公者又以古律詩雜次第之且為之註兩人頗以意改定其誤字云

吳筠宗元先生集十卷

右唐吳筠撰前有權德輿序筠字貞節華陰人生十五年隱於南陽天寶初召至京師請為道士居崧山已而勅待詔翰林筠知祿山將亂求還茅山許之乃東遊會稽往來天台剡中與李白孔巢父酬唱大曆中卒弟子謚為宗元先生筠通經義美文辭性高顛其待詔翰林也特承恩顧高力士素奉佛嘗短筠於帝故筠所著文賦深詆釋氏頗

為通人所譏云

獨孤及毗陵集二十卷

右唐獨孤及至之也洛陽人天寶十三年舉洞曉玄經科
及幼汪本通攷同表本作自幼

李丹李舟宜查

皇甫冉詩二卷

右唐皇甫冉茂政也丹陽人天寶十五年進士為無錫尉
歷拾遺補闕卒與弟曾齊名當時比張氏景陽益陽云集

有獨孤及序

郎士元詩一卷

右唐郎士元字君胄中山人天寶十五年進士為郢州刺
史與錢起俱有詩名而士元尤更清雅時朝廷公卿出牧
奉使若西人無詩祖行人以為愧

顧况集二十卷

右唐顧况字通翁蘇州人至德二年江東進士善為歌詩
性恢諧德宗時擢渾輔政以秘書郎召况况素善李泌及

皇甫冉詩序 汪有皇甫漫序
州司戶卒集有皇甫詩序

陳虬詩一卷

右唐陳虬未詳其行事集有長安十五詠自序云虬生長江淮間以詩句從賊近十餘年矣今我后撫運澤及四夷虬復得為太平人云云蓋蕭代間人也

盧綸詩一卷

右唐盧綸與吉中孚韓翃錢起司空曙苗發崔峒耿緯夏侯審李端皆能詩齊名號大曆十才子綸字允言累舉進士不第

耿緯詩二卷

右唐耿緯寶應元年進士為左拾遺

韋應物集十卷

右唐韋應物京兆人周道遙公曼之後左僕射扶陽公待賈生令儀令儀生盩厔生應物天寶時為三衛永泰中任洛陽丞京兆府功曹大曆十四年自鄆縣制除櫟陽令稱疾辭歸建中二年授比部郎中守滁州居頃之改江州召還擢左司郎中或媚其進媒孽之出為蘇州刺史性高潔鮮食寡欲所居焚香除地而坐詩律自沈宋以後日益靡曼鏤章刻句揣摩浮切雖音韻婉諧屬對麗密而嫺雅平淡之氣不存矣獨應物之詩馳驟建安以還得其風格云

李端司馬集三卷

右唐李端趙州人大曆五年進士為校書郎卒官杭州司馬郭暖尚昇平公主賢明招納士類故端等皆客之嘗座上賦詩奇甚王大加稱嘆錢起曰素為之請賦起姓端立獻一章云新開金埒看調馬舊錫銅山許鑄錢錢起乃服主喜厚賜之

李益詩一卷

右唐李益君虞也姑臧人大曆四年進士調鄭縣尉幽州劉濟辟從事憲宗雅聞其名召為集賢殿學士負才凌籍士類衆不能堪暴其獻濟詩不上望京樓之句以涉怨望詔降秩俄復舊益少富詞藻長於歌詩與宗人賀齊名每作一篇樂工以賂求取被聲歌供奉天子征人早行詩天下皆施之圖繪今集有從軍詩五十首而無此詩惜其放逸多矣

陸贄奏議十二卷翰苑集十卷

右唐陸贄敬輿也贄嘉興人大曆八年進士中博學宏詞書判拔萃科德宗初為翰林學士從奉天還為中書舍人平章事贄在奉天日下詔書數百初如不經思遠成皆周盡人情當為帝言今盜徧天下宜痛自悔以感人心誠不吝改過以言謝天下使臣持筆亡所忌庶叛者草心上從之故下制書雖武夫捍卒無不感動流涕議者謂興元戡

難功雖爪牙宣力蓋腹心有助焉舊翰苑集外有榜子集
五卷議論集三卷元祐中蘇子瞻乞校正進呈改從今名
疑是時哀諸集以成云

王建詩十卷

右唐王建也大曆十年進士為昭應縣丞太府寺丞大和
中陝州司馬尤長宮詞

柳郟詩一卷

右唐柳郟集有與李端盧綸輩相酬贈詩大曆間進士也

武元衡臨淮集二卷

右唐武元衡伯蒼也河南人建中四年進士元和二年以

門下侍郎平章事出劍南節度八年復秉政明年早朝遇
盜害之元衡工五言詩好事者傳之被之於管絃嘗夏夜
作詩曰夜夕喧暫息池臺惟月明無因駐清景日出事還
生翌日遇害舊有臨淮集七卷此其二也議者謂唐世工
詩宦達者惟高適達官詩工者惟元衡

羊士諤詩一卷

右唐羊士諤也貞元元年擢進士第順宗時為宣歙巡官
王叔文所惡貶汀州寧化尉元和初李吉甫知獎擢監察
御史掌制誥嘗出為資州刺史

魏信陵集一卷

右唐魏信陵貞元元年進士為舒州望江令卒

楊巨源詩一卷

右唐楊巨源字景山河中人貞元五年第進士為張弘靖從事自秘書郎擢太常博士遷禮部員外郎出為鳳翔少尹復召除國子司業巨源在元和中詩韻不造新語體律務實用功頗深旦暮搖首微咏不輟年老成疾嘗贈弘靖詩叙其世家云伊陟無聞祖常賢不到孫時人稱之年滿七十乞歸時宰惜其去以為其鄉少尹不絕其祿太和時以官壽卒

歐陽詹集十卷

右唐歐陽詹行周也泉州人終國子四門助教初閩人不肯北官及常袞為觀察使興學勸士舉進士自是詹始與韓愈李觀李絳貞元八年聯第皆天下選時稱龍虎榜云此集李貽孫纂韓退之作詹哀辭稱詹甚美大意謂詹覓舉京師將以為父母榮也又云其德行信於朋友而唐小說載詹惑太原一妓為賦高城已不見况復城中人之詩卒為之死今集中亦載焉若然則詹之志豈在其父母哉有德行者乃爾耶

韓愈集四十卷集外文一卷

右唐韓愈退之也南陽人貞元八年進士累擢知制誥進

中書舍人遷吏部侍郎為京兆尹與李紳不協紳出愈罷
為兵部俄復舊劉昫唐書稱愈恃才肆意蓋孔孟之旨若
南人妄以柳宗元為羅池神而愈碑以寔之李賀父名晉
肅不應進士而愈為作諱辨又為毛穎傳譏戲不近人情
此文章之甚紕繆者新書稱愈三歲而孤自知讀書比長
盡通六經百家學性明銳不詭隨每言文章自相如子長
後作者不世出故深探本原卓然樹立成一家言造端置
辭要為不襲蹈前人者議者謂舊史譏其文章甚紕繆固
不待辨而新史褒其造端置辭不襲蹈前人亦未為知愈
蓋愈之置辭字字悉有據依其造端如毛穎傳進學解之

類皆有所師範云其集屢經名人是正其訛舛絕少但編
次殊失倫類有暇日者宜再編之

李絳論諫集七卷

右唐李絳深之也贊皇人貞元八年進士中宏詞補渭南
尉六年進中書侍郎

絳偉儀質汪作儀質魁偉

一時賢不肖太分屢為讒邪所中平生論諫數十百事其
甥夏侯孜所編大中史官蔣偕為序

李觀文編三卷外集二卷

右唐李觀元賓也華之從子貞元八年進士中宏詞科終

太子校書郎觀為文不襲前人時謂與韓愈相上下議者以觀少天文未極愈老不休故擅名陸希聲大順中編觀文為之序以為觀尚辭故辭勝理愈尚質故理勝辭雖愈窮老終不能加觀之辭觀後愈死亦不能逮愈之質云其後蜀人趙昂又得其安邊書至晁錯論一十四首為後集二卷頃年從父詹事公掌誥命以四之日為四日不學者闕然以為非觀集中亦云爾乃知本於此

柳宗元集三十卷集外文一卷

右唐柳宗元子厚也後魏濟陰公某之裔貞元九年進士中博學宏詞科授校書郎終於柳州刺史宗元少精敏絕

倫為文章卓偉精緻既竄斥堙厄感鬱一寓諸文做離騷數十篇讀者悲惻在柳州進士走數千里從學經指授者文辭皆有法書號柳柳州韓愈評其文曰雄深雅健似司馬子長崔蔡不足多也集中有御史周君碣司馬溫公考異以此碣為周子諒碣實開元二十五年宗元作天寶時誤按此碣殊踈略舊唐書紀牛仙客傳玄宗寔錄皆載子諒彈牛仙客杖流瀼州死藍田

劉禹錫集三十卷外集十卷

右唐劉禹錫夢得也中山人貞元九年進士登博學宏詞科貶朗州司馬元和十年召還欲任以南省郎作玄都觀

看花詩譏忿當路出為播州刺史裴度以母老為請得易
連州入為主客郎中復作游玄都詩以詆權近倣分司東
都遷賓客會昌時加檢校禮部尚書卒禹錫少工文章恃
才而廢年老寡所合乃以文章自適素善詩晚節尤精白
居易推為詩豪嘗言其詩在處有神物護持禹錫早與柳
宗元為文章之友稱劉柳晚與白居易為詩交友號劉白雖
詩文似少不及然能抗行二人間信天下之奇才也

孟郊詩集十卷

右唐孟郊東野也湖州人貞元十二年進士調溧陽尉辟
為興元參謀卒郊少隱嵩山性介寡合韓愈一見為忘形

交為詩有理致然思苦澁李觀論其詩曰高處在古無上
平處下顧二謝云張籍謚為貞曜先生集宋次道重編先
時世傳汴吳鏐本五卷一百二十四篇周安惠本十卷三
百三十一篇別本五卷三百四十篇蜀人蹇濬用退之贈
郊句纂成咸池集二卷一百八十篇自餘不為編秩雜錄
之家家自異次道摭拾遺逸摘去重複若體制不類者得
五百十一篇而四十聯句不與焉一贊二書附於後郊集於
是始有完書

呂溫集十卷

右唐呂溫和叔也一字化光河中人貞元十四年進士以

善常執誼王叔文起家再命左拾遺同張薦使吐蕃元和
初使還累進知御史雜事再貶道州刺史徙衡州溫從梁
肅為文章規摹左氏藻瞻精富流輩推尚劉禹錫為編次
其文序之云古之為書先立言而後體物賈生之書首過
秦而荀卿亦後其賦故斷自人文化成論至諸葛武侯廟
記為上篇今集先賦詩後雜文非禹錫本也

李翱集十八卷

右唐李翱習之也涼武昭王之後貞元十四年進士調校
書郎知制誥會昌初終山南東道節度使翱性峭鯁論議
無所屈仕不得顯官怫鬱無所發從韓愈為文詞致渾厚

見推當時集皆雜文無歌詩前有蘇舜欽序云唐之文章
稱韓柳翱文雖辭不逮韓而理過於柳

張籍詩集五卷

右唐張籍文昌也和州人貞元十五年登進士第終國子
司業籍性狷急為詩長於樂府多警句元和中與白居易
孟東野歌詞天下宗之謂之元和體云集張洎編

集張洎編汪本作其集五卷張洎為之編次

覆樓通政謂一自末年云云有一本僅三卷
必五年其集云云界知存石本作集張洎編四子

昭德先生邵齋讀書志卷第十七終

昭德先生邵齋讀書志卷之十八

江本無唐史云三字

楊通政有唐史云三字

無詩中二字

楊表年

江本作居易於文章最為精切然尤二詩年初頗以規諷為失及其多更下偶俗好十五字

按瞿鈔本表年通政有初年之俗好十五字

江本年多與元微

劉白十九字

按瞿鈔本通政有與元微劉白十九字表本年

鄭其榮開貞元十七年進士中表年才年表年一二
調整屋尉入翰林為學士太和初遷刑部侍郎會昌初以
刑部尚書致仕居易於文章精切然最工詩初頗以規諷
得失及其多更下偶俗好當時士人爭傳鳴林賈國相率
篇易一金酬唱故號元白與劉禹錫齊名號劉白在杭州

自類詩稿分諷喻閑適感傷雜律四類前集五十卷有元

慎亭後集 一一二 汪本作 高矣八字楊麗鈔本表本 通以有進士以義

予嘗謂汪作予按楊麗鈔本表本 通以有進士以義 汪本作 牛李堂中下下有其風流高尚

風派高矣八字 下無字 汪本臨下無入字 按表本通改作八

進退以義可想見矣楊麗鈔本表本通考 年無凡五其矣十三字

以編年書致、汪本作及致、編年、通以同此

編年書致、汪本作及致、編年、通以同此

編年書致之崖壯壯時樂天沒將踰年或曰滄屨其竹也

戴叔倫述藁十卷外詩一卷書狀一卷

右唐戴叔倫幼公也潤州人為入溫雅善舉止中進士第

累遷容管經略使政治稱最德宗賜中和詩以以為榮代

還請為道士未幾卒集有馬總序或題曰會錄唐史但云

師事蕭穎士初不以稱其能詩以時人少其詩骨氣繇弱

故也

權德輿集五十一 劉樹石

十五年汪本多五字覆按表本 有五字 元并文章稱謂儒間貞元

十年知制誥累官中書舍人元和五年以禮部尚書平章

事德輿三歲知變四聲四歲能賦詩積思經術無不貫綜

自始學至老未曾一日去書其文雅正瞻緝當時公卿功

德卓異者皆所銘記雖動止無外飾其醞藉風流自然可

慕貞元元和間為播紳羽儀其西漢辨亡論世祖封不義侯議世多稱之云嘗自纂制誥集五十卷楊憑為序今亡逸文集孫憲孫編次楊嗣復為序

符載集十四卷

右唐符載字厚之岐襄人幼有宏遠之志隱居廬山聚書萬卷不為章句學貞元中李巽江西觀察薦其材授奉禮郎為南昌軍副使繼辟西川韋臯掌書記澤潞都士美參謀歷協律郎監察御史元和中卒段文昌為墓誌附於後集皆雜文末篇有數書而已集前有崔群王湘送符處士歸觀序皆云載蜀人以比司馬王楊云

張登集六卷

右唐張登性剛潔介特始以巾褐就辟歷衛佐廷尉平監察御史貞元中改河南士曹掾遷殿中侍御史漳州刺史居七年坐公累受劾吏議侵誣感疾卒權德輿為之序甚詳以公幹景陽比之國史補亦稱登長於小賦氣宏而密間不容髮有織成隱起結綵蹙金之狀其舊集詩賦之外書啟序述誌記銘誄合一百二十二篇今存者總六十餘首

戎昱集三卷

右唐戎昱撰初李蘧廉察桂林月夜聞隣居吟詠之音清

暢遲明訪之乃昱也即延為幕賓後因飲席調其侍兒曩
微知其故意即贈之昱感作賦詩有恩合死前酬之句又為
衛伯玉荆南從事後歷辰虔二州刺史

元稹長慶集六十卷外集一卷

右唐元稹微之也河南人擢明經書判入等授校書郎元
和初舉制科對策第一拜左拾遺在江陵與監軍崔潭峻
善潭峻以稹歌詩奏御穆宗賞悅除祠部郎中知制誥未
幾入翰林為中書舍人承旨學士長慶二年拜同中書門
下平章事稹為文長於詩與白居易齊名號元和體往
播樂府穆宗在東宮妃嬪近習皆誦之宮中呼元才子及

知制誥變詔書體務純厚明切盛傳一時有長慶集百卷
今亡其四十卷又有外集一卷詩五十二篇皆宮體也

皇甫湜文六卷

右唐皇甫湜持正也睦州人元和元年進士仕至工部郎
中裴度辟東都判官度修福先寺求碑文於白居易湜怒
曰近捨湜而遠取居易請從此辭度謝之湜即酣飲援筆
立就度贈車馬繒綵甚厚湜怒曰吾自為顧况集序未嘗
許人今碑字三千一字三縑何遇我薄邪度笑曰不羈之
才也從而酬之今集雜文三十八篇而已况集序在焉而
碑已亡矣

李紳追昔遊三卷

右唐李紳公垂也亳州人元和元年進士補國子助教穆宗召為翰林學士累進中書舍人武宗即位拜中書侍郎平章事紳為人短小精悍於詩最有名號短李與李德裕元稹同時號三俊追昔遊者蓋賦詩紀其平生所遊歷謂起梁漢歸諫署翰苑及播越荆楚踰嶺嶠上高安移九江過鍾陵守滁陽轉壽春留洛陽廉會稽分務東周守蜀鎮梁也開成戊午八月自為之序

鮑溶詩五卷

右唐鮑溶字德源元和四年中進士第集中有別韓博士愈

詩云不知無声淚中感一顧厚蓋退之所嘗推激也張為謂溶詩氣力宏贍博識清度雅正高古衆才無不備具曾子固亦愛其詩清約謹嚴而遠理者少因以史館本及歐公所藏互校得二百三十三篇今本有一百九十二篇餘逸

朱倣詩一卷

右唐朱倣字長通襄陽人隱居剡溪嗣曹王臯鎮江西辟節度參謀貞元初召為拾遺不就

沈亞之集十卷

右唐沈亞之字下賢長安人元和十年進士涇原李彙辟

之過其家使賦詩援筆輒就自目曰高軒過二人大驚年二十七終協律即賀詞尚竒詭為詩未始先立題所得皆驚邁遠去筆墨畦迳當時無能效者樂府十數篇雲韶工合之絃管云或說賀卒後為不相悅者盡取其所著投園中以故世傳者不多外集予得之梁子美家姚鉉頗選載文粹中

盧仝詩一卷

右唐盧仝范陽人隱少室山號玉川子徵諫議不起唐史稱韓愈為河南令愛其詩厚禮之嘗作月蝕詩以譏元和逆黨愈稱其工按其詩云元和庚寅蓋五年也憲宗遇弒

在十五年後十歲也豈追託庚寅歲事為詩乎不然則史誣也後死於甘露之禍

劉義詩一卷

右唐劉義也少嘗任俠殺人後更折節讀書善歌詩客韓愈門作硃冰柱雪車二詩出盧仝李賀右歸齊魯不知所終今集二十餘篇爾不載二詩

斷金集一卷

右唐李逢吉令狐楚自未第至貴顯所唱和詩也後逢吉卒楚編次之得六十餘篇裴夷直名曰斷金集為之序

杜牧樊川集二十卷外集一卷

右唐杜牧：之也京兆人大和二年進士復舉制科會昌中以考功郎中知制誥終中書舍人牧善屬文剛直有奇節敢論引大事指陳利病為詩情致豪邁人號小杜以別甫云臨終自為墓誌悉焚所為文章其甥裴廷翰輯其藁編次為之後序樊川蓋杜氏所居外集皆詩也

許渾丁卯集二卷

右唐許渾字用晦圉師之後大和六年進士為當塗太平二令以病免起潤州司馬大中三年為監察御史歷虞部員外睦郢二州刺史嘗分司於宋方丁卯間自編所著因以為名賀鑄本跋云按渾自序集三卷五百篇世傳本西

卷三百餘篇求訪二十年得沈氏曾氏本并取擬玄天竺

通攷注本皆作五百四十四篇

也

李涉歌詩一卷

右唐李涉也早從陳許辟一再謫官夷陵大和中為太學博士自號清溪子渤三詩附

雍陶詩五卷

右唐雍陶國鈞大和八年進士大中六年自國子毛詩博士出刺簡州唐志集十卷今亡其半

李商隱樊南甲集二十卷乙集二十卷又文集八卷
右唐李商隱義山也隴西人開成二年進士令狐楚奏為
集賢校理楚出汴滑興元皆表幕府嘗補太學博士初為
文瑰邁奇古及從楚學儻偶長短而繁縟過之旨意能感
人人謂其橫絕前後無儔者今樊南甲乙集皆四六自為
序即所謂繁縟者又有古賦及文共三卷辭旨恢詭宋景
文序傳中稱誦恠則李商隱蓋以此詩五卷清新纖艷故
舊史稱其與溫庭筠段成式齊名時號三十六體云

李德裕會昌一品集二十卷姑臧集五卷平泉詩一
卷窮愁志三卷別集八卷又賦一卷

右唐李德裕文饒也趙郡人宰相吉甫之子少力於學既
冠卓犖有大節不喜與諸生試有司憲宗時以廕補校書
郎穆宗初擢翰林學士號令大典皆出其手進中書舍人
召兵部尚書中書門下平章事會昌初復秉政平澤潞策
功拜太尉封衛公大中貶崖州司戶參軍三年卒德裕性
孤峭明辨有風采善為文章雖在大位手不去書謀議援
古衮衮可喜為武宗知常以經綸天下為己任時王室幾
中興烏一品集鄭亞為之序皆會昌制誥表狀外內冊贊
碑序文也賦詩四首窮愁志乃崖州所撰姑臧集題段全
緒纂上四卷亦制誥第五乃憂黜斯朝貢傳與八詩別集

乃哀合古賦平泉詩集外雜著又有古賦一卷載金松等
四賦

陳黯文集三卷

右唐陳黯撰黯字希孺潁川人十歲能詩十三袖文謁清
源牧牧面令賦詩頗稱賞之由是一時聲名大振會昌初
就鄉薦至禮部輒罷歸咸通中卒有羅隱黃滔序

劉德仁詩集一卷

右唐劉德仁公主之子長慶中以詩名五言清瑩獨步文
場自開成後昆弟皆居顯仕獨自若於詩舉進士二十年
竟無所成嘗有寄所知詩云外族帝王是中朝親故稀翻

令浮議者不許九霄飛及卒詩僧棲白以絕句吊之曰忍
苦為詩身到此冰魂雪魄已難招直教桂子落墳上生得
一枝寬始銷

劉綺莊歌詩四卷

右唐四庫書目有綺莊集十卷今所餘止四卷詩三十二
啟狀四十四而已惜其散落大半其本乃南唐故物紙墨
甚精後題曰昇平四年重題印其文云建鄴文房本內密
字皆闕其畫而超字不闕蓋吳氏所繕寫也其詩如置酒
揚州送人皆不凡而樂府格調尤高然史逸其行事詩中
亦不可考獨啟事內有白帶崔三相公狀白乃敏中崔乃

元式韋乃琛也三人同相於宣宗初載其末云限守藩服則知綺莊時已任刺史矣

薛逢歌詩二卷

右故唐薛逢陶臣也河東人會昌元年進士祕書監逢持論醜切以謀略高自標顯與楊收王鐸同年登第而逢文藝最優收作相逢有詩云誰知金印朝天客同是沙堤避路人鐸作相逢又有詩云昨日鴻毛萬鈞重今朝山岳一毫輕二人皆怒故不見齒

鄭畋集五卷

右唐鄭畋台文也滎陽人會昌二年進士書判入等授校

書郎調渭南尉知制誥中書舍人乾符四年以本官同中書門下平章事二年召復秉政至成都以疾不拜終太子少保葉章皆乾符掌判勅語云

趙嘏渭南詩三卷

右唐趙嘏承祐也會昌四年進士終渭南尉杜紫微讀其早秋詩云殘星幾點鴈橫塞長笛一聲人倚樓因謂之趙倚樓云

孟達詩一卷

右唐孟達字叔之平昌人會昌五年陳商下及第

薛能集十卷

右唐薛能字大拙汾州人會昌六年登進士第大中末書
判中選補盤屋尉辟太原陝虢河陽從事李福鎮滑表署
觀察判官歷御史都官刑部員外郎福徙西蜀奏以自副
咸通中攝嘉州刺史造朝遷主客度支刑部郎中俄刺同
州京兆尹溫漳貶命權知尹事出師咸化入授工部尚書
復節度徐州徙忠武廣明元年徐軍成澱水經許能以軍
懷舊惠館之城中時軍懼免襲大將周岌乘衆疑怒逐能
據城自稱留後因屠其家能政嚴察絕私謁癖於詩自賦
一章晚節惑浮屠法奉之唯謹然姿驚倨傲佻輕以忤物
及為藩鎮尤易武吏嘗命其子屬橐鞬雅拜新進士或問

其故曰與渠銷弭灾咎云

李郢端公詩一卷

右唐李郢楚望也大中十年進士詩調清麗居餘杭疎於
馳競為藩鎮後事兼侍御史

鄭嵎津陽門詩一卷

右唐鄭嵎字賓光大中五年進士津陽郎華清宮之外闕
嵎開成中過之聞逆旅主人道承平故實明日馬上裁刻
成長句一千四百言自有序云

劉滄詩一卷

右唐劉滄字蘊靈大中八年進士詩頗清麗句法絕類趙

嘏

孫樵經緯集三卷

右唐孫樵字隱之大中九年進士廣明初黃巢犯闕赴岐隴授職方員外_郎時詔書曰行在三絕以常侍李隲有曾閔之行前進士司空圖有巢由之風樵有楊馬之文遂輯所著名經緯集

李群玉詩一卷

右唐李群玉文山也澧州人曠逸不樂仕進專以吟咏自適詩筆妍麗才力道健好吹笙善書翰親友彊赴舉一上而止裴休廉察湖南延郡中大中八年來京師進詩三百

篇休復論薦授弘文館校書郎集後附其進詩表并除官制太平廣記所載黃陵廟事甚異其絕句在焉

張祐詩一卷

右唐張祐字詠吉清河人樂高尚客淮南杜牧為度支使善其詩嘗贈之詩曰何人得似張公子千首詩輕萬戶侯嘗作淮南詩有人生只合揚州死禪智山光好墓田大中中果終丹陽_隱舍人以為讖云

陳陶集二卷

右唐陳陶嵩伯也鄱陽人大中時隱洪州西山自號三教布衣云江南野史有傳

于武陵詩一卷

右唐于武陵大中進士

令狐楚表奏十卷

右唐令狐楚字殼士撰楚相憲宗為文善於牋奏自為序云登科後為桂并四府從事^學牋奏者十三年始遷御史綴其藁得一百九十三篇自號白雲孺子

溫庭筠金筌集七卷外集一卷

右唐溫庭筠也庭筠本名岐字飛卿宰相彥博之裔詩賦清麗與李商隱齊名時號溫李能逐弦吹之音為側艷之辭為行塵雜由是累年不第終國子助教宣宗嘗作詩賜

宮人句有金步搖遣場中對之庭筠對以玉跳脫上喜其敏欲用之而嘗作詩忤時相令狐綯終廢斥云

皮日休文藪十卷

右唐皮日休字襲美一字逸少襄陽人隱鹿門山自號醉吟先生以文章自負尤善箴銘咸通八年登進士第為著作佐郎太常博士乾符喪亂東出閔為毗陵副使陷巢賊中賊遣為讖文疑其譏已遂害之集乃咸通丙戌年居州里所編自序云發篋次類文藁繁如藪澤因以名之凡二百篇

司空圖一鳴集三十卷

右唐司空圖表聖也河中人咸通十一年王凝下及第黃巢陷長安僖宗次鳳翔召拜知制誥中書舍人朱溫將纂召為禮部尚書不赴聞哀帝遇弑不食而卒圖居中條山自號知非子耐辱居士集自為序以濯纓亭一鳴總名其集子荷別為集後記最長於詩其論詩有曰梅止於酸而鹽止於鹹味常在於酸鹹之外謂其詩棊聲花院靜幡影石壇高之句為得之人以其言為然

唐彥謙鹿門詩一卷

右唐唐彥謙茂業也并州人咸通末舉進士第中和王重榮表河中從事歷鄴度副使晉絳二州刺史重榮遇害貶

漢中掾興元楊守亮留署判官遷副使閬壁刺史卒彥謙才高負氣無所摧屈博學多藝尤能七言詩師溫庭筠故格體類之世稱耳聞明主提三尺眼見愚民盜一坏蓋彥謙句也自號鹿門先生有薛廷珪序

曹唐詩一卷

右唐曹唐字堯賓桂州人初為道士咸通中為府從事卒作遊仙詩百餘篇或靳之曰堯賓嘗作鬼詩唐曰何也并底有天春寂：人間無路日茫：非鬼詩而何唐乃大哂今集中不見然他詩及神仙者尚多

秦韜玉投知小錄三卷

右唐秦韜玉字中明京兆人有詞藻工歌吟險而好進為田令孜所善僖宗幸蜀令孜引為工部侍郎中和二年賜進士第編入春榜

雲臺編三卷宜陽外編一卷

右唐鄭谷字守愚宜陽人光啟三年擢高第遷右拾遺歷都官郎中乾寧四年歸宜春卒於別墅其集號雲臺編者以其扈從華山下觀居所編次谷詩屬思凝切於理而格韻繁猥語句浮俚不競不為議者所多然一時傳諷號鄭都官而弗名也

陸龜蒙笠澤叢書四卷

右唐陸龜蒙魯望也蘇州人少高放通六經大義尤明春秋舉進士一不中從張搏為蘇湖從事居松江甫里以文章自怡少工歌詩其體裁不一卒造乎平淡而已自號江湖散人或號甫里先生著作之博新史多取之而獨不云工歌詩笠澤者松江地名也其集自序云自乾符六年春臥病笠澤時亦隱几著詩賦銘記往錄雜發混而錄之故曰叢書今按其集歌詩為多又比他文最工新史踈漏如此

韓偓詩三卷香奩集一卷

右唐韓偓致堯也京兆人龍紀元年進士累遷諫議大夫翰林學士昭宗幸鳳翔進兵部侍郎承旨朱全忠怒貶濮

州司馬榮懿尉天祐初挈族依王審知而卒香奩集沈括筆談以為和凝所作凝既貴惡其側艷故詭稱偃著或謂括之言妄也

李洞詩一卷

右唐李洞字才江諸王之孫慕賈島為詩銅鑄其像事之如神時人多謂其僻澁不貴其奇峭唯吳融稱之昭宗時不第遊蜀卒

杜荀鶴唐風集十卷

右唐杜荀鶴池州人大順二年進士善為詞句切理宣州田頌重之嘗以牋問至梁祖薦為翰林學士主客員外特

勢侮易搢紳衆怒欲殺之而未及天祐初病卒有顧雲序荀鶴自號九華山人

程晏集六卷

右唐程晏字晏然乾寧二年進士集皆雜文

孫郃文纂一卷

右唐孫郃字希韓四門人乾寧四年進士好荀揚孟之書慕韓愈為校書郎河南府文學舊四十卷

朱朴致理書十卷

右唐朱朴也襄陽人以三史舉為荆門令乾寧中方士許巖士得幸禁中言朴有經濟才帝幸石門召對即拜諫議

大夫平章事

曹松詩一卷

右唐曹松夢徵也舒州人學賈島為詩天復元年與王希羽劉象柯崇鄭希顏同登第年皆七十餘號五老榜時以新平內難聞放進士喜特勅授校書郎而卒

裴說詩一卷

右唐裴說撰天祐三年進士詩有避亂一身多之句讀者悲之

羅虬比紅兒詩一卷

右唐羅虬也皇朝方性夫注虬詞藻富贍與其族人隱鄴齊名時號三羅從鄜州李孝恭籍中有杜紅兒者善歌常

為副使者屬意副使聘隣道虬請紅兒歌贈之以綵孝恭不令受虬怒拂衣而起詰旦手刃之既而追其冤作絕句詩百篇借古人以比其艷盛行於世

方干詩集一卷

右唐方干字雄飛歙人唐末舉進士不第隱鏡湖上徐凝有詩名一見干器之授以詩律其貌寢陋又免闕而喜凌侮嘗謁廉帥誤三拜人號方三拜將薦於朝而卒門人謚玄英先生其集楊弁與孫郃編次遺詩王贊為序郃又為玄英先生傳附

王德輿詩一卷

右唐王德輿集有次韻和鄭畋詩知其懿僖間人也

沈彬集一卷

右南唐沈彬保大中以尚書郎致仕居高安集中有與常莊杜光庭貫休詩唐末三人皆在蜀疑其同時避亂嘗入蜀云上李昇山水圖詩在焉

熊皦屠龍集五卷

右晉熊皦後唐清泰二年進士為延安劉景巖從事天福中說景巖歸朝擢右司諫坐累黜上津令集有陶穀序陳沆賞皦早梅詩云一夜欲開盡百花猶未知曰太妃容德於是乎在

沈顏聲書十卷

右偽吳沈顏字可鑄傳師之孫天復初進士為校書郎屬亂離奔湖南避^辟逃官吳國建為淮南逃官禮儀使兵部郎中知制誥翰林學士順義中卒顏少有詞藻琴碁皆臻妙場中語曰下水船言為文敏速無不載也性閑淡不樂世利嘗疾當時文章浮靡做古著書^百篇取元次山聲叟之說附己志而名書其自序云自孟軻以後千餘年經百千儒者咸未有聞焉天厭其極付在鄙子其誇誕如此

胡笳十八拍一卷

右唐劉商撰漢蔡邕女如琰為騎所掠因胡人吹蘆葉以

為歌遂翻為琴曲其辭古淡商因擬之以叙琰事盛行一時商彭城人擢進士第歷臺省為郎好道術隱義興胡父諸世傳其仙去

鼎國詩三卷

右後唐李雄撰雄洛鞏人莊宗同光甲申歲遊金陵成都鄴下各為咏古詩三十章以三國鼎峙故曰鼎國

羅隱甲乙集十卷讒書五卷

右杭越羅隱字昭諫餘杭人唐乾符中進士不第從事諸鎮皆無合久之而歸錢鏐辟掌書記歷鄴度判官副使奏授司勳郎中梁祖以諫議大夫召不行魏博羅紹威推為叔

父表薦給事中卒隱少聰敏作詩著文以譏刺為主自號江東生其集皆自為序

張蠓詩一卷

右偽蜀張蠓字象文清河人唐乾寧中進士為校書郎樸陽尉犀浦令王建開國拜膳部員外郎後為金堂令王衍與徐后遊大慈寺見壁間書牆頭細雨垂纖草水面回風聚落花愛之問知蠓句給札令以詩進蠓以二百首獻衍頗重之將召為知制誥宋光嗣以其輕傲止賜白金而已蠓生而穎秀幼能為詩作登單于臺有白日地中出黃河天外來之句為世所稱

盧延讓詩一卷

右偽蜀盧延讓子善也唐光化元年進士朗陵雷滿辟滿敗歸遠王建及僭號授水部員外郎累遷給事中卒官終刑部侍郎延讓師薛能詩不尚竒巧人多謂其淺俗獨吳融以其不蹈襲大竒之

牛嶠歌詩三卷

右偽蜀牛嶠字延峰隴西人唐相僧孺之後博學有文以歌詩著名乾符五年進士歷拾遺補闕尚書郎王建鎮西川辟判官及開國拜給事中卒集本三十卷自序云竊慕李長吉所為歌詩輒効之

韋莊浣花集五卷

右偽蜀韋莊字端己仕王建至吏部侍郎平章事集乃其弟藹所編以所居即杜甫草堂舊址故名偽史稱莊有集二十卷今止存此

孫光憲鞏湖編玩三卷

右荆南孫光憲字孟文陵州人王衍降唐避地荆南從誨辟掌書記歷檢討秘書監御史大夫王師收閬州光憲勸其主獻三州地乾德中終黃州刺史自號葆光子

李煜集十卷

右偽唐主李煜重光也璟之子少聰悟喜讀書屬文工書

畫知音律建隆三年嗣偽位開寶八年王師克金陵封違命侯太平興國三年終隴西郡公贈吳王江隣幾雜志云為秦王廷美所毒而卒

韓熙載文集五卷

右偽唐韓熙載字叔言北海人後唐司空

佳言

王品不為虞部

汪本多郎字

員外史館修撰兼太常博士知制誥頃之請誅陳覺黜和州司馬復召中書舍人累遷兵部尚書第宅華俊妓樂四十餘人不加檢束時人比徐之才璟屢欲依以為相用是不果後左授右庶子分司乃畫斥群妓單車引道留為秘

書監俄復位已而其去妓皆還熙載天才俊敏工隸書及畫聲名冠一時自朱元叛後煜頗疑北人多因事誅之熙載愈益淫縱然喜延譽後進如舒雅等後多知名謚曰文

孫晟文集三卷

右南唐孫晟字鳳密州人好學有文辭尤長於詩書為道士常畫賈島像置於屋壁晨夕事之後乃儒服謁唐莊宗於鎮州莊宗以為著作佐郎天成中奔於吳李昇父子用之為相周世宗征淮璟懼遣晟奉表求和世宗召問江南事不對殺之璟聞贈魯國公

潘佑榮陽集十卷

右偽唐潘佑金陵人韓熙載薦於璟授秘書正字直崇文館煜時為虞部員外史館修撰知制誥中書舍人佑性貞介文章瞻逸尤長論議坐言事悖慢下獄自經死人頗言張洎譖之

李有中詩集二卷

右偽唐李有中嘗為新塗令與水部郎中孟賓于善賓于稱其詩如方干賈島之徒賓于晉天福中進士也有中集中有贈韓張徐三舍人韓乃熙載張乃洎徐乃鉉也春月詩云乾坤一夕兩草木萬方春頗佳他皆稱是

徐鉉梅頂集一卷

一本作徐鉉集三十卷

右偽唐徐鉉字鼎臣廣陵人仕楊溥為秘書郎直宣徽北院掌文翰李昇時知制誥煜時累遷翰林學士歸朝為直學士院給事中散騎常侍淳化初坐累黜靖難軍司馬鉉初至京師見御毛褐者輒哂之郊苦寒竟以冷氣入腹而卒鉉幼能屬文尤精小學嘗謂為文速則意思雄壯緩則體勢踈慢故未嘗沉思集有陳彭年序

賈島長江集十卷

右唐賈島浪仙也詩共三百七十九首唐書稱島范陽人初為浮屠名無本後從韓愈遂去浮屠舉進士累舉不第文宗時坐飛謗謫長江主簿會昌初終普州司倉參軍今

長江祠堂中有石刻大中九年墨制也大中宣宗年號與傳不合據言又載武宗時謫去尤差誤

皎然杼山集十卷

右唐僧皎然撰字如晝吳興人謝靈運十世孫工篇什德宗詔錄本納集賢院集前有于頓序并贈畫上人詩

貫休禪月集三十卷

右唐僧貫休撰字德隱姓姜氏婺州人後入蜀號禪月大師初吳融為之序其弟子曇域削去別為序引偽蜀乾德中獻之

清塞詩一卷

右唐僧清塞字南卿詩格清雅與賈島無可齊名寶曆中姚合為杭州刺史因携書投謁合聞其誦哭僧詩云凍鬚亡夜剃遺偈病中書大愛之因加以冠巾為周賀云

碧雲詩一卷

右唐僧虛中詩也司空圖嘗以詩贈之云十年太華無知己只得虛中一首詩

薛洪度詩一卷

右唐薛濤字洪度西川樂伎工為詩當時人多與酬贈武元衡奏校書郎大和中卒李肇云樂伎而工詩者濤亦文妖也

花藥夫人詩一卷

右偽蜀孟昶愛姬也青城費氏女幼能屬文長於詩宮詞尤有思致蜀平以俘輸織室後有罪賜死

吳越掌記集一卷

右唐羅隱掌錢鏐記室所著表啓也

昭德先生郡齋讀書志卷第十八終

昭德先生郡齋讀書志卷之十九

門人姚應績編

別集類下

神宗皇帝御集二百卷

右宋^皇朝神宗皇帝撰章惇等纂紹聖初以元祐中所集止九百四十三道有旨命惇^命再加編次至元符中書成比元祐所編增八千七百三十道分文辭政事邊機三門言者仍以元祐之臣託以邊機不宜洩露掩沒先帝盛美於是徧以賜群臣云

范魯公集三十卷

右宋^望朝范質字文素大名人後唐長興中舉進士時和凝
典貢舉覽質程文器之自以登第名在十三即以其數處
質舉子謂之傳衣鉢晉天福中為翰林學士周廣順初拜
相太祖受禪加兼侍中乾德二年始罷為太子太傅卒年
五十四將終戒其子旻勿請謚勿刻墓碑質力學強記好
聚書既登朝猶手不釋卷國史載其示從子詩家書自序
薦呂餘慶趙普表三篇

趙韓王集三卷

右宋^望朝趙普字平則薊州人其父迂洛陽占籍焉乾德中
代范質為平章事太平興國六年及端拱初三八相薨封

真定王謚忠獻卒年七十一普初無學術太宗勉之晚年
頗該博

柳仲塗集一卷

汪作紹先

覆按先瞿鈔本元蓋紹元意猶肩愈也疑元字是通考元

98

右宋^望朝柳開字仲塗大名人開寶六年進士大^{太平}中興國中
上書願脩邊用授崇儀使知寧邊軍徙全桂二州貶復州
團練副使居久之復官歷環邠曹邢代忻滄五州咸平四

胡周父文集十卷

右宋朝胡旦字周父渤海人太平興國三年進士第一人
知海州上河平頌先是盧多遜趙普罷頌有逆遜投荒姦
普屏外之句太宗怒貶商州團練副使上平燕八議召復
官再迁知制誥翟馬周上封事斥時政語連旦謫防州團
練副使復召知制誥草王繼恩制詞溢美流潯州景德初
以病致仕終祕書監為人雋辯強敏少有大志力學以瞻
博聞雍熙淳化間奏御之文為時稱賞晚節黷貨多干擾
州縣持吏短長時論薄之

寇忠愍詩三卷

右宋朝寇準字平叔華州人太平興國中登進士科淳化
五年參知政事定策立真宗為皇太子景德元年拜平章
事契丹入寇決親征之策凡三八相真宗不豫皇后預政
準白上請太子監國因令楊億草制且進億以代丁謂詰
朝準被酒漏言累貶雷州司戶徙衡州司馬卒仁宗時贈
中書令謚忠愍嘗封萊國公初篤學善屬文尤長詩什彛
得警句在相位論議忠直不顧身謀仇邪媒孽既以謫死
或又謗之云在相位時與張齊賢相傾朱能為天書降乾
祐準知而不言曾子固明其不然曰審如是丁謂拂鬚固
足以悅之司馬溫公訓儉文亦言其奢侈子孫丐於海上

然以史攷之萊公蓋無子也集有范雍叙共二百四十首
野水無人渡及江南春二首皆在獨到海只十里之詩已
亡其全篇矣

張師黯集五十卷

右宋^皇朝張洎字師黯滁州人仕李煜知制誥中書舍人歸
朝為史館修撰翰林學士淳化中參知政事至道二年卒
洎風神洒落文辭清麗通釋氏學然性險陂而諂附集有
吳淑序其子安期所編咸平五年上之

王元之小畜集三十卷

右宋^皇朝王禹偁字元之鉅野人家微賤九歲能為歌詩畢

士安見而異之及長善屬文太平興國八年登進士第端
拱初試文擢左司諫知制誥判大理寺辨徐鉉罪忤旨貶
商州團練副使久之復召知制誥入翰林為學士孝章皇
后崩梓宮迁至主第禹偁謂后常毋儀天下當用舊典以
謗訕左遷知滁州真宗即位復召掌^書誥修太宗實錄坐語
涉輕誣出守黃州徙蘄州卒年四十八元之詞學敏贍獨
步一時鋒氣俊厲極談世事臧否人物以直道自任故屢
被擯斥喜稱獎後進當世名士多出其門下集自有序

宋文安集一百卷

右宋^皇朝宋白字素臣開封人年十二善屬文建隆二年進

士調嘉州玉津令從太宗平晉獻頌上嘉之累擢翰林學士祥符中卒謚文安白之文頗浮麗而理致或不工典貢舉取王禹偁田錫胡旦時稱得人

晁文元道院別集十五卷法藏碎金錄十卷耄智餘書三卷昭德新編三卷理樞一卷

右五世祖文元公也諱某字明遠潭州人自父始徙家彭

其子下注本有而字

一三

再學太平興國五年進士至道末擢右正言

祈解近職判西京留司御史臺君六言致仕終少傅年八十四文元謚也國史云公樂易淳固守

道甚篤雖貴勢無所摧屈嘗言歷官臨事未嘗挾情害人以售進保全護固如免髮膚之傷真宗數稱其長者楊億謂其所作書命得代言之體李獻臣亦言服膺墳典者年不倦少遇異人指導心要不喜術數之說疑文滯義滯質正後已文章典贍書法楷正時輩推重自唐以來世掌誥命者唯楊於陵及見其子晁氏繼之延譽後進其門人如宋宣獻晏元憲李邕鄆皆為世顯人集皆自有序及李遵勗最後序自經兵亂六世圖書焚棄無子遺法藏碎金世傳最廣先得之於趙郡蘇符昭德新編則得之於丹稜李燾道院集要則得之於知閬州王輔耄智餘書則得之於眉

山程敦厚理樞則得之於澠池集卷中

晁文元道院集要三卷

右宋^皇朝王古編其序云文元晁公博觀內書不徒力行復勤於撰述以開導後學其書曰道院別集曰自擇增修百法曰法藏碎金曰隨因紀述曰老智餘書余嘗徧閱之以謂名理之妙雖白樂天不迨也輒刪去重複摠集精粹以便觀覽云古元祐中侍從

楊文公刀筆十卷

右宋^皇朝楊億字大年建州人祖文逸夜嘗夢一羽人自稱懷玉山人覺而億生白毛被體其長盈尺踰月始墮雍熙

初以才名聞年纔十一召至闕下得對面試詩賦授祕書省正字宰臣等賀得神童淳化中奏二京賦命試禁林賜進士第久之直集賢院修永熙寶錄獨成五十六卷真宗即位累擢知制誥入翰林為學士祥符中母病陽翟謁告不待報歸省俄自以疾丐解官以太常少卿分司病愈起知汝州復為學士卒年四十七天性穎悟自幼迄老不離翰墨為文敏速對客談笑揮毫無滯博聞強記於歷代典章制度尤所該洽時多取正樂道人善後進翕然宗之然評品人物黑白太明姦邪疾惡之故屢被讒毀真宗愛其材特保持之僅免為景祐中王晦叔上其為冠相請皇太

子親政疏草仁宗嘉歎特贈禮部尚書謚曰文刀筆集有
陳詒序凡三百六十三首

張垂崖集十卷

右宋朝張詠字復之濮州人太平興國中進士累擢至樞
密直學士御史中丞禮部尚書卒年七十少好擊劍兼通
術數為文尚氣不事雕飾自號垂崖公知益州恩威並著
至今人畏愛之錢易所撰墓誌李昉所纂語錄附於後

陳文惠愚丘集二卷潮陽編一卷

右宋朝陳堯佐字希元閬州人端拱初進士累遷三司副
使修永定實錄擢知制誥歷韶廬壽洛并同雍鄭八州景

祐四年召拜同中書門下平章事旋以太子太師致仕年
一 一 一 虎口餘子謚文惠堯佐屬辭尚古不牽世用喜
雋永可味 汪作可雋味 表作永雋可 通攷作可雋永均音

田表聖咸平集五十卷

右宋朝田錫字表聖其先京兆人唐末徙於蜀國初與胡
旦何士宗齊名中興國三年進士第歷相臺桐廬淮揚海
陵四郡守知制誥終於諫議大夫范仲淹司馬光讀其書
皆稱其直諫蘇軾亦以比賈誼云

李仲方集二十卷

右宋朝李維字仲方雍熙二年進士景德中知制誥遷中

書舍人為翰林學士承旨年七十一維以文學進至老手不釋卷能詩嗜酒嘗謂人曰人生詩酒足則尚何營哉

民士編一十九卷

右宋^皇朝陳充撰充成都人雁^皇熙^皇二^皇月^皇一^皇日^皇知祥符六年貢^皇由^皇 鄆^皇毫^皇昇^皇三字^皇汪^皇作^皇鄆^皇毫^皇昇^皇五^皇州^皇十^皇月^皇進^皇善^皇訪^皇諳^皇澹

於營利自號中庸子民士云者蓋其未仕已仕前後所著文也嘗以唐牛僧孺善惡無餘論為害教著書反之國史稱焉今集載其論兩篇

孫漢公集三十卷

右宋^皇朝孫何字漢公蔡州人淳化三年應進士殿省俱中

第一四迂起居舍人知制誥性不急嘗任京西東西折

汪作宗經義 通攷無義字

元之所稱時謂之孫丁集有丁謂序

丁晉公集四卷

右宋^皇朝丁謂字公言初字謂之蘇州人淳化三年進士累遷知制誥出知鄆毫昇三州天禧四年拜平章事俄以戶部罷未幾復相封晉國公乾興中坐擅改永定陵貶崖州司戶更赦徙道州明道末以秘書監召還卒於光州幼聰敏書經目輒記不忘善為古文章尤工詩什儉巧險陂世鮮其儔大中祥符初上欲封禪未堅決謂因言大計有餘

議遂定當時所奏祥瑞事皆謂及王欽若預焉多喜圖畫博奕音律吳人自陸宣公後至謂始相本朝熙寧以前議者莫不指謂為姦邪之首自王安石用事頗稱其賢智云集皆詩也

鮮于伯圭集一卷

右宋^皇朝鮮于瓌字伯圭閬中人文章為一時之冠累舉不第嘗作摠愁詞時人稱之李宗諤贈詩云漢殿無人薦揚子滿朝空誦摠愁詞後與宗諤同年第四人登科趙普判秦州辟為觀察推官卒

劉中山刀筆二卷淝川集四卷

右宋^皇朝劉筠字子儀大名人咸平元年進士三遷右正言直史館以司諫知制誥出知鄧陳西州召入翰林為學士嘗草丁謂李迪罷相制既而又命草制復留丁謂筠不奉詔遂出知廬州再召為學士月餘以疾知潁州三召入翰林加承旨未幾進戶部龍圖閣學士再知廬州為人不苟合學問宏博文章以理為主辭尚緻密尤工篇咏能侔揣情狀音調淒麗自景德以來與楊億文章齊名號為楊劉天下宗之刀筆集并淝川集有黃鑑序

昭德先生郡齋讀書志卷之十九終

昭德先生郡齋讀書志卷之二十

門人姚應績編

摠集類

李善注文選六十卷

右梁昭明太子蕭統纂前有序述其所以作之意蓋選漢迄梁諸家所著賦詩騷七詔策令教冊秀才文表上書啟彈事牋記書移檄難對問議論序頌贊符命史論連珠銘箴誄哀策碑誌行狀吊祭文類之為三十卷實常謂統著文選以何遜在在否不錄其文蓋其人既往而後其文刻定然則所錄皆前人作也唐李善集注析為六十卷善高宗

時為弘文學士博學經史百家無不備覽而無文時人謂之書麓初為輯注博引經史釋事而忘其義書成上進問其子邕：無言善曰非邪爾當正之於是邕更加以義釋解精於五臣今釋事加義者兩存焉蘇子瞻嘗讀善註而嘉之故近世復行

五臣註文選三十卷

右唐呂延祚集註延祚以李善止引經史不釋述作意義集呂延濟劉良張詵呂珣李周翰五人註延祚不與焉復為三十卷開元六年延祚上之名曰五臣註

雜文章一卷

右孫巨源得之於祕閣載宋玉等賦頌五十八篇景迂生元豐甲子以李公擇本校正後有劉大經田為王雲李端唐君益諸公跋題

文粹一百卷

右宋^望朝姚鉉字寶臣編鉉廬州人太平興國中進士文辭敏麗善書禮^札藏書至多頗有異本累迁西浙漕課吏寫書采唐世文章分門編類初為五十卷後復增廣之為薛映掎其事奪官斥連州卒後其子以其書上獻詔藏內府命以一官

續古今詩苑英華集十卷

右唐僧惠淨撰輯梁武帝大同年中會三教篇至唐劉孝孫成臯望河之作凡一百五十四人歌詩五百四十八篇孝孫為之序

珠英學士集五卷

右唐武后朝嘗詔武三思等修三教珠英一千三百卷預修書者凡四十七人崔融編集其所賦詩各題爵里以官班為次融為之序

麗則集五卷

右唐李氏撰不著名集文選以後至唐開元詞人詩凡三百二十首分門編類貞元中鄭餘慶為序

中興間氣集三卷

右唐高仲武輯至德迄大歷中錢起以下二十六人詩自為序以天寶叛渙述作中廢至德中興風雅復振故以名仍品藻衆作著之於前云或又題孟彥深纂

南薰集三卷

右唐竇常撰集韓勳至皎然三十人約三百六十篇凡三卷其序云欲勒上中下則近於褒貶題一二三則有等衰故以西掖南宮外臺為目人各係係名係係贊

本事詩一卷

右唐孟棻撰纂歷代詞人緣情感事之詩叙其本事凡七

頌

續本事詩二卷

右偽吳處常子撰未詳其人自有序云比覽孟初中本事詩輒搜篋中所有依前題七章類而編之然皆唐人詩也

斷金集一卷

右唐令狐楚緝其與李逢吉酬唱詩什開成初裴夷直序之

漢上題襟集十卷

右唐段成式緝其與溫庭筠余知古酬和詩筆牋題

松陵集十卷

右唐皮日休與陸龜蒙酬唱詩凡六百五十八首龜蒙編次之日休為序松陵者平江地名也

唐賦二十卷

右唐科舉之文也蕭穎士裴度白居易薛逢陸龜蒙之作皆在焉

西崑酬唱集二卷

右宋楊億劉筠李宗諤晁某錢惟演及當時同館十五人唱和詩凡二百四十七章前有楊億序

宋唐類詩二十卷

右宋朝僧仁贊序稱羅唐西士所編而不載其名分類編

次唐及本朝祥符已前名人詩

唐百家詩選二十卷

右宋^皇朝宋敏求次道編次道為三司判官嘗取其家所藏唐人一百八家詩選擇其佳者凡一千二百四十六首為一編王介甫觀之因再有所去取且題云欲觀唐詩者觀此足矣世遂以為介甫所纂

寶刻叢書三十卷

右宋^皇朝宋敏求次道編次道聚天下古人詩歌石刻凡一千一百三十篇以其相附近者相從又欠以歲月先後且汪本作凡刻之金石則必其所自信為佳句或為人所愛重者此與通攷同

其自以為得或作於人所愛重者故多有新清瓌麗之語覽者其深究焉

歲時雜詠二十卷

右宋^皇朝宋綬編宣獻公昔在中書第三閣手編古詩及魏晉迄唐人歲時章什一千五百有六釐為十八卷今溢為二十卷云

仕塗必用集二十一卷

右宋^皇朝祝熙載編本朝楊劉以後諸公表啟為一編

丹陽類集十卷

右宋^皇朝曾收編丹陽今潤州春秋曰朱方秦曰丹徒孫權

改名曰京口東晉僑立州郡至宋齊陳曰東海獨梁曰蘭陵而皆以徐州稱之隋始定今名唐以建康諸邑隸焉更為丹陽郡元豐中收守官於其地因采諸家之集始自東漢終於南唐凡得歌詩賦贊五百餘篇

雲臺編六卷

右皇朝耿思柔纂華州雲臺觀古今君臣所題詩什

清才集十卷

右皇朝劉禹卿編輯古今題劍門詩什銘賦蒲逢為之序

瑤池新集一卷

右唐蔡省風集唐世能詩婦人李季蘭至程長文二十三

人詩什一百十五首各為小序以冠其前且摠為序其略云在叔之婦修史屬文皇甫之妻抱忠善隸蘇氏雅於回紋蘭英擢於宮掖晉紀道韞之辯漢尚文姬之辭况今文明之盛乎

九僧詩集一卷

右宋朝僧希書保暹文兆行肇簡長惟鳳惠業崇寧牢昭懷古也陳充為序幾一百十篇歐公曰進士許洞因會九僧分題出一紙約曰不得犯一字其字乃山水風雲竹石花草雪霜星日禽鳥之類於是諸僧皆閣筆此本出李夷中家其詩可稱者甚多惜乎歐公不盡見之許洞之約雖足以

困諸僧然論詩者政不當爾蓋詩多識鳥獸草木之名而
楚辭亦寓意於飈風雲霓如池塘生春草窓間列遠岫天
際識歸舟雲中辨江樹蟬噪林逾靜鳥鳴山更幽庭草無
人隨意綠宮漏出花遲楓落吳江冷空梁落燕泥微雲淡
河漢踈雨滴梧桐殘星幾點鴈橫塞長笛一聲倚樓鷄聲
苑店月人迹板橋霜之類莫不犯之若使諸公與許洞分
題亦須閣筆矧其下者哉

聖宋文粹三十卷

右不題撰人輯慶曆間群公詩文劉牧王黃通之徒皆在其
選

宋文海一百二十卷

右宋皇朝江鈿編輯本朝諸公所著賦詩表啟書論說述議
記序傳文贊頌銘碑制詔疏詞誌挽祭禱文凡三十八門
雖頗該博而去取無法

皇宋詩選五十七卷

右宋皇朝曾慥編慥魯公喬孫守贛贛川帥荆渚日選本朝自
寇萊公以次至僧璉二百餘家詩序云博采旁搜拔尤取
穎悉表而出焉

西漢文類二十卷

至皇朝汪本作至本朝

者重編纂成之

東漢文類三十卷

右五代竇儼編

唐文類三十卷

右宋^皇朝陶叔獻編

唐漢策要十卷

右宋^皇朝陶叔獻編

綸言集一百卷

右或編國朝制冊詔誥成此書以其皆王言也故以為名

高麗詩三卷

右元豐中高麗遣崔思齊李子威高琥康壽平李穗入貢
上元宴之於東闕下神宗製詩賜館伴畢仲行仲行與五
人者及西府皆和進其後使人金梯朴寅亮裴 李絳孫
盧柳金花玳等塗中酬唱七十餘篇自編之為西上雜詠
絳孫為之序

太平盛典二十三卷

右或編政和間制誥表章多有可觀者

文說類

文心雕龍十卷

右晉劉勰撰評自古文章得失別其體製凡五十篇各係

之以贊云余嘗題其後曰世之詞人刻意文藻讀書多減裂杜牧之龍星為真龍王摩詰以去病為衛青昔人譏之然亦不足恠蓋詩賦或卒爾之作故也今魏著書垂世自謂旨要執丹漆器隨仲尼南行其自負不淺矣觀其論說

其論說篇注本作乃論說篇

書有論道經并之言

修文要訣一卷

右偽蜀馮鑑撰雜論為文體式評其誤謬以訓初學云

金針詩格三卷

詩之體要為一格病得針而愈詩亦猶是也故曰金針集

續金針詩格一卷

右宋^皇朝梅堯臣聖俞撰聖俞遊廬山宿西林與僧希白談詩因廣樂天所述云

李公詩苑類格三卷

右宋^皇朝李淑撰寶元三年豫王出閣淑為王子傅因纂成此書上之述古賢作詩體格摠九十目

杜詩刊誤一卷

右宋^皇朝王仲至撰

韓文辨證八卷

右宋^皇朝洪興祖討論韓愈詩文推考其根源因以訂正其訛繆頗為該洽云

韓柳文章譜三卷

右宋^皇朝黃大輿撰大輿之意以為文章有莊老之異故取韓愈柳宗元文章為三譜其一取其詩文中官次年月可攷者次第先後著其初晚之異也其一悉取其詩文比叙之其一列當時君相於上以見二人之出處極為詳悉

天厨禁燭三卷

右宋^皇朝釋惠洪撰論諸家詩格

昭德先生郡齋讀書志卷之二十終



昭德晁公侍郎僑居蜀嘉定之歲眉平生著書有易詩書春秋解考其異同甚詳又作讀書志皆鈔版大父及嚴君喜藏書在嘉定時嘗摹而藏之及南來不能悉與俱今併他所藏燬矣讀書志偶在篋中鈞謹刻置信安郡齋不惟使晁氏平生之功得不泯沒而觀者按其目而訪求之庶亦可使古書之不泯云淳祐己酉夏五郡守南充游鈞書



歲戌申種中再校一過

蓮涇王聞遠志首年六十六



昭德先生郡齋讀書志世傳袁衡兩本衡本自汪氏藝芸精舍重刻流傳遂
廣袁本則通行陳氏小字一本訛謬未快人意近年涵芬樓得內府所藏宋刊
袁本影印原書面目復見於世幾駕衡本而上之然兩本互有是正未可偏廢
也此鈔衡本郡齋讀書志二十卷華亭王遠濬先生舊藏全書以朱絲二
筆校正審為先生手筆後歸徐氏藝風堂筱珊先生復據通攷及汪本
參稽同異附註別紙於行間蓋前賢致力此書於目錄版片之學奉此
為鼻祖焉余按衡本傳授淵源詳載顧澗菴先生思適齋彙中汪刻蓋
出自瞿木夫家鈔本大半經李香子所校洵菴先生謂其所校未善嘗以
汪本塗乙校改是正頗多此本藏瞿氏
鐵琴銅劍樓又詳論汪刻小學類中富畫分六段自
第二段以下皆錯簡也云云諱視此本沿訛未正是所鈔與汪本同出一源矣
然校於汪本間有出入意傳寫時容或差異耳此本屬經前賢校定精審邁
棘汪刻誠衡本之功臣也是書錄彙工整每半葉十行行二十二字綴以書散
歸梁溪孫氏小錄天伯元以重值得諸孫氏後人者百年中一書數易其主

聚散无常良可慨焉。讀強德先生自序言云：然自中原有事時，已有火厄及兵
戈之後，尺素不存也。云云。方今倭氛未息，江左典籍之厄甚于甲乙之際，而此書得此
檢於劫掠焚燬之餘，能不付蠹車覆瓿，非其幸歟。歲改寅清和三月二十有三日
吳縣潘承弼敬識于泥上斜橋寓廬時年三十有二

